



Íþróttabandalag Akraness

Stofnað 1946

Ársskýrsla 2018



75. ársþing 2019

Skýrsla framkvæmdastjórnar ÍA starfsárið 2018

Framkvæmdastjórn ÍA árið 2018 skipuðu:



Formaður: Marella Steinsdóttir

Varaformaður: Hörður Ó. Helgason

Meðstjórnendur: Dýrfinna Torfadóttir, Svava Huld Þórðardóttir og Tjörvi Guðjónsson

Varamenn: Pálmi Haraldsson og Ragnhildur Inga Aðalsteinsdóttir

Starfsmenn ÍA 2018:

Gunnlaugur Sölvason

Hildur Karen Aðalsteinsdóttir

Petrea Emilía Pétursdóttir



Formenn aðildarféлага ÍA árið 2018 voru:

Brynja Kolbrún Pétursdóttir formaður Badmintonfélags ÍA
Sædís Alexía Sigurmundsdóttir formaður Blakfélagsins Bresa
Guðmundur Claxton formaður Fimleikafélags Akraness
Þórður Emil Ólafsson formaður Golfklúbbsins Leynis
Ása Hólmarsdóttir, formaður Hestamannafélagsins Dreyra
Oliver Máni Oliversson formaður Hnefaleikafélags Akraness
Sigurlaug Njarðardóttir formaður Íþróttafélagsins Þjóts
Eydís Línal Finnboðadóttir formaður Karatefélags Akraness
Guðmundur Sigurðsson formaður Keilufélags Akraness
Ragnar Þrastarson formaður Klifurfélags ÍA
Magnús Guðmundsson formaður Knattspyrnufélags ÍA
Sveinbjörn Hlökkversson formaður Knattspyrnufélagsins Kára
Einar Örn Guðnason formaður Kraftlyftingafélags Akraness
Jón Þór Þórðarson formaður Körfuknattleiksfélags ÍA
Guðmundur Benediktsson formaður Sigurfara - siglingafélags Akraness
Anna Bjarnadóttir formaður Umf. Skipaskaga
Guðrún Hjaltalín formaður Skotfélags Akraness
Trausti Gylfason formaður Sundfélags Akraness
Jóhann Pétur Hilmarsson formaður Vélhjólaiþróttafélags Akraness



Erindi formanns

Á Akranesi búum við við þá eftirsóknarverðu stöðu í íþróttalífinu að ÍA er sameiningartákn íþróttafélaganna og um leið bæjarbúa. ÍA er um leið einn af máttarstólpum mannlífs og atvinnulífs hér á Akranesi, með um 3000 iðkendum, tugi starfsmanna og veltu yfir hálfan milljarð á ári.



Þegar umfang starfseminnar er orðið svona mikið er mikilvægt að íþróttabandalagið sé til fyrirmyndar á

öllum sviðum og stefnir ÍA að því að verða Fyrirmyndarhérað ÍSí. Það er vinna sem mun taka einhvern tíma en verður að lokum gæðastimpill á það góða starf sem fram fer hjá íþróttabandalaginu.

Gott samstarf við einstaklinga og fyrirtæki á Akranesi er gríðarlega mikilvægt til að halda þessari viðamiklu starfsemi gangandi. Hvort sem um er að ræða beina styrki eða ýmiskonar aðstoð, þá hjálpast allt að til þess að byggja áfram upp og ná aðeins betri árangri í dag en í gær. Aðkoma fórnfúsra einstaklinga að skipulagningu og framkvæmd fjölmargra viðburða á vegum íþróttahreyfingarinnar á Akranesi er ómetanleg og eiga þessir aðilar miklar þakkir skildar.

Aðkoma bæjaryfirvalda er einnig mjög mikilvæg en þó mikilvægust þegar kemur að uppbyggingu og rekstri íþróttamannvirkja. Á árinu 2018 hafa sannarlega verið stór skref stigin á því sviði. Frístundamiðstöð, fimleikahús og reiðhöll eru nú allt frá því að vera í undirbúningi og í það að vera komin í notkun að hluta til og von er á fleiri stórfamkvæmdum á næstu árum. Þarna hefur okkur borið gæfa til að vera í góðu samstarfi við Akraneskaupstað og haft aðkomu að undirbúningi framkvæmdanna með hagsmuni okkar iðkenda og félaga að leiðarljósi. Þetta góða samstarf er mikils virði og einnig sá mikli stuðningur sem við fáum frá Akraneskaupstað og starfsmönnum hans á ýmsum sviðum starfseminnar.

„Að vinna saman er árangur“ eru ein af einkunnarorðum ÍA og samvinna er einmitt það sem gerir ÍA að því sem það er, hvort sem er utan eða innan vallar. Saman eru okkur allir vegir færir. Áfram ÍA!

Að koma saman er byrjun,
Að vera saman eru framfarir,
Að vinna saman er árangur.

74. ársþing ÍA

Þann 12. apríl 2018 var 74. ársþing Íþróttabandalags Akraness haldið í hátíðarsal ÍA að Jaðarsbökkum og var Sigurður Elvar Þórólfsson kjörinn þingforseti. Á ársþinginu var Marella Steinsdóttir kjörin formaður Íþróttabandalags Akraness og Hörður Ó. Helgason kjörinn varaformaður. Dýrfinna Torfadóttir og Tjörvi Guðjónsson komu ný inn í framkvæmdastjórn ÍA ásamt Herði en Svava Huld Þórðardóttir gaf áfram kost á sér til stjórnarsetu. Ragnhildur Inga Aðalsteinsdóttir og Pálmi Haraldsson gáfu áfram kost á sér í varastjórn. Úr framkvæmdastjórn gengu þau Þráinn Haraldsson, Sigurður Arnar Sigurðsson og Helga Sjöfn Jóhannesdóttir en bæði Sigurður og Helga hafa gegnt störfum formanns og varaformanns ÍA. Voru þeim þökkuð farsæl störf fyrir Íþróttabandalag Akraness. Hafsteinn Pálsson frá ÍSÍ sæmði Jón Þór Þórðarson, núverandi formann Körfuknattleiksfélags ÍA og fyrrverandi íþróttafulltrúa ÍA til margra ára, silfurmerki Íþróttasambands Íslands. Jafnréttisstefna ÍA og Stefna Íþróttabandalags Akraness og aðildarfélaga þess gegn einelti, áreitni og ofbeldi var kynnt og samþykkt af þinginu. Þá var málverk af Guðmundi Sveinbjörnssyni, fyrrverandi formanni ÍA afhjúpað. Bjarni Þór Bjarnason, listmálari málaði myndina en hann og Ásta Salbjörg eiginkona hans gáfu ÍA myndina og eru þeim færðar bestu þakkir fyrir höfðingskapinn nú sem fyrr.

Heiðursviðurkenningar



Ellefu einstaklingar voru sæmdir bandalagsmerki ÍA á ársþinginu 2018 fyrir góð störf fyrir ÍA og aðildarfélög þess. Þeir sem tóku við viðurkenningu eru:

Berglind Þráinsdóttir, Brynja Kolbrún Pétursdóttir, Eydís Líndal Finnbogadóttir, Jón S Ólason, Kári Haraldsson, Lárus Ársælsson, Margrét Ákadóttir, Sigríður Ragnarsdóttir, Sveinbjörn Hlöðversson, Trausti Gylfason og Þórður Sævarsson.

Starfsemi íþróttabandalagsins

Hildur Karen Aðalsteinsdóttir starfar sem framkvæmdastjóri ÍA í fullu starfi. Skrifstofa ÍA er í íþróttahúsinu við Vesturgötu en hún var færð í norðurenda hússins vegna framkvæmda við fimleikahús. Þar er einnig ágæt fundaraðstaða fyrir aðildarfélög. Að auki starfar Gunnlaugur Sölvason í hlutastarfi við viðhald tækja í þrekaðstöðu ÍA og Petrea Emilía Pétursdóttir sér um bókhald Íþróttabandalagsins.

Framkvæmdastjórn ÍA hélt reglulega fundi á árinu og hélt að auki formannafundi en á þeim fundum er farið yfir það helsta sem brennur á formönnum aðildarfélaganna og málefni sem snerta hreyfinguna eru tekin fyrir og rædd.

Rekstur

Rekstur ÍA gekk vel á árinu 2018. Rekstrar- og vaxtatekjur námu ríflega 35,1 milljón króna og rekstrargjöld um 39,6 milljónum og var tap af rekstri ársins að meðtöldum fjármagnsliðum og afskriftum um 6,7 milljónir. Það að ganga þetta mikið á höfuðstól ÍA var samkvæmt áætlun en framlög til aðildarféлага voru hækkuð sem nam um 6,8 milljónum á milli ára og voru ríflega 17,6 milljónir. Helstu tekjuliðir voru sem fyrr rekstur þrekaðstöðu og útleigu sem stendur undir um 60% tekna ÍA. Tekjur af Lottó og getraunum og styrkur frá Akraneskaupstað eru einnig mikilvæg í rekstrinum og nema um 30%. Eigið fé Íþróttabandalagsins er tæplega 67 milljónir króna í árslok 2018, þar eru stærstu liðirnir peningalegar eignir og eignarhlutur í Íþróttamiðstöðinni á Jaðarsbökkum.



ÍA á samfélagsmiðlum

Á vef ÍA (www.ia.is) er mikið af upplýsingum um starfsemi Íþróttabandalagsins og má þar m.a. nálgast upplýsingar um alla æfingatíma í íþróttahúsum bæjarins, kaupa ÍA vörur í vefverslun og skrá í Nóra. Á árinu var einnig bætt við texta um íþróttastarfsemi aðildarfélaga á ensku og pólsku auk þess sem upplýsingar um skráningu í Nóra voru einnig þýddar á þessi tvö tungumál.

Öll aðildarfélög eru með sitt sérstaka svæði á vefnum þar sem setja má inn upplýsingar um félögin, fréttir o.þ.h. Nokkuð hefur borið á því að félögin séu eingöngu að setja upplýsingar á Facebook síður sínar sem er ekki æskilegt þar sem ekki eru allir með Facebook og svo er meiri hætta á að saga félaga tapist með þeim hætti.

Á **Facebook** síðu ÍA eru settar inn tilkynningar og áminningar um viðburði á vegum ÍA og einstaka fréttir fá einnig að fljóta með. Þessi aðferð hefur reynst vel til að ná til stórs hóps fólks á stuttum tíma og með lítilli fyrirhöfn. Slóðin á Facebook síðu ÍA er: www.facebook.com/ithrottbandalagakraness/

Í kjölfar setningu laga um persónuvernd er ljóst að sýna þarf meiri ábyrgð í meðferð persónuupplýsinga og varðveislu þeirra á netinu og hafa ÍA og aðildarfélög þess verið í góðu samstarfi við ÍSÍ og Akraneskaupstað til að innleiða ný vinnubrögð í meðferð þessara upplýsinga.



Almenningsíþróttir

Eitt af meginmarkmiðum Íþróttabandalags Akraness er að stuðla að bættri lýðheilsu á Akranesi. Á árinu 2018 stóð ÍA fyrir ýmsum viðburðum á því sviði. Helstu viðburðirnir voru:

Kvennahlaup ÍSÍ. Tæplega 200 þátttakendur hlupu á Akranesi dagana 31. maí og 2. júní. Frábær þátttaka var á Höfða þenn 31. maí en þá hlupu 65 eldri borgarar á Akranesi og var mjög glatt á hjalla. Öflugur hópur iðkenda og foreldra úr 3. flokki kvenna í knattspyrnu sá um framkvæmd Kvennahlaupsins með ÍA.

Hreyfivika UMFÍ. Skagamenn voru meðal virkustu sveitarfélaganna á landinu með 20 skráða viðburði dagana 28. maí – 3. júní.

Jónsmessuviðburður á Akranesi. Í tilefni af Jónsmessu stóð ÍA fyrir tveimur viðburðum, gönguferð um Innstavogsnes með Guðna Hannessyni og siglingu á kajökum í boði Sigurfara.

Lýðheilsugöngur á Akranesi. Akraneskaupstaður og Íþróttabandalag Akraness í samstarfi við Ferðafélag Íslands buðu upp á lýðheilsugöngur alla miðvikudaga í september. Göngurnar voru leiddar af sjálfboðaliðum og var frítt í sund að loknum göngum. Tilgangur lýðheilsuganga er að hvetja fólki til útivistar og hreyfingar í góðum félagsskap og efla þar með heilsu sína og lífsgæði.

Að framkvæmd þessara verkefna komu fjölmörg félög og einstaklingar sem lögðu fram tíma sinn og vinnu til að þeir tækjust sem best. Takk fyrir ykkar óeigingjarna starf.




ÍATV

ÍATV er hluti af starfsemi ÍA og lagði bandalagið um eina milljón króna til búnaðarkaupa til þess að sinna beinum útsendingum frá viðburðum aðildarfélaga ÍA, uppbyggingu á heimasíðu ÍATV og varðveislu þess efnis sem verður til. Íþróttabandalagið hefur áður styrkt verkefnið en með þessu framlagi getur ÍATV bætt enn frekar gæði útsendinga sinna og aðgengi að þeim, bæði í nútíma en ekki síður til lengri tíma enda hefur þetta efni mikið heimildargildi.

Sjálfbóðaliðarnir sem standa á bak við ÍATV eiga mikið hrós skilið fyrir elju og áhuga en á árinu 2018 sendi ÍATV 64 sinnum út beint, þar af 48 knattspyrnuleiki. Þá voru allir heimaleikir meistaraflokks karla í körfu sendir út og að auki ýmsir íþrótta- og samfélagstengdir viðburðir.

- Heildarfjöldi áhorfenda 2018 var 68.714 sem horfðu frá 24 löndum.
- 465 nýir áskrifendur að YouTube rás ÍATV.
- Rúmlega 7000 manns heimsóttu heimasíðu iatv.is árið 2018.
- Sjálfbóðaliðar ÍATV unnu um 750 klukkustundir árið 2018 við útsendingar.



Þrekstarfsemi ÍA

Rekstur þrekaðstöðunnar er mikilvægur ÍA á margan hátt. Í fyrsta lagi þá getur bandalagið þannig veitt keppnishópum aðildarfélaga sinna gjaldfrjálsan aðgang að íþrótta- og þreksölum. Í öðru lagi þá nýtist aðstaðan einnig fyrir almenning á Akranesi og í þriðja lagi þá skilar rekstur þrekaðstöðunnar töluverðum tekjum sem m.a. eru notaðar í rekstrarstyrki til aðildarfélaga ÍA. Stöðugar endurbætur hafa verið á þrekaðstöðu ÍA á árinu þar sem aðallega hefur verið bætt við upphitunar- og þrektækjum, handlóðum og ketilbjöllum auk þess sem viðhald hefur farið fram á hlaupabrettum og öðrum búnaði.

Styrkir til félaga

Á árinu veitti ÍA alls 17,6 milljónum í beina styrki til aðildarfélaga sinna. Þessir styrkir hafa farið hækkandi á undaförnum árum og bera vott um góðan rekstur hjá Íþróttabandalaginu. Meginuppistaðan í þessum styrkjum kemur til vegna hagnaðar af rekstri þrekaðstöðu sem síðan er færður til baka til félaganna. Ýmis sjónarmið eru uppi um það hvort ÍA eigi að reka þessa þrekaðstöðu í samkeppni við einkaaðila en hagur íþróttafélaganna af því er þó augljós, gjaldfrjáls þrekaðstaða og rekstrarstyrkir.

Rekstrarstyrkir

Aðildarfélög ÍA fengu 15 milljónir í beina rekstrarstyrki frá Íþróttabandalaginu og eru þeir reiknaðir út á sama hátt og styrkir Akraneskaupstaðar til félaganna.

Starfs- og uppbyggingarstyrkur 2018-2019

Knattspyrnufélag ÍA fékk eina milljón króna í sérstakan starfs- og uppbyggingarstyrk á árinu 2018. Önnur aðildarfélög munu fá starfs- og uppbyggingarstyrk á árinu 2019 og verður upphæð til hvers félags reiknuð út á sama hátt og rekstrarstyrkur ÍA til félaganna og starfs- og uppbyggingarstyrkur til KFÍA.

Styrkur vegna hreinsunardags

Þau félög sem mættu á hreinsunardag ÍA og Akraneskaupstaðar fengu greitt miðað við vinnuframlag hvers félags auk ákveðins grunnframlags. Alls skiptu félögin 800 þúsund krónum á milli sín sem var framlag ÍA til verkefnisins.

Verkefnatengdur styrkur

Knattspyrnufélagið Kári fékk 500.000 kr. verkefnatengdan styrk frá ÍA á árinu 2018. Styrkurinn felur í sér að iðkendur Kára vinni að ýmsum verkefnum fyrir ÍA s.s. undirbúning og frágang við kjör íþróttamanns Akraness og uppsetningu og flutning á þrektækjum og öðrum búnaði á vegum ÍA.

Styrkur frá Skaganum hf. og Þorgeir og Ellert hf.

Fyrirtækin Skaginn hf. og Þorgeir & Ellert hf. ákváðu fyrir hönd starfsmanna sinna að styðja ÍA að ný með þriggja milljóna króna framlagi í sjóð til að stuðla að bættum gæðum og faglegri vinnu við barna- og unglingastarf á Akranesi, með sérstakri áherslu á forvarnagildi íþróttaiðkunar. Áður hafði sömu upphæð verið úthlutað í byrjun árs 2018. ÍA auglýsti eftir umsóknum í sjóðinn og verður úthlutað úr honum vorið 2019.

Minningarsjóður Guðmundar Sveinbjörnssonar

Minningarsjóðurinn var stofnaður af íþróttabandalagi Akraness í virðingar- og þakklætisskyni fyrir hin veigamiklu störf Guðmundar í þágu Íþróttabandalags Akraness. Þrír afreksíþróttamenn fengu úthlutað afreksstyrkjum úr sjóðnum á árinu en það voru þau Valdís Þóra Jónsdóttir kylfingur og íþróttamaður Akraness 2018, knapinn Jakob Svavar Sigurðsson sem lenti í öðru sæti í kjöri íþróttamanns Akraness og skotmaðurinn Stefán Gísli Örylgsson sem lenti í þriðja sæti í kjöri íþróttamanns Akraness. Að auki fékk KFÍÁ styrk fyrir Tjörva Guðjónsson til að kynna sér nýjungar í rekstri knattspyrnufélaga.



Húsnæðismál

Áfram var unnið að framtíðarskipulagi íþróttamannvirkja á Jaðarsbökkum en þar mun meginuppbygging íþróttamannvirkja Akraness verða í framtíðinni.

Frístundamiðstöð

Í byrjun árs var hafist handa við byggingu Frístundamiðstöðvar við Garðavöll á lóðinni þar sem klúbbhús Leynis stóð áður. Nýja húsið verður rúmlega þúsund fermetrar að flatarmáli og skiptist í 700 fermetra jarðhæð og rúmlega 300 fermetra kjallara sem hýsa mun inniæfingaaðstöðu klúbbsins og hófust æfingar þar í haust. Skrifstofuaðstaða Leynis er einnig tilbúin en gert er ráð fyrir að taka Frístundamiðstöðina að fullu í notkun í byrjun sumars 2019. Akraneskaupstaður er eigandi hússins en Golfklúbburinn Leynir sér um allan rekstur þess.

Fimleikahús

Í lok mars 2018 var fyrsta skóflustungan tekin að nýju fimleikahúsi á Akranesi.


Fimleikahús á Akranesi verður sambyggt Íþróttahúsinu við Vesturgötu. Þar verður 1.640 fermetra fimleikasalur, með steyptri áhorfendastúku, stökkgryfjum, trampólínum með lendingu og fíbergólfi, svokölluðu „Fast track“ og öllum þeim búnaði sem þarf til fimleikaiðkunar við bestu mögulegu aðstæður. Auk nýbyggingar fimleikahúss verða núverandi búningsklefar Íþróttahússins við Vesturgötu endurnýjaðir sem og anddyri og kennslurými þar sem frístund Brekkubæjarskóla hefur verið starfrækt. Áætlað er að fimleikahúsið verði tilbúið í árslok 2019.

Reiðhöll

Í sumarbyrjun var skrifað undir samning um byggingu nýrrar reiðhollar á svæði hestamannafélagsins Dreyra á Æðarodda við Akranes. Akraneskaupstaður verður eigandi hússins, en það verður byggt fyrir um sextíu milljóna króna framlagi frá Akraneskaupstað auk afsláttar af gatnagerðargjöldum, tíu milljóna króna framlag kemur frá Hvalfjarðarsveit auk vinnuframlags frá félögum í hestamannafélaginu. Áætlaður heildarkostnaður við bygginguna er tæpar 100 milljónir króna og á hún að verða tilbúin eftir eitt ár.

Gul og glöð Akraneshöll

Á árinu var gengið í það að gera Akraneshöllina „ÍA-legri“ og keypti Íþróttabandalagið nokkur ÍA skilti auk skilta með gildum ÍA og þau sett upp í Akraneshöllinni. Skiltin koma afar vel út og velkist nú enginn í vafa um að Akraneshöllin tilheyrir Skagamönnum og íþróttafólki ÍA.



Hreinsunardagur og umhverfisverðlaun

Í tilefni af degi umhverfisins þann 25. apríl skipulögðu aðildarfélag ÍA og Akraneskaupstaður hreinsunardag og mættu tæplega 400 manns og hreinsuðu til í bænum í um tvær klst. Miklu magni af rusli var safnað en sérstök áhersla var lögð á svæðin í kringum íþróttamannvirki, golfvöll og hestasvæði auk strandlengjunnar. Íþróttabandalagið styrkti aðildarfélag í samræmi við framlag þeirra til hreinsunardagsins.



Þann 27. október síðastliðinn veitti Akraneskaupstaður síðan Íþróttabandalagi Akraness viðurkenningu fyrir hóp vegna frumkvæðis að hreinsun í bænum af hálfu iðkenda og þjálfara aðildafélaga innan ÍA. Við erum afar stolt yfir þessum óvæntu viðurkenningu en þetta sýnir um leið að íþróttahreyfingin getur látið til sín taka á ýmsum sviðum samfélagsins á Akranesi.

Nýjar stefnur ÍA

Í kjölfar mikillar umræðu um kynferðislegt ofbeldi og kynbundið misrétti var farið í að vinna stefnur fyrir ÍA á því sviði og samþykkti ársþing ÍA 2018 nýja jafnréttisstefnu og nýja stefnu gegn einelti, áreitni og ofbeldi sem við erum mjög stolt af. Íþróttabandalag Akraness leggur mikla áherslu á að þessi mál séu í góðu lagi hjá bandalaginu og aðildarfélögum þess og ef vandamál komi upp þá sé unnið eftir skýrum verkferlum við úrlausn mála.

Íþróttamaður ársins 2018 á Akranesi



Valdís Þóra Jónsdóttir, kylfingur úr Leyni, var kjörin íþróttamaður Akraness 2018. Þetta er í áttunda sinn sem Valdís Þóra er efst í þessu kjöri og þriðja árið í röð. Hestaíþróttamaðurinn Jakob Svavar Sigurðarson varð annar í kjörinu og skotmaðurinn Gísli Örlygsson varð þriðji.

Valdís Þóra er einn fremsti kylfingur Íslands til marga ára og atvinnukona í golfi. Hún hefur allt frá unglingsaldri verið með skýr markmið sem hún hefur unnið markvisst eftir. Valdís Þóra spilaði erlendis á LET mótaröðinni á árinu 2018 og tryggði sér fullan keppnisrétt árið 2019. Hún keppti bæði

á opna breska og opna skoska meistaramótinu og sigraði í Evrópukeppni blandaðra liða ásamt þremur öðrum kylfingum. Valdís Þóra var valin kylfingur ársins í kvennaflokki á Íslandi 2018.

Tilnefndir íþróttamenn fyrir árið 2018:

Andri Júlíusson, knattspyrna
 Arnar Már Guðjónsson, knattspyrna
 Bjarni Þór Benediktsson, hnefaleikar
 Brimrún Eir Óðinsdóttir, klifur
 Brynhildur Traustadóttir, sund
 Brynjar Már Ellertsson, badminton
 Harpa Rós Bjarkadóttir, fimleikar
 Jakob Svavar Sigurðsson, hestaíþróttir
 Jóhann Pétur Hilmarsson, vélhjólaíþróttir

Jóhanna Nína Karlsdóttir, boccia
 Magnús Sigurjón Guðmundsson, keila
 Ólafur Ían Brynjarsson, karate
 Sindri Leví Ingason, körfuknattleikur
 Stefán Gísli Örlygsson, skotfimi
 Svavar Örn Sigurðsson, kraftlyftingar
 Unnur Ýr Haraldsdóttir, knattspyrna
 Valdís Þóra Jónsdóttir, golf



Íslands- og bikarmeistarar ÍA 2018

Badminton Brynjar Már Ellertsson Máni Berg Ellertsson Davíð Örn Harðarson Úlfheiður Embla Ásgeirsd. María Rún Ellertsdóttir Fimleikar 5. flokkur stúlkna 4. flokkur stúlkna 3. flokkur stúlkna 2. flokkur stúlkna 1. flokkur kvenna Meistaraflokkur kvenna	Hestaíþróttir Jakob Svavar Sigurðsson Keila Guðmundur Sigurðsson Hlynur Helgi Atlason Matthías Leó Sigurðsson Sóley Líf Konráðsdóttir Klifur Brimrún Eir Óðinsdóttir Knattspyrna 2. flokkur karla Meistaraflokkur karla	Kraftlyftingar Alexandra Rán Guðnýjard. Einar Örn Guðnason Fannar Björnsson Svavar Örn Sigurðsson Skotfimi Stefán Gísli Örlygsson Sund Ágúst Júlíusson Brynhildur Traustadóttir Kári Geirlaugsson Vignir Barkarson
---	---	---

Ýmsir molar úr starfinu

Minningarsjóður Arnars Dórs



Rúmlega tvær milljónir og eitt hundrað þúsund krónur söfnuðust í minningarsjóð Arnars Dórs í átaki sem Þórður Már Gylfason og fyrirtæki hans, Sansa, kom af stað í samvinnu við Team '79 og ÍA. Skagamenn tóku gríðarlega vel í framtakið og náðu að safna þessari upphæð á rúmum tveimur vikum. ÍA mun hafa umsjón með minningarsjóðnum og verður úthlutað úr sjóðnum einu sinni á ári og styrkja þau aðildarfélög ÍA sem hann tengdist, þ.e. golf, fótbolta og kraftlyftingar.

Styrkur til að auka þátttöku barna og ungmenna af erlendum uppruna í skipulögðu íþrótt- og æskulýðsstarfi

Íþrótt- og Ólympíusamband Íslands (ÍSÍ) og Ungmennafélag Íslands (UMFÍ) veittu ÍA styrk sem ætlaður er til að auka þátttöku barna og ungmenna af erlendum uppruna í skipulögðu íþrótt- og æskulýðsstarfi. Það verkefni sem ÍA hlaut brautargengi með snýst um að kortleggja íþrótt- og tómstundaiðkun barna af erlendum uppruna í 3. og 4. bekk og hvetja þau til að hefja íþróttaiðkun hjá aðildarfélögum ÍA. Verkefninu lauk á árinu 2018 og tókst vel.

Ókeypis markþjálfun fyrir iðkendur ÍA

Iðkendum, þjálfurum og starfsmönnum, innan aðildarfélaga ÍA stóð til boða að nýta sér markþjálfun á árinu 2018. Um var að ræða tímabundið verkefni sem var styrkt af Akraneskaupstað og ÍA. Boðið var upp á einstaklingssamtöl, hópmarkþjálfun og fræðslu um sjálfsefningu og sjálfsrækt. Ingólfur Pétursson CEG. sá um markþjálfunina.

Styrkveitingar Akraneskaupstaðar til íþróttamála

Akraneskaupstaður auglýsti tvisvar á síðasta ári eftir styrkumsóknum vegna íþróttamála. Alls úthlutaði kaupstaðurinn 22,7 milljónum beint til aðildarfélaga ÍA og iðkenda hjá aðildarfélögum. Í ár var hluti styrkveitinganna skilyrtur í þá veru að styrkþegar sem bjóða upp á tómstundaiðkun fyrir börn og unglinga verði að hafa til staðar siðareglur, viðbragðsáætlanir og fræðslu um ofbeldi, kynferðislega áreitni og kynferðisofbeldi fyrir iðkendur og starfsmenn innan félagsins.

Fyrirlestrar á vegum ÍA

ÍA og Akraneskaupstaður stóðu fyrir áhugaverðum fyrirlestrum á árinu. Hrafnhildur Lúthersdóttir sundkona hélt vel sóttan fyrirlestur um það hvernig það er að vera afreksíþróttamaður á efsta stigi í heiminum. Þá kom Hafdís Inga Hinriksdóttir félagsráðgjafi til okkar með erindi fyrir starfsmenn, þjálfara og stjórnarmeðlimi aðildarfélaga ÍA um ofbeldi í íþróttum og hvernig bregðast eigi við ef slík mál koma upp. Erindi Hafdísar tengdist innleiðingu á stefnu og aðgerðaráætlun ÍA í málaflokknum.

Rekstrarreikningur ÍA árið 2018 - 1. janúar - 31. desember

Rekstrartekjur:	2018	2017	Áætlun 2019
Lottó	7.073.968	6.860.287	7.200.000
Styrkur frá Akraneskaupstað	3.500.000	3.000.000	3.100.000
Húsaleiga	343.680	105.600	300.000
Útbreiðslustyrkur Í.S.Í	898.365	775.926	900.000
Hlutdeild í sölu getrauna	942.200	613.205	900.000
Trimm/aðstöðugjöld	2.421.719	2.924.996	2.400.000
Þreksalur	18.427.424	16.787.449	18.000.000
Ýmsar tekjur	1.542.469	2.020.000	1.500.000
Rekstrartekjur	35.149.825	34.622.132	34.300.000
Rekstrargjöld:			
Laun og launatengd gjöld	12.559.906	9.649.418	13.250.000
Aðkeypt þjónusta leiðbeinendur	0	85.000	100.000
Styrkir til aðildafélaga	17.620.003	10.800.000	19.000.000
Tryggingar	89.788	82.399	100.000
Fasteignagjöld	683.291	644.452	680.000
Íþróttahöld	2.015.281	2.359.582	2.000.000
Önnur áhöld	881.333	529.266	800.000
Viðhald fasteignar	339.331	500.672	500.000
Prentun, pappír og ritföng	62.713	279.285	100.000
Kaffi og veitingar	345.666	309.676	350.000
Auglýsingar ofl.	63.600	100.446	50.000
Sími, internet og tölvuþj	1.590.075	572.790	1.200.000
Póstburðargjöld	9.475	17.338	20.000
Stuðningsmannavörur	874.312	2.371.600	1.000.000
Annar kostnaður	2.502.437	3.560.882	2.500.000
Afskriftir	3.126.911	3.324.818	3.000.000
Rekstrargjöld	42.764.122	34.919.207	44.650.000
Fjármunatekjur/fjármagnsgjöld:			
Vaxtatekjur og verðbætur	-1.117.346	-1.396.348	-1.000.000
Vaxtagjöld og verðbætur	245.843	298.086	300.000
Fjármunatekjur/fjármagnsgjöld	-871.503	-1.098.262	-700.000
Rekstrar (Tap) hagnaður ársins	-6.742.794	801.187	-9.650.000
Alls	35.149.825	34.622.132	34.300.000



Skýringar

1	Prentun, pappír og ritföng.	
	Prentun á plakati íþróttam. Akraness	8.556
	Pappír, blekhylki og ritföng	54.157
		<u>62.713</u>
2	Sími og internet og tölvupj.	
	Útbreiðsla sjónvarpsefni/Skjárinn/365/Vodafone	250.352
	ÍA TV	882.435
	Sími og internet	107.301
	ÍA vefurinn	16.385
	Tölvukostn.	21.800
	Viðg/endurn, loftnet og myndlyklar Vesturg. og Jaðarsb	311.802
		<u>1.590.075</u>
3	Annar kostnaður.	
	Leiga á Nóra skráningarkerfi	168.372
	Netbókhald	88.908
	Kvennahlaup ÍSÍ	334.203
	Kostnaður v íþróttamaður ársins	589.439
	Innheimtugjöld/Seðilgjöld	14.722
	Álmaðurinn	0
	Styrkur til Skagafrétta	300.000
	Námskeiðsgjöld/fyrirlestrar/ráðgjöf	407.300
	Jólagjafir formanna /risna	221.317
	Fatnaður á starfsfólk	190.799
	Bandalagsmerki	152.000
	Ýmis kostnaður /innrömmun ofl.	35.377
		<u>2.502.437</u>
4	Afskriftir.	
	Staða áhalda, tækja og búnaðar 01.01	9.974.451
	Eignfært á árinu	2.533.190
	Afskriftir ársins	-3.126.911
		<u>9.380.730</u>
	Afskriftarhlutföll eru 25%	
5	Útistandandi kröfur	
	Akranesk. vegna uppg. Íþróttamiðst. des 2018	1.628.952
	Lottó ósóttir vinningar 2018	110.480
	Lottó vegna des 2018	616.413
	Getraunir vegna 2018	934.200
	Útbreiðslustyrkur ÍSÍ vegna des 2018	85.734
	Minningarsjóður GS	60.000
		<u>3.435.779</u>



Efnahagsreikningur ÍA 31. desember 2018

Eignir:	2018	2017
Bankareikningar	25.202.125	30.050.903
Útistandandi kröfur	3.435.779	2.973.118
Fyrirframgreidd laun	0	0
ÍA íþróttavörur og búningar	1.300.000	1.600.000
Búnaður skrifstofu, fjölmiðlatæki ofl.	316.940	422.587
Búnaður veitingasal	2.577.911	3.437.215
Íþróttatæki	6.485.879	6.114.649
Eignarhluti í Íþróttamiðstöð Jaðarsbökkum	30.640.000	27.005.000
Eignir	69.958.634	71.603.472
Skuldir:		
Viðskiptaskuldir og ógreiddur kostnaður	2.290.617	1.651.369
Ógreidd laun og launatengd gjöld	823.708	0
Skuldir	3.114.325	1.651.369
Eigið fé:		
Eigið fé frá fyrra ári	69.952.103	69.150.916
Hækkun á fasteignarmati	3.635.000	0
Hagnaður/(Tap) ársins	-6.742.794	801.187
Eigið fé	66.844.309	69.952.103
Skuldir og eigið fé samtals	69.958.634	71.603.472

Við kjörnir skoðunarmenn höfum yfirfarið ársreikning þennan.

Leggjum við til að hann verði samþykktur.

Akranesi 3. apríl 2019


Magnús D. Brandsson


Bergþór Guðmundsson


Marella Steinsdóttir, formaður ÍA

Minningarsjóður Guðmundar Sveinbjörnssonar

Rekstrarreikningur 1. janúar -31. desember 2018

TEKJUR:	2018	2017
Sala minningarspjalda	0	43.500
Vextir og verðbætur	126.098	106.417
Tekjur	126.098	149.917
GJÖLD:		
Þjónustugjöld	0	204
Styrkir	510.000	600.000
Gjöld	510.000	600.204
Gjöld umfram tekjur	-383.902	-450.287
Alls:	126.098	149.917


Efnahagsreikningur 31. desember 2018

EIGNIR:	2018	2017
Landsbankinn 0186-15-670169	43.881	4.098.215
Landsbankinn 0186-15-720318	3.498.215	0
Inneign hjá Akraneskaupstað	0	0
Inneign hjá Pennanum	0	43.500
Eignir	3.542.096	4.141.715
SKULDIR:		
Skuld við ÍA	60.000	150.000
Skuldir	60.000	150.000
EIGIÐ FÉ:		
Eigið fé frá fyrra ári	3.991.715	4.442.002
(Halli)/hagnaður ársins	-509.619	-450.287
Eigið fé	3.482.096	3.991.715
Skuldir og eigið fé	3.542.096	4.141.715

Við kjörnir skoðunarmenn höfum yfirfarið ársreikning þennan.

Leggjum við til að hann verði samþykktur.

Akranesi 3. apríl 2019


Magnús D. Brandsson


Bergþór Guðmundsson


Marella Steinsdóttir, formaður ÍA

Helstu rekstrartölur aðildarféлага ÍA 2018

Félag	Tekjur	Gjöld	Hagn. / Tap	Eignir	Skuldir
Badmintonfélag Akraness	7.391.574	7.902.959	-511.385	1.004.594	46.768
Blakfélagið Bresi	1.937.642	979.987	957.655	1.652.052	139.000
Fimleikafélag Akraness	45.830.231	44.823.713	1.006.518	13.864.310	928.294
Golfklúbburinn Leynir	78.736.718	89.567.659	-10.830.941	122.239.421	34.307.396
Hestamannafélagið Dreyri	12.764.284	8.840.893	3.923.391	50.488.240	254.102
Hnefaleikafélag Akraness	1.591.373	1.207.624	383.749	757.977	0
Íþróttafélagið Þjótur	1.663.170	1.819.594	-156.424	2.379.497	115.192
Karatefélag Akraness	2.427.149	2.174.357	251.028	1.838.524	0
Keilufélag Akraness	5.678.042	5.192.158	485.884	5.390.339	865.995
Knattspyrnufélag ÍA	253.066.816	205.704.788	47.362.028	72.619.004	5.314.930
Knattspyrnufélagið Kári	5.348.352	5.371.222	-22.870	528.694	0
Klifurfélag ÍA	4.658.017	5.434.228	-776.211	628.171	0
Kraftlyftingafélag Akraness	811.066	442.993	368.073	716.525	0
Körfuknattleiksfélag Akraness	9.090.359	9.187.220	-96.861	717.428	0
Sigurfari	689.316	530.300	159.016	1.263.979	0
Skotfélag Akraness	6.507.735	5.951.672	556.063	6.274.453	121.551
Sundfélag Akraness	21.482.516	21.191.299	291.217	6.715.212	653.646
UMF Skipaskagi	1.232.653	673.816	558.837	1.596.665	0
Vélhjólaiþróttafélag Akraness	4.425.910	3.978.487	447.423	1.435.270	0
Samtals	465.332.923	420.976.733	44.356.190	292.110.355	42.746.874
Íþróttabandalag Akraness	35.149.825	41.892.619	-6.742.794	69.958.634	3.114.325
Samtals	500.482.748	462.869.352	37.613.396	362.068.989	45.861.199



Rekstraryfirlit ÍA og aðildarfélaga þess

TEKJUR	Aðildarfélög		ÍA		Samtals
Fjárafánir, framlög og styrkir	155.695.152	33,5%	12.414.533	35,3%	168.109.685
Tekjur af mótum	57.229.611	12,3%	0	0,0%	57.229.611
Auglýsingatekjur	0	0,0%	0	0,0%	0
Húsa- og vallarleigutekjur	32.792.139	7,0%	2.765.399	7,9%	35.557.538
Félagsgjöld og sala leikmanna	102.938.705	22,1%	0	0,0%	102.938.705
Æfingagjöld	78.143.813	16,8%	18.427.424	52,4%	96.571.237
Aðrar tekjur	38.533.503	8,3%	1.542.469	4,4%	40.075.972
TEKJUR ALLS	465.332.923	100%	35.149.825	100%	500.482.748
GJÖLD					
Laun og verktakagreiðslur	154.944.138	36,9%	12.559.906	31,7%	167.504.044
Styrkir til einstaklinga og deilda	48.106.667	11,5%	17.620.003	44,5%	65.726.670
Félagaskipti og sala leikmanna	424.000	0,1%	0	0,0%	424.000
Búningar, áhöld og tæki	13.046.754	3,1%	2.896.614	7,3%	15.943.368
Ferðakostnaður v/móta innanlands	8.807.297	2,1%	0	0,0%	8.807.297
Ferðakostnaður v/móta erlendis	4.139.809	1,0%	0	0,0%	4.139.809
Þátttaka í mótum	8.445.483	2,0%	0	0,0%	8.445.483
Kostnaður v/mótahalds	24.220.124	5,8%	0	0,0%	24.220.124
Rekstur mannvirkja	52.567.161	12,5%	1.112.410	2,8%	53.679.571
Rekstur skrifstofu	11.969.065	2,9%	408.379	1,0%	12.377.444
Auglýsingar, kynning og fræðsla	960.340	0,2%	63.600	0,2%	1.023.940
Kostn. v/samkeppnisreksturs	93.436	0,0%	0	0,0%	93.436
Önnur gjöld	91.791.332	21,9%	4.976.299	12,6%	96.767.631
Gjöld alls fyrir fjármagnsliði	419.515.606	100%	39.637.211	100%	459.152.817
Hagnaður/tap fyrir fjármagnsliði	45.817.317		-4.487.386		41.329.931
Fjármagnsliðir og fyrningar	1.461.127		2.255.408		3.716.535
GJÖLD ALLS	420.976.733		41.892.619		462.869.352
HAGNAÐUR/TAP	44.356.190		-6.742.794		37.613.396
EIGNIR					
Fastafjármunir	169.712.021		41.320.730		211.032.751
Veltufjármunir	122.398.334		28.637.904		151.036.238
EIGNIR ALLS	292.110.355		69.958.634		362.068.989
EIGIÐ FÉ	249.363.481		66.844.309		316.207.790
SKULDIR					
Langtímaskuldir	26.967.930		0		26.967.930
Skammtímaskuldir	15.778.944		3.114.325		18.893.269
SKULDIR ALLS	42.746.874		3.114.325		45.861.199
SKULDIR OG EIGIÐ FÉ ALLS	292.110.355		69.958.634		362.068.989



74. ársþing ÍA haldið 12. apríl 2018 í Íþróttamiðstöðinni Jaðarsbökkum

Þingsetning

Helga Sjöfn Jóhannesdóttir formaður ÍA setti þingið og bauð þingfulltrúa og gesti velkomna til þings. Hún lagði til að Sigurður Elvar Þórólfsson yrði þingforseti og Práinn Haraldsson tæki að sér að vera fundarritari, það var samþykkt einróma. Sigurður Elvar tók við fundarstjórn að þessu loknu og þakkaði traustið.

Kjörbréfanefnd

Þingforseti las upp tillögu um að Kjörbréfanefnd muni skipa þau: Jón Þór Þórðarson, formaður nefndar, Irena Rut Jónsdóttir og Ragnhildur Inga Aðalsteinsdóttir og að hún tæki strax til starfa. Gert var stutt kaffihlé meðan nefndin fór yfir þau kjörbréf sem höfðu borist.

Nefndin starfaði hratt og örugglega og gerði formaður kjörbréfanefndar grein fyrir niðurstöðu nefndarinnar. Alls bárust kjörbréf frá 17 af 19 aðildarfélögum ÍA, mættir voru 42 þingfulltrúar af 61. Ekki bárust kjörbréf frá Karatefélagi Akraness, og Bifhjólafélagi Akraness. Niðurstaða kjörnefndar var lögð fyrir fundinn og samþykkt.

Skýrsla framkvæmdarstjórnar ÍA

Lögð var fram ársskýrsla ÍA og gerði Helga Sjöfn Jóhannesdóttir grein fyrir því helsta í starfi ÍA á árinu 2017. Sjá meðfylgjandi ársskýrslu og ræðu Helgu Sjafnar.

Þingforseti þakkaði Helgu Sjöfn fyrir flutning á ársskýrslu ÍA.

Ársreikningar ÍA

Næst gaf þingforseti ÍA Svövu Huld Þórðardóttur orðið til að fara yfir ársreikninga ÍA. Svava Huld gerði grein fyrir ársreikningum Íþróttabandalagsins fyrir árið 2017 og skýrði þar út helstu liði. Hún fór einnig yfir fjárhagsáætlun bandalagsins fyrir árið 2017 og gerði grein fyrir ársreikningum í tengslum við Minningarsjóð Guðmundar Sveinbjörnssonar. Heildarvelta Íþróttahreyfingarinnar á Akranesi á árinu 2017 var tæplega 430 m. kr og reksturinn í ágætis jafnvægi. Tekjur Íþróttabandalagsins voru um 35,1 m.kr og var um 800 þús. kr. rekstrarafgangur. Eignir Íþróttabandalagsins eru um 71,6 m. kr, þar af er eignarhluti í Íþróttamiðstöðinni á Jaðarsbökkum einna stærstur.

Tekjur Minningarsjóðsins voru tæp 150.000 og voru veitir styrkir upp á 600 þús. Eigið fé sjóðsins eru tæpar 4 milljónir. Heimilt er að veita styrki upp á 30% af eigið fé sjóðsins.

Þingforseti þakkaði Svövu Huld fyrir og gaf orðið laust um ársskýrslu og ársreikninga.

Magnús formaður KFÍA kom með fyrirspurn. Hann spyr hvers vegna ÍA þyrfti að eiga 30 milljónir af fé og hvers vegna það sé ekki hægt að láta þessa peninga vinna betur fyrir aðildarfélögin.



Helga Sjöfn var til svara fyrir framkvæmdastjórn: Hún sagði að tekjur ÍA væru óvissar og því væru ekki veittir hærri styrkir en það stæði til á þessu ári að auka styrki til aðildarfélaga t.d. jafnréttisstyrkir, ferðastyrkir og umhverfisstyrkir. Hún taldi einnig nauðsynlegt að til væru sjóðir til að eiga fyrir möguru árin.

Sigrún Ríkharðsdóttir spyr: Tölvu- og símakostnaður er að hækka mjög mikið milli ára samkvæmt ársreikningum.

Hildur var til svara: Þetta eru styrkir vegna ÍATV sem kom undir þennan lið og á næstu ársreikningum verða þeir teknir út úr þessum lið.

Sturlaugur Sturlaugsson spyr: Hversu mikið af innkomu þreksalarins rann til Akraneskaupstaðar.

Hildur var til svara: Skiptingin er 20% til Akranesskaupstaðar og því var það um 4 milljónir.

Þingforseti bar ársreikningana upp og voru þeir samþykktir samhljóða.

Heiðursviðurkenningar

Íþróttabandalagið sæmdi eftirtalda einstaklinga bandalagsmerki ÍA sem viðurkenningu fyrir langt og farsælt starf tengt íþróttamálum á Akranesi: Dýrfinna Torfadóttir hannaði merkið.

Sigurður Arnar tók til máls og kynnti viðurkenningar bandalagsmerkisins. Að þessu sinni eru veittar 11 viðurkenningar:

Berglind Þráinsdóttir – KFÍA. Berglind er í skólaferðalagi og Karen dóttir hennar tók við merkinu fyrir hönd móður sinnar.

Brynja Kolbrún Pétursdóttir – Badmintonfélag Akraness. Brynja Kolbrún er fjarverandi og María dóttir hennar tók við merkinu fyrir hönd dóttur sinnar.

Eydís Líndal Finnbogadóttir – Karatefélag Akraness. Eydís er ekki á staðnum en Magnús formaður KFÍA tók við merkinu fyrir hennar hönd.

Jón S. Ólason – Skotfélag Akraness.

Kári Haraldsson – Skotfélag Akraness.

Lárus Ársælsson – Golfklúbburinn Leynir, Sundfélag Akraness, KFÍA.

Margrét Ákadóttir – KFÍA.

Sigríður Ragnarsdóttir – Sundfélag Akraness, framkvæmdastjórn ÍA.

Sveinbjörn Hlöðversson – Knattspyrnufélagið Kári.

Trausti Gylfason – Sundfélag Akraness.

Þórður Sævarsson – Klifurfélag Akraness.

Gert var örstutt hlé meðan teknar voru myndir af verðlaunahöfum.

Heiðursviðurkenningar ÍSI

Þingforseti bauð Hafstein Pálsson ritara ÍSÍ að veita heiðursviðurkenningar.



Hafsteinn þakkaði fyrir boð um að vera á þinginu-og bað fyrir kveðjur frá forseta og starfsfólki ÍSÍ. Hann minntist á að „metoo“ umræðan væri mikilvæg fyrir íþróttahreyfinguna og að ÍSÍ hefði tilnefnt fulltrúa í nefnd ráðherra. Hann sagði einnig að mikilvægt væri að íþróttahreyfingin ætti til reglur um þessi mál.

Hann sagði frá því að framundan væri blaðamannafundur með ráðherra þar sem gerð yrði grein fyrir því að lyfjaeftirlit ÍSÍ færi í óháða stofnun og hefði þess verið beðið í langan tíma.

ÍSÍ hefur verið í samnorrænni nefnd sem hefur fjallað um hagræðingu íþróttaúrslita. Það veki t.d. athygli að fylgst sé úti heimi með úrslitum æfingaleikja yngri flokka sem bendi til þess að eitthvað óeðlilegt sé að gerast.

Starf sem tengist viðburðum hjá alþjóðaólympíunefndinni. Það krefst mikils fjármagns og minntist hann sérstaklega á samkeppni íslenskra getrauna við ólögleg veðmálafyrirtæki. Þarna væri mikið sem þyrfti að fylgjast með.

Stjórn ÍSÍ sæmði Jón Þór Þórðarson silfurmerki ÍSÍ. Hann hefur unnið óþrjótandi starf fyrir ýmis aðildarfélög ÍA og einnig fyrir bandalagið. Jón Þór veitti merkinu viðurkenningu.

Hafsteinn óskaði að lokum ÍA til hamingju með gott starf og óskaði bandalaginu góðs íþróttaárs.

Þingforsti þakkaði Hafsteini fyrir sín orð

Styrkveitingar úr minningarsjóði Guðmundar Sveinbjörnssonar

Þingforseti bað Helgu Sjöfn að gera grein fyrir styrkjum.

Þrír efstu í kjöri Íþróttamanns Akraness hlutu styrk úr sjóðnum, en það voru þau: Valdís Þóra Jónsdóttir, Einar Örn Guðnason og Jakob Svavar, hann fékk einnig styrk til þátttöku á heimsmeistaramóti íslenska hestsins. Þá fékk Þórður Sævarsson styrk til að kynna sé þjálfunaraðferðir í klifri.

Helga Sjöfn sagði frá Guðmundi Sveinbjörnssyni og afhjúpuð málverk af Guðmundi. Myndina gerðu hjónin Bjarni Þór og Ásta Salbjörg. Þau gáfu myndina og er þeim þakkað fyrir. Myndin verður hengd upp í hátíðarsal ÍA að Jaðarsbökkum.

Marella Steinsdóttir afhjúpaði myndina.

Þingforseti þakkaði fyrir.

Lagabreytingar og skattur til ÍA

Þingforseti sagði að ekki lægju fyrir neinar tillögur að lagabreytingum og gat þess að ÍA hefði ekki rukkað aðildarfélög sín um neinn skatt undanfarin ár og lagði til að svo yrði áfram. Tillaga þess efnis að skattur til ÍA yrði áfram 0 kr. var samþykkt samhljóða.



Kosning framkvæmdarstjórnar ÍA

Þingforseti las upp tillögu að formanni og framkvæmdastjórn ÍA:

Tillaga að formanni ÍA: Marella Steinsdóttir, samþykkt einróma með lófaklappi.

Tillaga að varaformanni ÍA: Hörður Ó. Helgason, samþykkt einróma með lófaklappi.

Tillaga um aðra í framkvæmdastjórn ÍA: Svava Huld Þórðardóttir, Dýrfinna Torfadóttir og Tjörvi Guðjónsson, samþykkt einróma með lófaklappi.

Tillaga um varafulltrúa í framkvæmdastjórn: Ragnhildur Inga Aðalsteinsdóttir og Pálmi Haraldsson, samþykkt einróma með lófaklappi.

Tillaga um skoðunarmenn reikninga: Bergþór Guðmundsson og Magnús Brandsson, samþykkt einróma með lófaklappi.

Tillögu um fulltrúa á íþróttapring ÍSÍ var vísað til framkvæmdastjórnar ÍA. Samþykkt með lófaklappi

Helga Sjöfn Jóhannesdóttir, Sigurður Arnar Sigurðsson og Þráinn Haraldsson gengu úr stjórn og voru þeim þökkuð góð störf fyrir ÍA.

Stefna ÍA og aðildarféлага gegn einelti og áreitni

Hildur Karen kynnti málið. Ákveðið var á formannafundi í desember að fara í stefnumótun í þessum málum. Vinnan gekk vel og leitað var aðstoðarfræðslusviðs ÍSÍ. Málið var kynnt á formannafundi 12. febrúar. Þar komu fram nokkrar athugasemdir og var tekið tillit til allra athugasemda.

Skjalið inniheldur fræðsluáætlun og aðgerðaáætlun. Aðgerðaáætlun er ekki tilbúin en hún er í yfirllestri hjá ÍSÍ.

Stefnuyfirlýsingin er tilbúinn og bauð Hildur Karen þingfulltrúum að koma með spurningar eða athugasemdir. Enginn tók til máls.

Hildur Karen minntist á mikilvægi þess að eiga eitthvað að halda í þegar þarf að taka á erfiðum málum. Stefnuyfirlýsingin hefur verið kynnt skóla- og frístundasviði Akraneskaupstaðar og mun fulltrúi frá þeim sitja í viðbragðsteymi.

Einnig var lög fram jafnréttisstefna ÍA. Hildur Karen minnti á að formenn aðildarféлага þyrftu að kynna stefnuna í sínum stjórnnum og mikilvægt væri að vinna að þessu máli saman.

Þingforseti lagði fram Eineltisstefnu.

Magnús formaður KFÍA: Þakkaði fyrir þessa vinnu og sagði að það væri einmitt svona sem ÍA ætti að vinna.

Sigríður Ragnarsdóttir: Þakkaði fyrir þessa vinnu og minnti á að til væri stefna.

Hildur Karen tók fram að sú stefna hún væri til hliðsjónar og aðgerðaráætlunin gegn einelti væri í notkun, henni hefði ekki verið breytt.

Stefna gegn einelti er lögð fram og var hún samþykkt samhljóða.



Jafnréttisstefna var lögð fram og samþykkt samhljóða.

Önnur mál

Þingforseti gaf orðið laust undir önnur mál og tóku nokkrir þingfulltrúar aðildarfélaganna til máls:

Sævar Freyr Þráinsson bæjarstjóri: Óskaði stjórn til hamingju með frábært þing og þakkaði stjórninni fyrir sína vinnu. Það væri mikilvægt fyrir bæinn að eiga fólk sem vildi þróa áfram íþróttabæinn Akraness. Hann óskaði nýjum stjórnarmeðlimum til hamingju með kjörið. Sævar vildi einnig vekja athygli á ársskýrslu og hvatti alla til að lesa hana enda væri mikil vinna að baki. Hann vildi sérstaklega nefna þá vinnu sem er lögð í málefni er varða kynferðislega áreitni og einelti. Hér er um mikið samfélagsmein að ræða og mikilvægt að grípa til aðgerða. Þar skiptir máli af hafa stefnu, aðgerðaráætlun og einnig að sinna fyrirbyggjandi aðgerðum. Hér væri sérstaklega mikilvægt að stefna ÍA innihéldi fræðslustefnu. Sömuleiðis væri jafnréttisstefnan mikilvægt skref.

Hann minntist á að Akranesskaupsstaður tæki það alvarlega að vinna að því að vera heilsueflandi bæjarfélag.

Sævar Freyr kynnti hvert fjármál bæjarins fara í íþróttamál. Hann sagði að á næstu dögum yrði bókhald bæjarins opnað. Hann var með glærur sem sögðu frá ráðstöfun fjármuna til íþróttamála. Íþróttamálin heyra undir skóla- og frístundasvið.

Sævar kynnti einnig fyrirhugaðar framkvæmdir við fimleikahús.

Sævar greindi frá ástæðum þess að ekki hefur verið gerður rekstrarsamningur við ÍA um þrekaðstöðu. Það er vegna þess að það er erfitt að ganga frá langtímasamningi þegar ræða þarf á sama tíma við ÍA um kaup á húseign bandalagsins á Jaðarsbökkum. Þegar búið verður að móta langtímastefnu er hægt að ganga til samninga til lengri tíma.

Trausti Gylfason: Óskaði Marellu til hamingju með embættið og sömuleiðis Herði. Hann þakkaði Sigurði og Helgu fyrir samstarfið. Hann býður öllum til 70 ára afmælis Sundfélagsins. Haldið verður kökuböð í Grundaskóla á haustdögum. Hann óskaði eftir 50 m löngum afmælispakka frá nýrri bæjarstjórn.

Magnús Guðmundsson: Magnús þakkar fráfarandi stjórn og sérstaklega Helgu fyrir frábært samstarf. Hann óskar þeim sem eru ný í stjórn til hamingju. Magnús vill taka sérstaklega til umræðu málefni er varða persónuvernd og hvetur til þess að ÍA móti sér stefnu er varða persónuverndarmál.

Hildur Karen Aðalsteinsdóttir: Hildur þakkaði Sævari fyrir góða kynningu. Hún segir að í kynningu hans séu nokkrir hlutir sem vert sé að ræða en það verði ekki gert á þessum fundi. Hún tekur hins vegar fram að það sé erfitt að hafa ekkert fast í hendi er varðar þreksalinn og hefur ÍA hægt á sér hvað varðar endurnýjun á tækjabúnaði. ÍA vill gjarnan leggja metnað í þreksalinn en treystir sér ekki í miklar framkvæmdir meðan staðan er jafn óljós og hún er.

Hildur Karen kynnti einnig umhverfisdaginn, þar hefur eitt aðildarfélag boðað þátttöku sína og hvatti hún fleiri félög til þátttöku í deginum.



Hildur Karen minntist á myndirnar sem hafa rúllað á fundinum og hvatti fólk til þess að taka myndir og senda þær til bandalagsins.

Hvað varðar persónuvernd vill Hildur Karen sérstaklega hvetja öll aðildarfélög til að nota Nóra og segist vera tilbúin til að aðstoða þau aðildarfélög sem ekki hafa notað Nóra.

Vinnu er varðar persónuvernd þarf að vinna áfram og munum við hjá ÍA leiða þá vinnu í samstarfi við ÍSÍ og Akraneskaupstað.

Sturlaugur Sturlaugsson: Óskar öllum til hamingju með gott starf. Hann sagði að það væri í raun jákvætt að umræðan hefði snúist um að við ættum of mikinn pening.

Hann minntist á hversu ánægjulegt það væri að Sævar hefði komið og kynnt vinnu bæjarins.

Sturlaugur fór í smá söguskoðun. Hér væru allir í sama liði, einhvern veginn þarf að skipta þeim tekjum sem verða til í bænum. Það góða við íþróttahreyfinguna er hversu mikið frumkvæði hún hefur sýnt t.d. Bjarnalaug, íþróttahúsin, golfvöllurinn, frístundahúsið á Garðavellinum. Hugmyndir koma þar en ekki við stefnumótun bæjarfulltrúa. Hann hvetur þá sem fara í bæjarstjórn til að halda í stefnumótun er varðar uppbyggingu íþróttamannvirkja. Síðasta skýrsla er frá árinu 2010. Þar er t.d. ekki minnst á golfskálann en þar kom golffélagið inn með dugnað sinn.

Þrekaðstaðan og samningurinn við bæjaryfirvöld varð einnig til að frumkvæði ÍA. Þar var um að ræða leið til að búa til peninga. Á sama tíma hefur bærinn haft tekjur, bæði af þreksalnum og einnig af lauginni. Starf og frumkvæði sjálfboðaliðanna er hér ótrúlega mikilvægt framlag til bæjarins. Hér er vert að spyrja hvert samkeppnisforskot okkar er á önnur félög.

Sturlaugur óskar öllum til hamingju með starfið og hvetur þingfulltrúa til góðra starfa og hvetur nýja bæjarstjórn til að klára þau verkefni sem fram undan eru í uppbyggingu. Hann hvetur til þess að Jaðarsbakkarnir verðir nýttir betur.

Jón Þór Þórðarson: Hann tekur undir þakki og hamingjuóskir til nýrrar stjórnar. Hann vill nýta tækifærið til að þakka ÍSÍ fyrir viðurkenninguna og þakkar þeim sem standa í kringum sig. Hann minnir á að við stöndum á herðum þeirra sem ruddu brautina og minnir á þann dugnað sem hér hefur ríkt. Hann vill að lokum minnast og tileinka þeim systkinum okkar sem hafa fallið frá nýlega eftir illvíga sjúkdóma og það sé ekkert til lengur sem heitir að tapa og minnir á mikilvægi þess að muna að lífið er ekki sjálfsagt.

Sigurður Arnar: Þakkaði bæjarstjóra fyrir ítarlegt yfirlit og góða frásögn. Hann taldi þó mega skoða málin út frá ólíkum hliðum. Bæjarsjóður og ÍA færðu ekki útreikninga sína fram og kynntu á sama hátt hvað varðar tekjur og gjöld. Það mætti m.a. sjá á kynningu bæjarstjóra að við hugsuðum dæmið ekki eins. Markmiðin væru þau sömu en leiðirnar ólíkar. Hann benti á að 3,1 milljón króna styrkur bæjarins færi að mestu verkefni og störf framkvæmdastjóra ÍA en á bakvið þá tölu stæðu m.a. verkefni sem jafnt væru unnin fyrir ÍA og Akranesbæ. Einnig mætti nefna að rekstur líkamsræktarstöðvar í sameiginlegu húsnæði gæti varla talist sem hreinn styrkur bæjarsjóðs til ÍA. Fleiri þætti mætti nefna þar sem túlkun talna væri ólík. Hann tók skýrt fram að hann væri ekki að segja að tölur eða upplýsingar bæjarsjóðs væru rangar heldur eingöngu að meðferð upplýsinga og framsetning aðila væri ólík. Að telja allt fram sem hreina styrki væri ekki sanngjarnt að hans mati og taka þyrfti þá til greina kostnað vegna beinna



verkefna sem kæmu á móti. Mörg dæmi mætti nefna þar sem færður styrkur mætti jafnframt færa fram sem þóknun fyrir unna vinnu í þágu samfélagsins okkar.

Hann tók undir með formanni ÍA og lýsti vonbrigðum með að ekki hefði tekist enn, þrátt fyrir mikla vinnu, að landa málum milli Akraneskaupstaðar og ÍA með formlegum samstarfssamningi. Kjarninn væri þó sá, og því mætti ekki gleyma, að allir aðilar máls hefðu mikinn metnað fyrir hönd Akraness og ÍA. Allir málsaðilar væru sammála um endapunkturinn og því hlytu menn að geta náð á endanum saman um sameiginlega mál.

Ólafur Adolfsson: Sagði að núverandi bæjarstjórn hefði verið við völd í 4 ár. Það væri ekki hægt annað en að nefna að ÍA væri eitt blómlegasta íþróttafélag landsins. En á fundum eins og þessum liti það alltaf þannig út að ÍA ætti einn höfuðandstæðing, sem væri bæjarstjórn Akraneskaupstaðar.

Staðan hefði verið þannig undanfarin ár hefðu ekki verið til peningar til ráðstöfunar og hann hvatti til þess að fyrirsvarsmenn félagsins hættu að hnýta í bæjaryfirvöld. Það væru allir sammála í bæjarstjórn um að mörg bæjarfélög gerðu betur í stuðningi við íþróttir en tók fram að þetta væru ekki hluti af lögbundnum skyldum bæjarins. Hann óskar eftir því að bærinn nyti sannmælis í því sem lagt væri til málaflokksins miðar við stöðu bæjarsjóðs. Hann tók það fram að margir bæjarbúar sæju ofsjónum yfir þeim fjármunum sem fyrirhugað væri að leggja til íþróttamannvirkja, það væri mikilvægt að vanda sig á öllum stöðum og sérstaklega hvað varðar líkamsræktaraðstöðuna. Akraneskaupstaður kæmist ekki fram hjá því að horfa til samkeppnislaga og hvatti til þess að nú verði stríðsöxin grafin og aðilar sameinuðust um að gera ÍA að öflugasta félagi landsins.

Anna Bjarnadóttir: Þakkar fyrir góða skýrslu og óskar nýjum stjórnarmeðlimum til hamingju. Hún minnir á landsmót UMFÍ sem verður í sumar, þar er blandað saman íþróttum fyrir 18-50 ára og 50 ára og eldri.

Hún minnti einnig á landsmót unglunga sem væri í Þorlákshöfn um verslunarmannahelgina.

Hreyfivikan væri 28. júní - 3. júlí. Þar hefur Ungmennafélagið og ÍA unnið saman að ýmsum verkefnum til að auka hreyfingu.

Hún vonast til að sjá sem flesta Skagamenn á landsmótinu.

Fleiri kvöddu sér ekki hljóðs og þakkaði þingforseti því fyrir skemmtilegt og gott þing og gaf Marellu nýjum formanni ÍA orðið.

Marella þakkaði fyrir traustið sem henni var sýnt þetta kvöld og hún væri spennt fyrir þessu verkefni sem fram undan væri. Hún gæti vel hugsað sér að vera formaður í nokkur ár og hlakkar til samstarfsins á næstu árum. Hún þakkaði fráfarandi stjórnarmeðlimum gott starf fyrir ÍA.

Helga Sjöfn sleit þinginu. Formaður ÍA óskaði öllum aðildarfélagunum góðs gengis á komandi ári og sleit 74. ársþingi ÍA að því loknu.



Ársskýrslur aðildarfélaga ÍA



Badmintonfélag Akraness

Aðalfundur Badmintonfélags Akraness var haldinn í Íþróttahúsinu við Vesturgötu 26. febrúar 2018. Á aðalfundinum var ársskýrsla stjórnar samþykkt og ársreikningur félagsins samþykktur. Engar breytingar voru á stjórn félagsins þetta árið.

Stjórn félagsins veturinn 2018 - 2019

Formaður :	Brynja Kolbrún Pétursdóttir
Gjaldkeri :	Valdimar Þór Guðmundsson
Ritari :	Irena Rut Jónsdóttir
Meðstjórnendur :	Daníel Þór Heimisson og Egill G. Guðlaugsson

Iðkendur

Fjöldi iðkenda á síðasta ári voru um 50 - 60 sem skiptast í 3 flokka, auk þess sem við höfum verið með trimmara. Ákveðið var að halda áfram verkefninu okkar að leyfa einum árgangi að æfa frítt, þetta árið er það árgangurinn 2009 og eru nú um 12 - 15 krakkar að æfa í þeim aldursflokki. Haldið verður áfram með þetta áttak vonandi næstu árin allavega á meðan við höfum pláss á æfingum til þess og meðan á uppbyggingu standur. Einnig erum við með opna tíma á sunnudögum sem hafa verið mjög vel nýttir og er ánægjulegt að sjá fólk á öllum aldri spila saman, jafnvel heilu fjölskyldurnar.

Þjálfarar

Pontus Rydström hélt áfram þjálfun fyrir félagið sem yfirþjálfari og hefur það gengið mjög vel. María Rún Ellertsdóttir hefur verið til aðstoðar með 2. og 3. flokk. Mikilvægt er að hafa elstu iðkendur sem aðstoðarþjálfara og hjálpa til með yngri kynslóðina.

Viðburðir starfsársins

Badmintonfélag Akraness stóð fyrir þremur opnum badmintonmótum á árinu. Atlamótið var haldið 15. - 16. september 2018 þar sem keppt var í meistara-, A og B flokki fullorðinna. Grislingamótið var haldið 13. janúar 2019 fyrir U9 og U11 og Landsbankamót ÍA sem er unglingamót var haldið 23. - 24. febrúar 2019. Öll mótin gengu mjög vel fyrir sig og viljum við þakka öllum foreldrum sem hafa hjálpað til, þeirra hjálp er ómetanleg.

Mikil sátt ríkir um það hjá Badmintonfélagi Akraness að iðkendur geti bara æft en sleppt því að keppa. Við viljum fá sem flesta og mega allir vera á sínum eigin forsendum hjá félaginu. Þess má geta að Landsbankamótið gekk vonum frammar og fengum við 121 keppenda á mótið. Flestir voru í U11 svo það er gaman að sjá hversu margir ungir iðkendur eru að koma í badminton.

Iðkendur félagsins tóku þátt í fjölda annarra móta á árinu, bæði unglinga- og fullorðinsmótum og hafa staðið sig mjög vel. Á þessi mót er oftast ákveðinn kjarni sem fer, á unglingamótin eru að fara í kringum 12 krakkar og á fullorðinsmótin í kringum 5 spilarar.

Á Meistaramóti Íslands 2018 eignuðumst við Íslandsmeistara í einliðaleik karla og kvenna í B flokki þar sem Davíð Örn Harðarson og María Rún Ellertsdóttir sigruðu.

Badmintonfélag Akranes fékk 10 Íslandsmeistaratitla á Íslandsmóti unglunga sem haldið var á Akranesi 9. - 11. mars 2018. Brynjar Már Ellertsson og Máni Berg Ellertsson urðu þrefaldir Íslandsmeistarar í U17 og U11. Davíð Örn Harðarson vann í tvíliða U17, Úlfheiður Embla Ásgeirsdóttir vann í tvíliða U19 og Viktor Freyr Ólafsson vann í tvíliða U11.

Deildakeppni BSÍ 2019 var haldin fyrir stuttu eða 15. – 17. febrúar 2019 þar sem ÍA / UMF Skallagrímur varð í öðru sæti í A-deild.

Keppendur hjá Badmintonfélagi Akraness tóku þátt í RIG sem haldið var hér á landi. RIG unglingsmeistaramót TBR var haldið dagana 2. – 3. febrúar 2019 og RIG – Iceland International var haldið 24. – 27. janúar 2019. Næsta stórmót hjá unglingum er Íslandsmeistaramótið sem haldið verður dagana 22. – 24. mars 2019 í TBR Reykjavík.



Akranesmót og lokahóf félagsins var haldið 27. maí 2018. Keppt var í einliðaleik í U11 - U19 og fullorðinsflokki. Í tvíliðaleik er fyrirkomulagið þannig að það er einn spilari og einn fjölskyldumeðlimur sem spila saman. Mótið gekk mjög vel fyrir sig og voru allir almennt ánægðir með mótið. Veitt voru verðlaun fyrir bestu ástundun, mestu framfarir eldri og yngri, besta æfingafélagann og spilara ársins. Að þessu sinni var Brynjar Már Ellertsson valinn sem spilari ársins. Minningarskjöldur Súsönnu Steinpórsdóttur var veittur og fengu Davíð Örn Harðarson og Erla Ösp Lárusdóttir hann að þessu sinni. Einnig var Brynjar Már Ellertsson valinn badmintonmaður ársins 2018 eftir góða frammistöðu á síðastliðnu ári.



Badmintonfélag Akraness hélt æfingabúðir fyrir Badmintonsamband Íslands North Atlantic Camp sem er fyrir aldurshóp U13 - U17 dagana 20. – 27. júlí 2018. Þátttakendur koma frá Íslandi, Færeyjum og Grænlandi. ÍA átti 5 spilara í þessum æfingabúðum. Það kemur sér vel fyrir Badmintonfélagið að halda æfingabúðir þar sem velunnarar félagsins leggja sitt af mörkum til að gera umgjörðina góða.

Badmintonnámskeið var haldið í byrjun sumars 2018 fyrir yngri kynslóðina. Haldin voru tvö námskeið og voru þau vel sótt. Stefnt er að því að hafa námskeiðin aftur í byrjun sumars 2019 og áður en skólarnir byrja aftur eftir sumarið.

Landsliðsmál

Eins og undanfarin ár átti félagið fulltrúa í landsliðum Íslands og fóru þeir reglulega á æfingar og í ferðir á vegum landsliðsins.

4 krakkar hafa verið á föstum landsliðsæfingum í vetur. Þau María Rún Ellertsdóttir, Máni Berg Ellertsson og Arnar Freyr Fannarsson hafa verið í yngri landsliðshóp. Davíð Örn Harðarson og Brynjar Már Ellertsson hafa verið í eldri landsliðshóp. Einnig hefur Brynjar Már Ellertsson verið valinn í U23 ára hóp Badmintonsambands Íslands. Útbreiðsluæfingar hafa verið tvær í vetur og þá hafa fleiri ungir og efnilegir krakkar verið á æfingu.

Á North Atlantic Camp sem haldið var á Akranesi dagana 20. – 27. júlí 2018 voru Davíð Örn Harðarson, Brynjar Már Ellertsson, María Rún Ellertsdóttir, Máni Berg Ellertsson og Arnar Freyr Fannarsson valin af Badmintonfélagi Akraness til að taka þátt sem spilarar.

Davíð Örn Harðarson og Brynjar Már Ellertsson fóru til Spánar í æfingabúðir sumarið 2018. Einnig fóru systkinin Brynjar Már, María Rún og Máni Berg Ellertsbörn til Danmerkur í æfingabúðir. Það er mjög gott að iðkendur fari í æfingabúðir yfir sumarið og koma reynslunni ríkari heim. Badmintonfélagið reynir að styrkja iðkendur sem fara utan í æfingabúðir og keppnisferðir. Brynjar Már fór til Spánar og Írlands að keppa á mótum U19 sem eru á Evrópu Junior Circuit.

Rekstur félagsins

Rekstur félagsins var góður þrátt fyrir að tap sé á árinu 2018. Tekjur voru hærri en árið áður þar sem félagið hélt æfingabúðir fyrir Badmintonsamband Íslands, North Atlantic Camps. Starfsmannakostnaður hækkaði verulega frá árinu 2017 þar sem félagið réð erlendan þjálfara og greiddi húsnæði fyrir hann. Félagið fjárfesti í strengingavél í lok árs 2018 frá Yonex Danmörku sem kostaði um 500 þúsund en Akraneskaupstaður hefur ákveðið að styrkja þau kaup um 320 þúsund sem kemur inn í tekjur á árinu 2019.

Mikilvægt er að allir iðkendur séu duglegir að sinna fjáröflunum því ella þarf að hækka æfingagjöldin sem tekist hefur að halda í lágmarki undanfarin ár. Við sjáum að tekjur af æfingagjöldum hafa verið að hækka um 400 þúsund sem er ánægjulegt þar sem við erum að byggja upp félagið og reyna að fá nýja iðkendur til okkar.



Framtíðarsýn

Okkar helsta framtíðarsýn er að stækka félagið og koma okkur aftur í fremstu röð badmintonfélaga á landinu. Okkar helstu aðferðir í ár við að fjölga iðkendum var að leyfa einum árgangi að æfa frítt ásamt því að færa nýjum iðkendum badmintonspaða að gjöf. Við vonumst til að geta haldið þessu áfram um ókomin ár. Einnig að badminton sé ein af grunníþróttum á Akranesi.

Framtíðarsýn fyrir Badmintonfélag Akraness er að koma iðkendum um og yfir 100 á næstu 5 árum og halda áfram okkar góða starfi með börnin.

Lokaorð og þakkir

Í heildina litið er félagið mjög ánægt með árið sem er að líða, krakkarnir hafa sýnt miklar framfarir og staðið sig vel á mótum og verið til sóma fyrir Badmintonfélag Akraness.

Við teljum að uppbyggingarstarfið sé byrjað og á góðri leið. Við vonumst til þess að halda okkar iðkendum og að næsta ár verði enn betra.

Blakfélagið Bresi

Starfsemi Blakfélagsins Bresa var með svipuðu sniði og undanfarin ár. Aðalfundur var haldinn 27. febrúar og var þar ágætis mæting. Á aðalfundinum var ársskýrsla stjórnar samþykkt sem og ársreikningar.

Engin breyting var gerð á stjórn og er hún þannig skipuð:

Formaður:	Sædis Alexía Sigurmundsdóttir
Gjaldkeri:	Álfheiður Ágústadóttir
Ritari:	Harpa Sif Þráinsdóttir
Varamenn:	Jóna Björg Olsen og Ingunn Sveinsdóttir
Endurskoðendur:	Guðbjörg Árnadóttir og Eygló Karlsdóttir

Skráðir félagar eru 26

Æfingar - Þjálfarar

Æfingar hófust eins og vanalega hjá okkur í janúar þar sem Arnór Snær Guðmundsson þjálfaði okkur fram í maí. Síðan hófust æfingar aftur um mánaðarmótin ágúst/september. Piotr Poskrobko var ráðinn sem þjálfari, hann hefur séð um æfingar á miðvikudögum og sunnudögum. Æfingatímar voru á mánudögum frá 19:30 - 21:00 og miðvikudögum frá kl. 19:30 – 21:30 og á sunnudögum frá 16:00 – 18:00.

Keppni/Íslandsmót

Bresi sendi tvö lið til keppni í Íslandsmóti Blaksambandsins veturinn 2018 - 2019. Spila þessi lið bæði í 3. deild og er ein túrnering eftir af þremur. Nauðsynlegt var að draga eitt lið úr Íslandsmótinu þar sem ekki náðist að manna nema tvö lið og þurfti Bresi þ.a.l. að greiða sekt.

Einnig hefur Bresi tekið þátt í ýmsum hrað- og skemmtimótum sem haldin eru yfir tímabilið og fara þá oft fleiri en eitt lið á mót. Mótin sem Bresi tók þátt í voru:

Fylkismót í apríl, 2 lið

Öldungamót á Akureyri í apríl, 4 lið (nánar hér að neðan).

Blakbúðir að Varmá, Mosfellsbæ í maí.

Boðið var uppá strandsblaksnámskeið í júní sem nokkrir félagar í Bresa sóttu ásamt öðru fólki.

Haustmót BLÍ í september, 1 lið.

Í nóvember fór eitt lið á mót á Álftanesi og á Fjallalambsmótið hjá Fylki.

Boggu-Bresamót 2018

Hið árlega Boggu-Bresamót var haldið 29. september s.l. og voru 20 lið skráð á mótið. Allt voru þetta konur, mikil ánægja var með þetta mót og gekk það vel.



Öldungamót

Öldungamótið í blaki var haldið á Akureyri 25. - 28. apríl og sem fyrr segir skráði Bresi fjögur lið til keppni. Gist var í sæluhúsum. Árangurinn var sem hér segir:

Bresi A í 5. deild lenti í 2. sæti

Bresi B í 5. deild lenti í 3. sæti

Bresi C í 8. deild lenti í 3. sæti

Bresi D í 10. deild lenti í 2. sæti

Lokaorð

Við ætlum að reyna að viðhalda og stækka félagið. Halda áfram að fara á mót. Einnig er planið að halda námskeið fyrir ungmenntu til að þau fái að kynnst meira blakinu.

Förum jákvæð inn í nýtt ár með von um að iðkendum fjölgi.

Fimleikafélag Akraness

Aðalfundur Fimleikafélags Akraness var haldinn fimmtudaginn 7. mars 2019. Þá var ársskýrsla stjórnar fyrir 2018 samþykkt sem og ársreikningar félagsins. Þær breytingar urðu á stjórn félagsins að Friðbjörg Eyrún Sigvaldadóttir var kjörin formaður. Friðbjörg kom ný inn í stjórn veturinn 2017 - 2018 sem meðstjórnandi. Guðmundur Claxton óskaði eftir því að víkja sem formaður en var kjörinn áfram í stjórn sem meðstjórnandi. Aðrir stjórnarmenn gáfu kost á sér til áframhaldandi stjórnarsetu og voru sjálfkjörnir. Hafið er því fjórða starfsár núverandi stjórnar.

Stjórn félagsins 2018

Formaður:	Guðmundur Claxton
Varformaður:	Jóhann Sigurðsson
Gjaldkeri:	Ingibjörg Indriðadóttir
Ritari:	Anna Þóra Þorgilsdóttir
Meðstjórnandi:	Friðbjörg Eyrún Sigvaldadóttir
Varamenn:	Vilborg Helgadóttir, Sigurrós Ingimarsdóttir

Starf stjórnar var með hefðbundnum hætti starfsárið 2018. Unnið var að endurnýjun samninga við þjálfara félagsins sem og húsnæðismálum. Skipulagning móta var ofarlega á baugi, en félagið hélt tvö stór fimleikamót á árinu.

Hafist var handa við markmiðasetningu fyrir komandi ár sem og almenn störf er snúa að Íþróttabandalagi Akraness og Fimleikasambandi Íslands og má þar helst nefna ný persónuverndarlög (GDPR).

Skoðað var hvað þarf til að verða fyrirmyndarfélag ÍSí og verður púlsinn tekinn á því nú á nýju ári sem og áframhaldandi vinna er snýr að persónuvernd, hvað við sem félag þurfum að gera til að framfylgja nýjum lögum.

Rekstur félagsins

Rekstur félagsins gengur vel. Eftir tap á síðasta ári uppá tæpar 2 milljónir hefur orðið viðsnúningur og er jákvæð rekstrarafkoma uppá tæpa 1 milljón. Það var gert að hluta til með hækkun æfingagjalda sem er alltaf erfið ákvörðun að taka og því var reynt að gæta hófs í þeim hækkunum. Eiginfjárstaðan er sterk og stendur nú í tæpum 12 milljónum. Sterkur og stöðugur rekstur auðveldar allt starf félagsins og telur stjórn félagið vel í stakk búið að takast á við áframhaldandi uppbyggingu fimleika á Akranesi.

Enn vantar félagið styrktaraðila til að styrkja reksturinn frekar og er það okkur í stjórn áhyggjuefni að ekki tekst að finna styrktaraðila fyrir svo stórt félag sem Fimleikafélagið er í dag. Við biðlum því til fyrirtækja og/eða einstaklinga sem vilja leggja okkur lið að byggja upp þetta frábæra félag um að hafa samband. Til stendur að fara í styrkveitingaherferð á næstu misserum og er það von stjórnar að vel verði tekið á móti okkur.



Fjáröflun hefur verið með nokkuð hefðbundnu sniði. Venjan er sú að þeir hópar sem fara utan í æfinga- og skemmtiferð fari fyrir fjáröflun en til stendur að senda hátt í 50 manna hóp í ferð nú í sumar til Ollerup í Danmörku. Helstu fjáröflunarleiðir er sala á 17. júní og sjómannadeginum, tiltekt á Írskum dögum, sala á SÁÁ álfnum, Bláa ljósinu, Bláa naglanum og dósasöfnun, ásamt þrífum í ÞÞÞ. Mikilvægt er að iðkendur og aðstandendur þeirra taki virkan þátt í fjáröflunum ellegar eigum við á hættu að missa þær, því það er ekki sjálfgefið að félagið hafi “einkarétt” á þeim.

Iðkendur og þjálfarar - hjartað í starfinu

Á árinu 2018 voru 569 iðkendur innan félagsins, 169 í íþróttaskólanum og 400 almennir iðkendur.

Á vorönn voru 443 iðkendur, þar af almennir 348 og á haustönn voru 456 iðkendur, þar af almennir 244.

Strákar í heildina voru 115, 77 á vorönn og 76 á haustönn.

Á árinu var samið við Þórdísi Þöll Þráinsdóttur um áframhaldandi starf yfirþjálfara félagsins til næstu tveggja ára. Starfið hefur blómstrað undir hennar stjórn og er stjórnin mjög ánægð með hennar störf. Einnig var samið við Stefán Þór Friðriksson, einnig til tveggja ára, en hann hefur verið ötull í að byggja upp drengjafimleika sem og parkour innan félagsins.

Margir af okkar þjálfurum eru orðnir eftirsóttir af öðrum félögum og til starfa innan FSÍ sem ber þess vott að við erum á réttri leið í uppbyggingu okkar þjálfarahóps. Að sama skapi þurfum við að vera samkeppnishæf hvað varðar aðstöðu og laun og það verður sífellt erfiðara að keppa við stóru félögin á höfuðborgarsvæðinu. Nýtt fimleikahús mun vonandi hjálpa okkur í þeim efnum og jafnvel draga að reynda þjálfara.

Í heildina eru um 25 þjálfarar starfandi hjá félaginu og erum við mjög stolt af þeim flotta hópi. Áframhaldandi uppbygging á þjálfararéttindum á sér stað innan félagsins. Til stendur að senda nokkra hópa á árinu 2019 til námskeiða er veita frekari réttindi til þjálfunar en það er krafa FSÍ. Slíkt eykur gæði í öllu starfi félagsins og skilar okkur sterkari fimleikafólki til lengri tíma litið.

Starf félagsins

Starf félagsins fer fram á tveimur stöðum í bænum. Íþróttahúsinu við Vesturgötu og húsnæði ÞÞÞ við Dalbraut. Erfiðlega gengur að láta stundatöflu ganga upp en þjálfarar og iðkendur sjá til þess að starfið gengur vel. Auk þess er farin ein ferð í viku til æfinga í húsnæði Fjölnis í Egilshöll til handa okkar elstu iðkendum. Slíkt er nauðsynlegt til að komast í aðstöðu sem flókin stökk krefjast svo ekki hljóttist skaði af, hvorki hjá iðkendum né þjálfara.

Þann 27. ágúst var tekin fyrsta skóflustunga við byggingu á nýju fimleikahúsi. Iðkendur, þjálfarar og allir þeir sem koma að félaginu vilja koma þakklæti til allra þeirra sem að verkefninu koma. Við undirbúning svo stórra framkvæmda liggja fjölmargir tímar í hönnun og útfærslu. Hefur Akraneskaupstaður staðið sig vel í að hlusta á okkar ráðleggingar og kröfur varðandi aðstöðu og tækjakost. Allir hlutaðeigandi eiga hrós skilið fyrir þeirra störf. Framundan eru spennandi tímar og á næstu árum ætlar félagið sér að keppa við þau stærstu.

Með komu hússins aukast líka möguleikar á að bjóða upp á fimleika fyrir alla, því ekki allir vilja stunda fimleika sem keppnisíþrótt og er það vilji félagsins að koma til móts við þann hóp.



Á haustmánuðum var gerð tilraun til að koma af stað “trimm” hópi í fimleikum. Eldri iðkendur, sem áður æfðu fimleika, sem og byrjendur komnir af yngsta skeiði var boðið að stunda fimleika undir handleiðslu þjálfara. Mikil ánægja var með námskeiðið en það stóð í 8 vikur. Vonumst við til að geta boðið upp á slíkt aftur í nýju húsnæði.

Haldin voru tvö stór mót á árinu, Íslandsmót unglunga 2018 þann 12. maí og haustmót í hóp fimleikum þann 17. nóvember en þau eru unnin í samvinnu við FSÍ. Í heildina sóttu um 610 keppendur mótin tvö ásamt tilheyrandi þjálfarateymi og dómurum. Slík mót eru keyrð áfram í þröngum tímaramma. Það segir sig sjálft að lítið má út af bera til að raska svo stórum mótum. Mótin gengu mjög vel fyrir sig og viljum við í stjórn þakka öllum þeim foreldrum sem hjálpuðu við framkvæmd mótanna kærlega fyrir hjálpina. Slík mót eru ekki síst stór auglýsing fyrir það góða starf sem er unnið í íþróttum á Akranesi, heldur einnig stór tekjulind fyrir þau félög sem þau halda. Fimleikafélagið hefur fengið mikið hrós frá öðrum aðildarfélögum FSÍ fyrir að streyma beint frá þessum mótum. Veg og vanda af því eiga að sjálfsögðu ÍATV og færum við þeim miklar þakkir fyrir. Það er ómetanlegt að eiga slíkan hauk í horni.

Vorsýningin okkar er orðinn fastur liður í starfi félagsins. Þar koma saman allir iðkendur og þjálfarar og búa til sannkallaðan ævintýraheim með tilheyrandi ljósadýrð og tónlist. Þemað í ár var Ísland. Sagan fjallaði um ferðamann sem kom til landsins og upplifði sögu og náttúru. Iðkendur brugðu sér í gervi álfa, trölla, víkinga, eldfjalla og margt fleira. Eins og undanfarin ár nægði ekki ein sýning heldur þurfti tvær til. Mikil ánægja er innan félagsins og utan með afrakstur vorsýningar og bjóðum við upp á eitthvað stórfenglegt á þessu ári líkt og árin á undan.



Mótamál

Fimleikafélagið tók þátt í fimm mótum á árinu. Að jafnaði eru um 150 keppendur í 5. flokki og uppúr sem sækja hvert mót. Félagið átti sex hópa sem höfpuðu Íslandsmeistaratitli og einn hóp sem varð deildar- og bikarmeistari.

- 5. flokkur stúlkna varð bikarmeistari, Íslandsmeistari og deildarmeistari í hópfimleikum
- 4. flokkur stúlkna varð Íslandsmeistari í D deild í hópfimleikum
- 3. flokkur stúlkna varð Íslandsmeistari í C deild í hópfimleikum
- 2. flokkur stúlkna varð Íslandsmeistari í B deild í hópfimleikum og Íslandsmeistari í A deild í stökkfimi
- 1. flokkur kvenna varð Íslandsmeistari í A deild í stökkfimi og að síðustu varð Meistaraflokkur kvenna Íslandsmeistari í A deild í stökkfimi.

Árangur félagsins á mótum ársins:

Bikarmót í hópfimleikum 2018 Ásgarði, Garðabæ

2. flokkur A	4. flokkur B	5. flokkur
6. sæti ÍA 1 (39.500)	2. sæti ÍA 1 30.265	1. sæti ÍA 1 (32.499)
3. flokkur B	4. flokkur C	6. sæti ÍA 2 (23.582)
6. sæti ÍA 1 (33.549)	7. sæti ÍA 2 (22.266)	9. sæti ÍA 3 (21.265)
3. flokkur C	4. flokkur D	
5. sæti ÍA 2 (31.382)	3. sæti ÍA 3 (23.332)	

Íslandsmót unglinga 2018 Íþróttahúsinu Vesturgötu, Akranesi

1. flokkur B	3. flokkur C	5. flokkur
3. sæti ÍA 1 (38.290)	1. sæti ÍA 1 (36.915)	1. sæti ÍA 1 (30.275)
2. flokkur B	5. sæti ÍA 2 (30.295)	2. sæti ÍA 2 (27.145)
1. sæti ÍA 1 (45.055)	4. flokkur D	3. sæti ÍA 3 (22.045)
4. flokkur A	1. sæti ÍA 2 (30.130)	
1. ÍA 1 (34.660)	4. sæti ÍA 3 (23.840)	

Haustmót í hópfimleikum 2018 Íþróttahúsinu Vesturgötu, Akranesi

2. flokkur	3. flokkur	4. flokkur
12. sæti ÍA 1 (37.345)	6. sæti ÍA 1 (40.745)	5. sæti ÍA 1 (37.440)
Meistaraflokkur B	17. sæti ÍA 2 (32.460)	8. sæti ÍA 2 (32.845)
1. sæti ÍA (46.860)		20. sæti ÍA 3 (24.645)

Íslandsmót í stökkfimi Fjölnir, Egilshöll

2. flokkur A	Karlar yngri C
1. sæti ÍA 1 (26.880)	5. Sæti ÍA 1 (16.100)
2. sæti ÍA 2 (23.810)	6. Sæti ÍA 2 (16.000)



Tilnefning til íþróttamanns Akraness

Harpa Rós Bjarkadóttir var tilnefnd af félaginu til íþróttamanns ársins 2018. Harpa Rós, sem er fædd árið 1997 æfir hópfinleika með meistaraflokki. Harpa er elsti iðkandi félagsins og lykilmáður í liði meistaraflokks. Hún hefur sinnt hlutverki sínu sem fyrirliði síðustu árin af stakri þrýði. Hún er dugleg og metnaðargjörn en umfram allt jákvæð og hógvær. Harpa er frábær fyrirmynd liðsfélaga sinna og yngri iðkenda félagsins.

Harpa þjálfar yngri flokka hjá félaginu og vinnur nú, ásamt fleirum, að uppbyggingu drengjafimleika á Akranesi. Hún er einnig ómissandi hlekkur í þjálfarateymi félagsins.

Harpa varð Íslandsmeistari í efstu deild í stökkfimi ásamt liði meistaraflokks í Egilshöllinni í apríl. Í nóvember keppti hún svo á haustmótinu í hópfinleikum sem fram fór á Akranesi. En þar setti liðið persónulegt stigamet og varð sigurvegari í B deildinni með 46.860 stig. Sá frábæri árangur vann liðinu keppnisrétt í efstu deild, í fyrsta sinn í sögu félagsins.

Framtíðarsýn

Framtíðin er björt fyrir fimleika á Akranesi. Stöðugur iðkendahópur og framúrskarandi þjálfarateymi er undirstaðan að góðum vexti. Staða félagsins er sterk og vel í stakk búin til að takast á við áframhaldandi vöxt í fimleikum. Stefnan er sett á að vera í fremstu röð fimleika á Íslandi og í framhaldinu að eignast landsliðskonur og menn. Í dag erum við eftirbátar stóru félaganna hvað aðstöðu varðar en með tilkomu fimleikahúss eru okkur allir vegir færir.

Einnig er það vilji stjórnar að auka hlut “fimleikar fyrir alla” innan félagsins. Með því móti stuðlum við að heilbrigðum lífsháttum til góðs íbúum Akraness. Til að vaxa þurfum við líka aukinn stuðning frá foreldrum og aðstandendum iðkenda. Því miður er oft erfitt að hvetja foreldra til slíks samstarfs. Lykill að því að okkar mati er að búa til samfélag foreldra, iðkenda, þjálfara og stjórnar sem vinna saman að settu marki. Markmiðasetning er lykill að slíku samstarfi og er það ofarlega yfir þá vinnu sem ráðast þarf í næstu misserin.

Lokaorð

Stjórnin vill þakka öllum þeim sem komu að starfi félagsins á einn eða annan hátt fyrir þeirra framlag. Þetta gerist ekki án ykkar. Einnig viljum við minnst á skagalíf.is en þar er að finna allar upplýsingar um tómstundaiðkun á Akranesi á einum stað. Vissulega frábært framtak þar á ferð. Frábær uppbygging á sér stað á Akranesi er snýr að íþróttum og tómstundum sem setur fjölbreyttan og skemmtilegan svip á bæinn. Við sem bæjarfélag höfum allt til brunns að bera til að búa hér til eftirsóknarvert umhverfi sem vonandi á eftir að laða að fjölskyldufólk hvaðanæva að. Þetta er rétt að byrja. Áfram ÍA.

Golfklúbburinn Leynir

Golfárið 2018 var 53. starfsár Golfklúbbsins Leynis

Golfsumarið 2018 var frekar óhefðbundið, veðurfar hafði gríðarleg áhrif á það. Sumarið fór seint af stað og í raun kom það ekki almennilega fyrir en í ágúst.

Sökum slæms tíðafars þá fækkaði spiluðum hringjum á Garðavelli um samtals 10% milli ára og munar þar mestu um stóra hópa líkt og félagsmenn GR sem hafa um árabíl verið einn stærsti hópur viðskiptavina okkar. Er þetta þriðja árið í röð sem fækkun er í spiluðum hringjum. Lengi vel var Garðavöllur einn þriggja vinavalla sem félagsmönnum GR bauðst en í kjölfar fjölgunar þeirra hjá GR hefur þessi þróun átt sér stað. Einnig má ætla að þátttaka Íslands í HM hafi haft áhrif á golfiðkun.

Valdís Þóra náði ágætum árangri á árinu. Hún tryggði ennfremur þátttökurétt sinn á mótariðinni á næsta ári. Stefnir Valdís ótrauð áfram að bæta stöðu sína á mótariðinni 2019.

Sveitir GL tóku að vanda þátt í Íslandsmóti golfklúbba en karlasveitin spilaði í 1. deild sem spilaði á Garðavelli. Þeir héldu sæti sínu og spila aftur að ári í 1. deild. Kvennasveitin spilaði í 2. deild í Vestmannaeyjum og enduðu þær í 2. sæti.

Öldungasveit karla spilaði í 2. deild í Borgarnesi og höfnuðu þeir í 6. sæti. Sveit 18 ára og yngri spilaði í Vestmannaeyjum og endaði í 10. Sæti. Sveit 15 ára spilaði á Flúðum og endaði í 8. sæti.

Erfiður rekstur var raunin á árinu og munar þar mestu um slæmt veðurfar. Rekstrarlegt tap var því rúmar rúmar 8,9 milljónir og niðurstöðutala ársins sömuleiðis neikvæð um rúmar 10 milljónir sem skýrist m.a. af leiðinlegu veðurfari fyrstu tvo mánuði sumarsins sem skilaði sér í færri heimsóknnum kylfinga til okkar á Garðavöll og að rekstur veitingasölu var töluvert undir væntingum.

Árið 2018 var sjötta ár Guðmundar Sigvaldasonar í stöðu framkvæmdastjóra Leynis og ber að þakka honum fyrir vel unnin störf í þágu klúbbsins. Sérstaklega ber að nefna utanhald hans á byggingu frístundamiðstöðvar, þar sem hans sérþekking hefur sparað klúbbum og Akraneskaupstað gríðarlega fjármuni.

Birgir Leifur Hafþórsson og John Garner höfðu veg og vanda af barna- og unglingastarfi klúbbsins. Þegar mest lét voru um og yfir 20 starfsmenn á launaskrá hjá klúbbum.

Ekki fóru framkvæmdir á nýrri frístundarmiðstöð fram hjá félagsmönnum og gestum Garðavallar. Nýtt og glæsilegt hús er nú risið við Garðavöll og starfsemin að færast í það nú í lok árs. Áætluð verklok eru 1. apríl 2019.



Aðalfundur 12. desember 2017

Á aðalfundi GL þann 12. desember 2017 var kosin ný stjórn fyrir starfsárið 2018.

Úr stjórn gengu :

Formaður til eins árs:	Þórður Emil Ólafsson
Stjórnarmenn til tveggja ára:	Hannes Marinó Ellertsson Eiríkur Jónsson
Varamaður til eins árs:	Ingibjörg Stefánsdóttir

Kosnir í nýja stjórn fyrir starfsárið 2018 voru:

Formaður til eins árs:	Þórður Emil Ólafsson
Stjórnarmenn til tveggja ára:	Ingibjörg Stefánsdóttir og Eiríkur Jónsson

Varamaður í stjórn til eins árs:	Heimir Bergmann
---	-----------------

Áfram sátu í stjórn Berglind Helga Jóhannsdóttir og Hörður Kári Jóhannesson.
Aðalfundur fór fram með hefðbundnum hætti.

Starf stjórnar á árinu

Haldnir voru 16 formlegir bókfærðir fundir stjórnar GL og þar að auki fjöldi óformlegra funda og samtala stjórnarmanna á milli. Eins eru tölvupóstsendingar mikið notaðar til skrafs og ráðagerða.

Stærstu verkefni stjórnar og framkvæmdastjóra á árinu voru framkvæmdir við byggingu á frístundamiðstöð og verkefnið við að rétta af fjárhag klúbbsins í erfiðum rekstrarskilyrðum. Sú vinna endaði með samningi um sölu á eignarhluta klúbbsins í vélaskemmunni til Akraneskaupstaðar. Það er mat stjórnar að þessi niðurstaða sé góð fyrir klúbbinn bæði til þess að rétta af stöðuna í dag sem og til lengri tíma.

Gríðarleg vinna af hálfu framkvæmdastjóra hefur farið í utanumhald og verkefnastýringu á byggingu frístundamiðstöðvarinnar og hefur sú mikla vinna verið klúbbnum til mikilla hagsbóta svo ekki sé nefndur sá fjárhagssparnaður sem af hefur hlotist fyrir bæði klúbbinn og Akraneskaupstað.

Nú er lokið þessu 53. rekstrarári Leynis og er stjórn GL ánægð með það að tekist hefur að lagfæra fjárhagsstöðu klúbbsins og einnig erum við eins og vel flestir félagsmenn stoltir af því að sjá okkar glæsilegu félagsaðstöðu rísa við Garðavöll.

Stjórnin vil sérstaklega þakka Guðmundi framkvæmdastjóra fyrir vel unnin störf á árinu.

Ákveðið áhyggjuefni er viðsnúningurinn sem hefur orðið á rekstri klúbbsins til hins verra og hefur framkvæmdastjóri nú þegar lagt mikla vinnu í 5 ára áætlun um rekstur klúbbsins þannig að lágmarka megi fjárhagslega áhættu klúbbsins rekstrarlega. Þurfum við samhliða að búa þannig um hnúta að erfiðari rekstur komi ekki niður á gæðum Garðavallar með tilheyrandi keðjuverkun sem það getur haft í för með sér.



Síðast en ekki síst ber að þakka félagsmönnum sem tóku virkan þátt í starfsemi klúbbsins með mjög svo óeigingjörnu sjálfbærðarstarfi. Golfklúbburinn Leynir er öfundsverður af jafn öflugum hópi félagsmanna.

Störf nefnda

Nefndastarf var með hefðbundnum hætti starfsárið 2018. Starfandi nefndir voru barna- og unglinganefnd, kvennanefnd, vallarnefnd, forgjafanefnd, öldunganefnd karla og mótanefnd. Nánar er fjallað um starfsemi hvernar nefndar í hjálögðum skýrslum.

Keppnisgolf og afreksfólk

Valdís Þóra Jónsdóttir hafði í nógu að snúast á árinu og lék í fjölmörgum mótum á árinu sem atvinnumaður og stóð hún sig með ágætum. Valdís Þóra spilaði á efstu mótarið kvenna í Evrópu, LET og tryggði keppnisrétt sinn á komandi ári. Valdís Þóra tók lítinn þátt í mótahaldi á Íslandi þetta sumarið sökum anna við keppni erlendis.

GL sendi að vanda hinar ýmsu sveitir til keppni á vegum GSÍ í Íslandsmót golfklúbba sem áður hét Sveitakeppni GSÍ.

Sveitir GL tóku að vanda þátt í Íslandsmóti golfklúbba en karlasveitin spilaði í 1. deild sem spilaði á heimavelli og héldu þeir sæti sínu og spila aftur að ári í 1. deild. Kvennasveitin spilaði í 2. deild í Vestmannaeyjum og enduðu þær í 2. sæti mótsins.

Öldungasveit karla spilaði í 2. deild í Borgarnesi og höfnuðu þeir í 6. sæti. Sveit 18 ára og yngri spilaði í Vestmannaeyjum og endaði í 10. sæti. Sveit 15 ára spilaði á Flúðum og endaði í 8. sæti.

Félagafjöldi

Félagsmönnum í GL fjölgaði á árinu 2018 úr 489 í um 496 og er Golfklúbburinn Leynir 9. stærsti klúbbur landsins miðað við félagafjölda samkvæmt upplýsingum GSÍ.

Á Vesturlandi eru 9 klúbbar og er GL stærsti klúbbur Vesturlands með um 50% félagsmanna skráða innan sinna vébanda. Alls er 61 klúbbur skráður á landinu og heildarfjöldi skráðra félaga innan vébanda GSÍ eru rúmlega 17.000 iðkendur. GSÍ er annað stærsta sársamband innan ÍSÍ.

Mótahald

Mótahald gekk ágætlega sumarið 2018 þrátt fyrir leiðinda tíðarfar og var starf mótanefndar þetta árið sem áður til mikillar fyrirmyndar. Fjöldi móta í sumar var 60 sem tæplega 1880 kylfingar sóttu og er það fækkun milli ára sem nemur um 13%.

Það má segja að golftímabilið hafi að einhverju leyti valdið vonbrigðum þegar horft er til veðurfars fyrri hluta sumars en Garðavöllur var engu að síður almennt í góðu ástandi og fékk jákvæða dóma kylfinga.

Mótahaldið var að venju fjölbreytt blanda af innanfélagsmótum, barna- og unglingamótum, kvennamótum og opnum mótum ásamt mótahaldi í tengslum við mótaraðir GSÍ og LEK.

Meistaramót Leynis var haldið dagana 9. – 14. júlí. Þátttakan var góð og tóku 102 félagsmenn þátt. Lokahóf mótsins var síðan haldið í sal ÍA við Jaðarsbakka fyrir eldri kylfinga og í golfskála fyrir yngri kylfinga.

Klúbbmeistarar urðu eftirfarandi:

Meistaraflokkur karla 1.sæti Stefán Orri Ólafsson 304 högg 2.sæti Þórður Emil Ólafsson 307 högg 3.sæti Björn Viktor Viktorsson 313 högg	Meistaraflokkur kvenna 1.sæti Valdís Þóra Jónsdóttir 286 högg 2.sæti Hulda Birna Baldursdóttir 371 högg
1.flokkur karla 1.sæti Búi Örlygsson 327 högg 2.sæti Ingi Fannar Eiríksson 328 högg 3.sæti Bjarki Georgsson 331 högg	2.flokkur kvenna 1.sæti Bára Valdís Ármannsdóttir 359 högg 2.sæti Elísabet Valdimarsdóttir 387 högg 3.sæti Berglind Helga Jóhannsdóttir 440 högg
2.flokkur karla 1.sæti Davíð Örn Gunnarsson 337 högg 2.sæti Trausti Freyr Jónsson 345 högg 3.sæti Gunnar Davíð Einarsson 347 högg	3.flokkur kvenna 1.sæti Klara Kristvinsdóttir 311 högg 2.sæti Inga Hrönn Óttarsdóttir 355 högg 3.sæti Ólöf Agnarsdóttir 361 högg
3.flokkur karla 1.sæti Jón Vilhelm Ákason 370 högg 2.sæti Pröstur Vihjálmsson 382 högg (sigrði eftir bráðabana) 3.sæti Júlíus Pétur Ingólfsson 382 högg	Konur 50+ 1.sæti Svala Óskarsdóttir 246 högg 2.sæti Rakel Kristjánsdóttir 303 högg 3.sæti Hrafnhildur Geirsdóttir 323 högg
4.flokkur karla 1.sæti Kristleifur S Brandsson 468 högg 2.sæti Örn Arnarsson 469 högg 3.sæti Einar Brandsson 473 högg	2x6 holur á litla Garðavelli stúlkur 1.sæti Lena Björk Bjarkadóttir
Karlar 50+ 1.sæti Björn Bergmann Þórhallsson 247 högg 2.sæti Sigurður Grétar Davíðsson 285 högg 3.sæti Tryggvi Bjarnason 285 högg	2x9 holur á Garðavelli, styttri teigar, stúlkur 1.sæti Vala María Sturludóttir, 58 punktar 2.sæti Elín Anna Viktorsdóttir, 48 punktar 3.sæti Viktoría Vala Hrafnisdóttir, 20 punktar
Karlar 65+ 1.sæti Jón Alfreðsson 250 högg 2.sæti Jón Ármann Einarsson 269 högg 3.sæti Þórður Elíasson 270 högg	2x9holur á Garðavelli, rauðir teigar stúlkur 1.sæti Elsa Maren Steinarsdóttir, 25 punktar
2x18holur á Garðavelli, rauðir teigar drengir 14 ára og yngri 1.sæti Daði Már Alfreðsson, 63 punktar 2.sæti Kári Kristvinsson, 62 punktar 3.sæti Franz Bergmann Heimisson, 54 punktar	2x9holur á Garðavelli, rauðir teigar drengir 1.sæti Tristan Freyr Traustason, 23 punktar 2.sæti Bragi Friðrik Bjarnason, 22 punktar 3.sæti Hilmar Veigar Ágústsson, 17 punktar
2x18holur á Garðavelli, gulir teigar drengir 15-16 ára 1.sæti Björn Viktor Viktorsson, 62 punktar 2.sæti Ingimar Elfar Ágústsson, 56 punktar 3.sæti Þorgeir Örn Bjarkason, 47 punktar	

Mótahaldið í sumar tókst að vanda vel og á mótanefnd miklar þakkir skilið fyrir óeigingjörn og vel unnin störf í sumar.

Framkvæmdir á árinu 2018

Í eftirfarandi samantekt er farið yfir verkefni ársins, ítarlegri samantekt má finna í skýrslu vallarnefndar þar sem verkefnum eru gerð góð skil.



Vinnudagar í apríl tókust vel og var unnið við almenna tiltekt, lagfæringar ýmiskonar, uppsetningu bekkja, brautarskilta og annað nauðsynlegt til að undirbúa völlinn fyrir opnun.

Umhirða vallarins var með hefðbundnu sniði sumarið 2018. Sláttur flata byrjaði í lok apríl og síðasti sláttur var í lok október. Veðurfar á haustmánuðum var nokkuð gott og þurfti að hirða völlinn fram eftir hausti.

Helstu nýframkvæmdir á vellinum á sumrinu voru gerð nýrra teigasetta við 4. braut sem og á 10. braut.

Sérstaklega skal þakka öllum þeim félagsmönnum Leynis sem fúsir hafa lagt hönd á plóg með sjálfboðavinnu sinni í þeim ýmsu verkefnum sem við höfum unnið að þetta árið.

Rekstrarniðurstaða

Rekstrarniðurstaða Leynis árið 2018 er slæm og munar þar mestu um gríðarlega erfiðan rekstur tengdan veitingasölunni þar sem veðurfar spilaði stóra rullu í gestakomum á Garðavöllum.

Rekstrartekjur hækkuðu þó um 10% milli ára og skýrist það af tekjum úr veitingasölu sem ekki voru árið 2017. Rekstrargjöld voru hins vegar 15% hærri en fyrra ár og er ástæðan sú sama og aukning tekna. Rekstrarafkoma klúbbsins var neikvæð um rúmar 8,9 milljónir króna.

Rekstrartekjur voru tæpar 78 milljónir króna og rekstrargjöld voru hins vegar rúmar 87 milljónir króna eða 20% yfir áætlun.

Þegar heildarniðurstaða ársins 2018 er skoðuð þá er tap klúbbsins rúmar 10 milljónir króna. Efnahagur klúbbsins er í góðu horfi við lok þessa rekstrarárs þrátt fyrir neikvæðan rekstur á árinu. Handbært fé klúbbsins stendur í rúmunum 11 milljón krónum við lok rekstrarársins.

Staða klúbbsins eftir rekstrarárið 2018 er ágæt þegar á heildina er litið, umhugsunarefni er þó hversu mikið GL þarf að reiða sig á breytilegar tekjur í stað fastra tekna samanborið við marga aðra golfklúbba. Vinna þarf í því að auka hlut fastra tekna. Áfram sem hingað til er það stefna stjórnar að klúbburinn sé rekinn af varfærni.

Starfsmannamál

Starfsmenn GL á árinu 2018 voru um 20 þegar mest lét frá vori til hausts með mismikið vinnuhlutfall.

Guðmundur Sigvaldason framkvæmdastjóri er eini launþeginn á heils árs grundvelli. Birgir Leifur Hafþórsson íþróttastjóri er í hlutastarfi og launþegi klúbbsins. Birgir Leifur hefur umsjón með afreks-, barna- og unglingastarfi innan klúbbsins. John Garner, fyrrverandi landsliðsþjálfari, sá um þjálfun barna og unglinga í hlutastarfi.

Einnig starfaði við völlinn hópur unglinga úr Vinnuskóla Akraneskaupstaðar eins og verið hefur undanfarin ár. Mikilvægi þessa hóps og vinnuframlag fyrir Garðavöll er mikið og ber að þakka Akraneskaupstað fyrir samstarfið.

GrasTec, félag í eigu Brynjars Sæmundssonar, sá um faglega umsjón og ráðgjöf á umhirðu Garðavallar og framkvæmda við hann eins og undanfarin ár en samstarfið hefur reynst klúbbum afar farsælt frá árinu 2013.

Veitingasala

Sérstakar aðstæður voru við Garðavöll í sumar og endaði það með því að klúbburinn sá um rekstur veitingasölu. Ágætlega gekk að notast við bráðarbirgðaaðstöðuna en mikil ótíð og minni gestakoma gerði rekstur veitingasölnnar mjög erfiðan.

Samningar við aðra golfklúbba

GL endurnýjaði samstarfssamninga við valda golfklúbba sem félagsmenn gátu nýtt sér á ferðum sínum um landið. Vinavallarsamningar eru hugsaðir sem góð viðbót og ábati við það árgjald sem félagar greiða og innhéldu samningarnir afslætti af vallargjöldum. Samstarf var við eftirtalda klúbba:

Vesturland

Golfklúbbur Borgarnes (GB)
Golfklúbburinn Glanni (GGB)
Golfklúbbur Jökull (GJÓ)
Golfklúbburinn Vestarr (GVG)
Golfklúbburinn Mostri (GMS)

Reykjanes

Golfklúbbur Grindavíkur (GG)
Golfklúbbur Suðurnesja (GS)
Golfklúbbur Sandgerðis (GSG)



Suðurland

Golfklúbburinn Hellu (GHR)
 Golfklúbbur Hveragerðis (GHG)
 Golfklúbbur Selfoss (GOS)
 Golfklúbbur Vestmannaeyja (GV)
 Golfklúbbur Dalbúa (GD)
 Golfklúbburinn Hamar (GHD)

Höfuðborgarsvæðið

Golfklúbbur Mosfellsbæjar (GM)
 Golfklúbbur Brautarholts (GBR)

Norðurland

Golfklúbbur Akureyrar (GA)

Umferð um Garðavöll

Umferð um Garðavöll tók miklum breytingum milli ára og fækkaði spiluðum hringjum um 9% frá árinu 2017 en í sumar léku 14.100 kylfingar Garðavöll. Skráning miðast við maí til loka september. Leiknir voru 12.220 hringir skv. skráðum rástímum og 1880 mótahringir, samtals gerir þetta um 14.100 hringi.

Erlendir gestir og kylfingar halda áfram að heimsækja Garðavöll og samkvæmt skráningum eru þeir rúmlega 40 þetta árið.

Stjórnendur GL horfa til þess að með nýrri frístundamiðstöð sem verður að fullu tekin í notkun vorið 2019 geti þessi hópur viðskiptavina stækkað enn frekar og verið góð og ábatasöm viðbót við gestahóp Garðavallar.

Hér neðar er listi yfir félagsmenn sem skipuðu 10 efstu sætin og voru með flestar skráðar komur á Garðavöll á tímabilinu maí til loka september 2018. Sumir félagsmenn eru á þessum lista ár eftir ár og það er virkilega gaman að sjá hvað margir félagsmenn eru ávallt duglegir að spila Garðavöll.

GL félagar með flesta skráða hringi

Nafn	Hringir	Sæti	Nafn	Hringir	Sæti
Óskar Úlfar Kristófersson	88	1	Bjarni Bergmann Sveinsson	49	7
Guðmundur Sigurjónsson	78	2	Rafnkell K. Guttormsson Skúli Bergmann Garðarsson Þórir Björgvinsson	48	8
Jón Alfreðsson	71	3	Björn Bergmann Þórhallsson Reynir Þorsteinsson Ragnheiður Jónasdóttir	47	9
Júlíus Pétur Ingólfsson Trausti Freyr Jónsson	56	4	Einar Kristinn Gíslason Edda Elíasdóttir	46	10
Reynir Gunnarsson	52	5			
Anna Snjólaug Eiríksdóttir Bjarni Þór Ólafsson Þórólfur Ævar Sigurðsson	50	6			

Samskipti við Akraneskaupstað

GL hefur átt mjög gott samstarf við Akraneskaupstað á árinu eins og undanfarin ár. Sá stuðningur sem Akraneskaupstaður hefur veitt klúbbnum í gegnum tíðina er gríðarlega mikilvægur fyrir klúbbinn til frambúðar. Gríðarlegt ánægjuefni er fyrir GL hversu gott viðhorf

Akraneskaupstaður hefur til starfseminnar sem fram fer á Garðavelli og sést það vel í aðkomu hans að uppbyggingunni sem nú lítur dagsins ljós við Garðavöll með nýrri frístundamiðstöð.

Styrktaraðilar

Rekstur golfklúbbs er mikið og stórt verkefni og án dyggra félagsmanna, stuðningsaðila og stuðnings velgjörðaaðila væri reksturinn erfiður í alla staði.

Aðalstyrktaraðili klúbbsins líkt og undanfarin ár er Akraneskaupstaður og hefur GL treyst á aðkomu hans að rekstri klúbbsins og Garðavallar sem og þátttöku í ýmsum framkvæmdum.

Almennur rekstur klúbbsins hefur notið góðs af mörgum góðum styrktaraðilum og ber þar fyrst að nefna Norðurál sem er einn af helstu styrktaraðilum klúbbsins en skorkort, teigmerki, fánar á flötum og brautarskilti eru merkt fyrirtækinu.

Landsbankinn er líkt og undanfarin ár einn af helstu styrktaraðilum klúbbsins og styrkir mótahald félagsmanna, opið mót og er aðal styrktaraðili barna- og unglingastarfsins en aðrir aðilar eins og Íslandsbanki leggja einnig til fjármagn í tengslum við barna- og unglingastarfið.

Aðrir meginstyrktaraðilar sem að starfinu komu voru fjölmargir samanber eftirfarandi upptalningu:

365 / Golfstöðin	Heimili fasteignasala	Sjóvá
Alhönnun	HH Verktak	Skaginn
Apótek Vesturlands	Húsasmiðjan	Skóflan
Bernhard	Icelandair Hotels	Telnet
Billboard	ÍSAM: FJ-Ping-Titleist	Terma
Bíilver	Jötunn/Vinnuvélar: Toro-	Terma ehf
Blikksmiðja Guðmundar	Club Car	Topp Útlit
Blikkverk	Klafi	Trésmiðjan Akur
BM Vallá	Lögheimili fasteignasala	Úra- og skartgripaverslun
BÓB vinnuvélar	Mannvit	Guðmundar B.Hannah
Byko	Matfugl	Valfell fasteignasala
Club 71	N1	Ver
Galito	Omnis	Verkalýðsfélag Akraness
Gámaþjónusta Vesturlands	Prentmet	Verslunin Bjarg
Golfbúðin	Rafþjónusta Sigurdórs	ÞÞÞ
Golfskálinn	Samhentir/Vörumerking	Ölgerðin
GrasTec	Síminn	Öryggismiðstöðin
Guðni Örn Jónsson	Sjammi ehf	@home
HB Grandi		

Einnig eru ótaldir fjölmargir smærri styrktaraðilar og velunnarar Golfklúbbsins Leynis sem styðja við starfið á einn eða annan máta. Stjórn GL vill ítreka sínar þakkar við þann stuðning sem þessir aðilar sem og fjölmargir aðrir hafa veitt klúbbum á árinu og undanfarin ár.



Lokaorð

53. rekstrarári Golfklúbbsins Leynis er nú lokið.

Starfið var með hefðbundnu sniði þetta árið en hins vegar óhefðbundið þegar kom að því að félagsmenn sáu gamla skálann hverfa og horfa nú upp á nýja og glæsilega aðstöðu rísa hér við Garðavöll.

Þrátt fyrir erfið rekstrarleg skilyrði þá skartaði Garðavöllur sínu fegursta í sumar og var umtalað í hversu góðu ástandi völlurinn var.

Fjölgun í hópi félagsmanna var ánægjuefni og var sú fjölgun borin uppi af nýliðum sem er vel. Rekstrarniðurstaða var óviðunandi og þarf að fara í naflaskoðun með tekjuöflun klúbbsins.

Ný aðstaða mun án efa veita klúbbum aukin tækifæri til þess að laða að sér fleiri kylfinga og hópa.

Öflugt félagsstarf er mikilvægt fyrir klúbb eins og okkar og eykur það almenna ánægju félagsmanna, sú nýlunda var að haldið var kótilettukvöld í haust og mæltist það virkilega vel fyrir. Ný félagsaðstaða býður uppá fjölbreyttara félagsstarf fyrir félagsmenn og bætta aðstöðu til inniæfinga.

Rekstrarafkoma klúbbsins síðustu tvö ár eru vonbrigði og nú þegar hefur farið fram mjög ítarleg áætlanagerð til 5 ára og er það okkar trú að þar séu raunhæfar væntingar byggðar inni. En til þess að þær áætlanir gangi eftir þá þarf að tryggja frekar fastar tekjur klúbbsins til þess að standa straum af þeim fyrirséðra fasta kostnaði sem liggur í almennum rekstri klúbbsins.

Ný frístundamiðstöð mun án efa styðja undir þessar áætlanir en tíminn mun leiða í ljós hvernig til tekst að nýta þá miklu möguleika sem þessi nýja aðstaða býður uppá.

Bætt félagsaðstaða mun gjörbreyta rekstrarumhverfi klúbbsins. Ennfremur aukast tekjumöguleikarnir mikið þegar hægt verður að taka á móti stærri viðburðum tengdum golfinu og mögulega aukinni nýtingu allt árið um kring. Stjórn GL er einhuga um að þær skuldbindingar sem klúbburinn tekur á sig varðandi nýja félagsaðstöðu muni og eigi ekki að taka neinn fókus af vellinum hvorki fjárhagslega né metnaðarlega. Markmiðið er að þær fjárhagslegu skuldbindingar sem GL mögulega tekur á sig vegna byggingarinnar verði stilltar af á þann máta að tekjur af aðstöðunni muni fyllilega standa undir þeim skuldbindingum þannig að ekki þurfi að koma til niðurskurðar á fjármagni sem veitt er í Garðavöll. Þannig verði horft á nýja byggingu sem sjálfstæðs verkefni hvað fjármögnun varðar.

Grunnreksturinn þarf að geta staðið undir eðlilegri starfsemi sem og áframhaldandi uppbyggingu á vellinum. Framundan eru spennandi tímar og er stjórn þess fullviss að tækifærin séu til staðar til þess að uppfylla þær áætlanir sem fyrir liggja.

Stjórn GL vill sérstaklega þakka því fólki sem komið hefur að skipulagningu á félagsstarfinu, það vinnuframlag sem innt er af hendi er ómetanlegt til þess að gera félagsstarfið blómlegt og ánægjulegt. Mikið og gott starf nefnda á vegum GL og þeirra félaga sem í þeim starfa er gífurlega mikilvægt og skal það haft í hávegum í klúbbi eins og GL.



Garðavöllur var í góðu standi í sumar, en þrátt fyrir það er ekki ástæða til þess að slaka á kröfunum um góðan golfvöll og mun stjórn kappkosta að halda áfram að bæta gæði vallarins og viðhalda honum þannig að hann verði áfram í fremstu röð golfvalla á Íslandi.

Stjórn GL vill að lokum þakka félögum, nefndarmönnum, styrktaraðilum og starfsfólki fyrir framúrskarandi aðkomu að starfinu og umfram allt gott samstarf á rekstrarárinu 2018.

Hestamannafélagið Dreyri

Aðalfundur 15. nóvember 2018 í félagsheimilinu Odda, Æðarodda.

Í stjórn Dreyra voru á árinu 2018 :

Formaður:	Ása Hólmarsdóttir
Varaformaður:	Hrafn Einarsson
Ritari:	Ólöf Húnfjörð Samúelsdóttir
Gjaldkeri:	Inga Ósk Jónsdóttir
Meðstjórnandi:	Fjóla Lind Guðnadóttir
Varamenn:	Guðmundur G. Sigurðsson og Sigurður Arnar Sigurðsson

Stjórnin hittist alls 10 sinnum á fundum og einnig voru mörg mál rædd á samskiptamiðli stjórnar (facebook), í tölvupósti og í síma.

Félagar í ársbyrjun voru 242.

Frá aðalfundi 28. nóvember 2017 voru nefndir Dreyra skipaðar á eftirfarandi hátt:

Nefndir Dreyra:

Endurskoðendur: Bergþór Helgason og María Hlín Eggertsdóttir. Til vara: Sigurður Arnar Sigurðsson (kosið er um endurskoðendur á framhaldsaðalfundi).

Beitarnefnd: Gísli Runólfsson, Hjálmar Ingibergsson, Guðmundur G. Sigurðsson, Inga Ósk Jónsdóttir gjaldkeri og tengiliður stjórnar.

Fræðslu- og skemmtinefnd: Gróa Þorsteinsdóttir, Eydís Gunnarsdóttir og Ólafur Frímann Sigurðsson. Tengiliður stjórnar er Hrafn Einarsson.

Hússtjórn: Inga Ósk Jónsdóttir, Ragnheiður Helgadóttir, Ragnheiður Stefánsdóttir, Sigríður Snæbjörnsdóttir og Pétur Sævarsson. Tengiliður stjórnar er Inga Ósk Jónsdóttir.

Mótanefnd: Stefán Ármannsson, Valdimar Ólafsson, Svenja Auhage, Magnús Karl Gylfason og Kristinn Helgason.

Vallarnefnd: Guðmundur Gísli Sigurðsson.

Reiðveganefnd: Stefán Jónsson, Ágúst Sigurjón Harðarson, Óttar Már Ellingsen, Hörður Þorsteinn Benónýsson og Hrafn Einarsson. Tengiliður stjórnar er Hrafn Einarsson.

Æskulýðsnefnd: Fjóla Lind Guðnadóttir, Þorbjörg Gunnlaugsdóttir, Benedikt Kristjánsson, Viktoría Gunnarsdóttir og Ása Hólmarsdóttir. Tengiliður stjórnar er Fjóla Lind Guðnadóttir.



Uppstillingarnefnd: Sigmundur B. Kristjánsson og Inga Ósk Jónsdóttir

Samstarfsnefnd um byggingu reiðskemmu á Æðarodda: Hrafn Einarsson og Ása Hólmarsdóttir frá Dreyra. Björgvin Helgason frá Hvalfjarðarsveit og Einar Brandsson frá Akraneskaupsstað.

Reiðskemmunefnd skipuð á félagsfundum 24. maí 2018: Sigurður Arnar Sigurðsson, Jökull Helgason og Hörður Þorsteinn Benónýsson.

Þá voru á liðnu ári tíð samskipti og fundir þar sem fulltrúar úr stjórn hittu bæjaryfirvöld á Akranesi, s.s. bæjarfulltrúa, bæjarstjóra, umhverfisfulltrúa, skipulagsfulltrúa og byggingafulltrúa. Á þessum fundunum voru aðallega rædd reiðskemmumál og einnig önnur verkefni félagsins sem tengjast sveitarfélaginu s.s. umgengnismál, umhverfismál, skipulag, reiðvegir o.fl. Fjórir fundir voru haldnir með formönnum aðildarfélaga ÍA og framkvæmdastjórn ÍA. Einnig funduðu fulltrúar úr stjórn með nefndum Dreyra og höfðu samskipti við fjölmarga aðra aðila sem tengjast fjölbreyttu starfi hestamannafélaga.

Landsþing hestamannafélaga var haldið 12. og 13. október á Akureyri. Fulltrúar félagsins voru Inga Ósk Jónsdóttir, Ása Hólmarsdóttir, Ólöf Húnfjörð Samúelsdóttir og Stefán Ármannsson.

Árið 2018 var viðburðarríkt og eftirminnilegt að mörgu leyti og standa þar reiðskemmumálin hæst.

Starfsárið hófst formlega með lokasmölun úr Flóanum laugardaginn 30. desember og var boðið upp á vöffur og kakó í félagsheimilinu á eftir. Reyndar má segja að fyrsta verkefni á vegum Dreyra á nýju starfsári eftir síðasta aðalfund hafi verið þátttaka félagsins í Útvarpi Akraness í byrjun desember í fyrra. En þá tóku þær stöllur Ásta Marý Stefánsdóttir og Ólöf Húnfjörð Samúelsdóttir að sér að vera með útvarpsþátt þar sem þær kynntu hestamennsku í sinni víðustu mynd og spiluðu hestamannalög. Þetta útvarpsverkefni var góður þáttur í að kynna hestamennsku á okkar svæði enn frekar. Stjórnin þakkar þeim Ástu og Ólöfu fyrir framlagið.

Framhaldsaðalfundurinn var haldinn 10. febrúar s.l. þar sem m.a. ársreikningar 2017 voru samþykktir og gengið frá mönnun í nefndir. Fjárhagur síðasta árs var í góðu standi. Á fundinum var Agnesi Rún Marteinsdóttur veitt hvatningarviðurkenning fyrir miklar framfarir á liðnu ári. Í umsögn stjórnar segir: „Agnes Rún sem er 13 ára, er sérlega iðin, jákvæð og dugleg í sinni hestamennsku og hefur sýnt eftirtektarverðar framfarir í reiðmennsku og í keppni á skömmum tíma. Það verður spennandi að fylgjast með henni á næstu árum. Stjórn Dreyra óskar Agnesi Rún til hamingju með árangurinn.“

Skemmtinefndin reið á vaðið með fyrsta skemmtiviðburðinn á nýju ári og hélt skemmtilega Góugleði í félagsheimilinu þann 24. febrúar.



Það var gott starf í æskulýðsnefndinni á árinu eins og sjá má nánar í skýrslu nefndarinnar. En helst má nefna að nefndin lagði áherslu á nýliðun í starfinu og styrkti vel þátttöku í helgarhestamennskunámskeiði sem haldið var á Skáney í Reykholtssdal. Það voru 28 krakkar á aldrinum 9 til 16 ára sem tóku þátt frá Dreyra og voru 2 helgar sem voru bara fyrir okkar unga fólk. Þar að auki voru 11 krakkar sem tóku þátt í knapamerkjum 1, 2 og 3 sem líka voru haldin á Skáney.

Æskulýðsnefndin sá líka að venju um „Fjör á vellinum“ um páskana, sameiginlega reiðtúra og fjölskyldureiðtúra, námskeiðahald í keppni á hringvelli, fræðslu um keppni og dóma og fékk til liðs við sig Valdimar Ólafsson gæðingadómara. Það er ekki hægt að segja annað en að starfið hjá æskulýðsnefndinni hafi verið gott.

Mótanefndin hélt vetrarleika í reiðhöll Skipaskaga á Litlu-Fellsöxl í febrúar, síðan var töltmót um páskana, vorleikar með kótilettukvöldi í apríl, gæðingakeppni í júní, úrtökumót fyrir Landsmót, og mótanefndin sá síðan um opið íþróttamót og Norðurálsmótið í ágúst s.l. Það mæðir mikið á nefndarfólki í mótanefnd og það fer mikill tími í undirbúning skráningar og annan tæknilegan undirbúning þannig að allt sé nú í samræmi við kröfur nútímans. Stjórn Dreyra vill þakka nefndarmönnum í mótanefnd og öllu starfsfólki sem hefur komið til starfa á mótum hjá Dreyra, kærlega fyrir þeirra framlag. Það er meira en að segja það að ætla t.d. að halda opin mót með mörgum keppendum. Það þarf að huga að skipulagi, tæknimálum, dómurum, riturum, velli, félagsheimili, fæði og fá starfsfólk á alla pósta.

Ferða- og skemmtinefndin sá um Góugleðina, Langasandsreiðina á sumardaginn fyrsta með vöflukaffi og einnig um sumarferð félagsins í júní á Snorrastaði á Mýrum. Sumarferðin er að verða fastur liður hjá félaginu og nú þegar er búið að plana ferðina fyrir vorið 2019.

Nokkrir sjálfboðaliðar tóku sig til í vor og héldu hrossakjötsveislu og allur ágóði veislunnar fór í að safna fyrir endurnýjun á gólfefni í félagsheimilinu. Fyrir veisluna var farið í sameiginlegan reiðtúr. Stjórnin þakkar Bjarna Guðmundssyni og félögum fyrir hugmyndina og frumkvæðið.

Árlegi umhverfisdagurinn okkar eða hreinsunardagurinn í Æðarodda og nágrenni var 28. apríl. Að þessu sinni skipulagði ÍA líka umhverfisdag á Akranesi þann 25. apríl ásamt nokkrum aðildarfélögum og íbúum á Akranesi. Við vorum þátttakendur í þessu umhverfisverkefni ÍA og skemmst er frá því að segja að ÍA fékk á dögnum umhverfisverðlaun Akraneskaupsstaðar 2018, sem við eigum sannarlega okkar hlut í.

1. maí 2018. Firmakeppni Dreyra

Firmakeppni Dreyra var að venju haldin þann 1. maí s.l. á Æðarodda. Á þeim degi varð félagið 71 árs og dagurinn er einnig alþjóðlegur dagur íslenska hestsins.

Dómarar voru Marella Steinsdóttir nýr formaður ÍA, Hildur Karen Aðalsteinsdóttir framkvæmdastjóri ÍA og Ólafur Adolfsson formaður bæjarráðs Akraness og var það mál manna að þau hafi gert gott mót í dómstörfum sínum. Stjórn Dreyra vill þakka þeim fyrir dómstörfin

og að hafa tekið þátt í deginum með okkur Dreyrafélögum. En stóru tíðindi þessa dags voru án efa að skrifað var undir viljayfirlýsingu/samning við Hvalfjarðarsveit og Akraneskaupsstað um byggingu reiðskemmu á Æðarodda. Þetta var svo sannarlega góður dagur og það er bjart framundan í hestamenskunni á Akranesi. Nánar um þau mál síðar í þessari skýrslu.

Stjórn Dreyra þakkar öllum einstaklingum og fyrirtækjum sem styrktu félagið í firmakeppninni og sendir einnig sínar bestu þakkir til allra sem komu með veitingar á hlaðborðið í félagsheimilinu. Það var húsfullir hjá okkur í félagsheimilinu á Æðarodda, mikil gleði og eftirvænting í loftinu.

Úrslit Firmakeppni Dreyra:

Pollaflokkur, 9 ára og yngri:

Matthildur Svana Stefánsdóttir á Kapradís frá Skipanesi. – Íslandsgámar
Bjargdís Guðveig Guðbjartsdóttir á Tóni frá Brúarreykjum. – Bílaverkstæði Hjalta
Indriði Gunnþór Guðbjartsson á Kapradís frá Skipanesi. – Akraneskaupsstaður
Ólafur Frímann Sigurðsson á Prins Póló frá Póllandi. – Blikksmiðja Guðmundar
Sigríður Gunnjóna Sigurðardóttir á Trekki frá Þjóðólfsþaga. – Veiðifélag Laxár
Aldís Emilía Magnúsdóttir á Snjalli frá Birkihlíð. – Eyrarbyggð ehf
Ingibergur Hjálmarsson á Góðum frá Akranesi. – Bílver ehf

Barnaflokkur, 10 til 13 ára:

Rakel Ásta Daðadóttir á Fönn frá Neðra Skarði. – Anton G. Ottesen
Sara Mjöll Elíasdóttir á Dögg frá Neðra Skarði. – Borgartún Hestamiðstöð

Unglingaflokkur, 14 - 17 ára:

Agnes Rún Marteinsdóttir á Arnari frá Barkarstöðum. – Sigurður Valgeirsson
Ester Þóra Viðarsdóttir á Björt frá Akranesi. – Bjarni M. Guðmundsson
Anna Sigurborg Elíasdóttir á Heru frá Akranesi. – Gróska garðyrkja

Karlaflokkur:

Benedikt Kristjánsson á Stofni frá Akranesi. – Galito
Erlendur Ari Óskarsson á Flóka frá Flekkudal. – Hrossaræktarþúið Skipaskagi
Leifur Gunnarsson á Glæsi frá Akarakoti – Módel ehf

Kvennaflokkur:

Hrefna Hallgrímsdóttir á Nikku frá Blönduósi – Norðurál
Ulrika Ramundt á Giltru frá Akurprýði. – Borgarholt
Viktória Gunnarsdóttir á Kostu frá Nýjabæ – Bílver ehf

Félagar í hestamannafélaginu Sörla buðu okkur Dreyrafélögum í heimsókn í Hafnarfjörðinn þann 10. maí og buðu okkur í reiðtúr í Heiðmörk og í veitingar að reiðtúr loknum. Þetta var velheppnuð heimsókn og við fengum góðar móttökur af hálfu Sörlamanna. Um 20 Dreyrafélagar fór í Hafnarfjörðinn.

Á 17. júní, bæði á Akranesi og í Hvalfjarðarsveit, tóku nokkrir Dreyrafélagar að sér að teyma undir börnum. Samtals var stóð teymingarvinnan í um 4 klst. og safnaðist ágæt upphæð fyrir vinnuna.

Laugardaginn 9. júní s.l. fór fram árleg gæðingakeppni Dreyra. Forkeppni gæðingakeppninnar var einnig fyrri hluti úrtökumóts Dreyra fyrir Landsmótið, sem fór fram þessa helgi. Hestamannafélagið Glaður í Dalasýslu tók þátt í úrtökumótinu og úrslitum gæðingakeppninnar með okkur.

Glæsilegasta hryssa mótsins var valin úrvalshryssan og stólpagæðingurinn Arna frá Skipaskaga. Besti gæðingur mótsins var Meitill frá Skipaskaga og knapi mótsins var tamningamaðurinn á Litlu Fellsöxl (Skipaskagi), Leifur G. Gunnarsson. Það má með sanní segja að hross og fólk frá Skipaskaga hafi átt góða helgi á Æðarodda.

Úrslit:

Barnaflokkur:

1. Þórunn Ólafsdóttir og Dregill frá Magnússkógum, 8.07 (Glaður)
2. Rakel Ásta Daðadóttir og Fönn frá Neðra-Skarði, 7.98 (Dreyri)
3. Sara Mjöll Elíasdóttir og Húmor frá Neðra-Skarði, 7.65 (Dreyri)

Unglingaflokkur:

1. Arndís Ólafsdóttir og Álfadís frá Magnússkógum, 8.25 (Glaður)
2. Ester Þóra Viðarsdóttir og Hnokki frá Þjóðólfsþaga, 8.18
3. Hjördís Helma Jörgensdóttir og Mía frá Fornusöndum, 8.08
4. Unndís Ída Ingvarsdóttir og Örn frá Efra-Núpi, 8.03
5. Agnes Rún Marteinsdóttir og Arnar frá Barkarstöðum, 8.01
6. Anna Sigurborg Elíasdóttir og Hera frá Akranesi, 7.78

Ungmennaflokkur:

1. Viktoría Gunnarsdóttir og Mjöltnir frá Akranesi, 8.19
2. Rúna Björt Ármannsdóttir og Staka frá Ytra-Hóli, 7.99

B-flokkur gæðinga:

1. Stofn frá Akranesi og Benedikt Þór Kristjánsson, 8.48
2. Andvari frá Skipaskaga og Leifur G. Gunnarsson, 8.32
3. Arnar frá Skipanesi og Guðbjartur Þór Stefánsson, 8.26
4. Eldur frá Borgarnesi og Ólafur Guðmundsson, 7.88

A-flokkur gæðinga:

1. Meitill frá Skipaskaga og Leifur G. Gunnarsson, 8.42
2. Prins frá Skipanesi og Svandís Lilja Stefánsdóttir, 8.29
3. Skutla frá Akranesi og Ólafur Guðmundsson, 8.00
4. Niður frá Miðsitju og Ólafur Guðmundsson, 7.93

Úrtökumót fyrir Landsmót – Forkeppni.

Dreyri mátti senda 3 keppendur í hvern keppnisflokk á Landsmóti en sá fjöldi er miðaður við fjölda félaga í Dreyra.

Niðurstöður úrtökumótsins:**Barnaflokkur (10 til 13 ára):**

Rakel Ásta Daðadóttir á Fönn frá Neðra-Skarði, 8.05

Sara Mjöll Elíasdóttir á Húmor frá Neðra Skarði, 7.01

Unglingaflokkur (14 til 17 ára):

Ester Þóra Viðarsdóttir á Hnokka frá Þjóðólfshaga, 8.18

Agnes Rún Marteinsdóttir á Arnari frá Barkarstöðum, 8.06

Unndís Ída Ingvarsdóttir á Blæ frá Sólvöllum, 7.95

Ungmennaflokkur (18 til 21 árs):

Viktoría Gunnarsdóttir á Mjölni frá Akranesi, 8.15

Rúna Björt Ármannsdóttir á Stöku frá Ytra-Hóli, 7.94

A-flokkur gæðinga (með skeiði):

Skrúður frá Eyri, Jakob S. Sigurðsson, 8.48

Sesar frá Steinsholti, Jakob S. Sigurðsson, 8.34

Prins frá Skipanesi, Svandís Lilja Stefánsdóttir, 8.26

B-flokkur gæðinga:

Arna frá Skipaskaga, Sigurður Sigurðarson, 8.68

Stofn frá Akranesi, Benedikt Þór Kristjánsson, 8.43

Sveðja frá Skipaskaga, Leifur G. Gunnarsson, 8.31





Íslandsmótið var haldið í Reykjavík í júlí. Dreyrafélaginn Jakob Svavar Sigurðsson var iðinn við kolann á árinu sem og fyrri ár. Hann varð Íslandsmeistari í tölti T1 á Júlíu frá Hamarsey með glæsieinkunnina 9.39. Jakob og Júlía eru einnig samanlagðir fjórgangssigurvegarar árið 2018. Jakob varð einnig annar í Meistaradeild VÍS sem fram fór á fyrri hluta ársins.

Norðurálmótið og Bikarmót Vesturlands var haldið á Æðarodda þann 18. – 19. ágúst í ágætu veðri. Mótahaldið var í höndum mótanefndar Dreyra. Mótið gekk vel og þátttaka var ágæt. Þátttakendur komu af Vesturlandi, höfuðborgarsvæðinu, Reykjanesi og Suðurlandi. En sem fyrr var ekki auðvelt fyrir mótanefnd að fá félagsmenn til að vinna við mótið þessa helgi en þetta hafðist þó allt að lokum og keppendur fóru a.m.k. sáttir heim af mótinu. Langflest hestamannafélög á landinu eru að lenda í erfiðleikum við mótahald þegar að því kemur að finna sjálfboðaliða til vinnu. Þetta var m.a. rætt á Landsþingi hestamanna á Akureyri sem haldið var um miðjan október. Það er ekki ljóst hvað veldur en er vissulega þáttur í félagsstarfinu sem þarf að skoða nánar.

Nefndateitið var haldið þann 19. október fyrir starfandi nefndarmenn og aðra sjálfboðaliða í ýmsum verkefnum félagsins. Stjórnin setti upp svunturnar og eldaði dýrindis mat fyrir nefndamenn. Líkt og í fyrra þá tókst vel til og vill stjórnin með þessu móti þakka vinnandi félagsmönnum fyrir störf sín.

Stjórnin boðaði til vinnufundar í stefnumörkun fyrir félagið laugardaginn 27. október s.l. Þátttaka var ekki nægileg þannig að ekki var hægt að setja upp “þjóðfundarfyrirkomulag” við úrlausn mála eins og til stóð. Í stefnumörkunarvinnu á t.d. að fara yfir hvaða verkefni nefndir eiga að halda utan um, átta sig á fyrir hverja nefndarvinna er, unnin af hverjum og hvaða árangri skilar sú vinna svo eitthvað sé nefnt. Þau sem að mættu þennan laugardagsmorgun tóku hins vegar gott spjall um starfið og hvernig er hægt að gera það betra. Stjórnin hyggur á að reyna aftur að boða til svona stefnumörkunarvinnu síðar, enda er það félaginu og félögum nauðsynlegt að vita hvert á að stefna.

Reiðskemmumál

Á árinu 2018 náðist stór áfangasigur í því að reiðskemma rísi á Æðarodda. Eftir undirbúnings- og “sannfæringar”- vinnu árin á undan með Hvalfjarðarsveit og Akraneskaupsstað var stofnaður starfshópur í byrjun ársins með 2 fulltrúum frá sveitarfélögum, Björgvini Helgasyni og Einari Brandssyni og svo formanni og varaformanni Dreyra. Þessi starfshópur skilaði niðurstöðu sinnar vinnu til sveitarfélaganna um miðjan apríl og niðurstaðan fór síðan í umfjöllun í stjórnsýslunni þar. Þann 1. maí á firmakeppninni og 71. árs afmæli Dreyra var skrifað undir viljayfirlýsingu/samning við Hvalfjarðarsveit og Akraneskaupsstað um byggingu reiðskemmu á Æðarodda, sem verður 25x45m að stærð. Við þetta tækifæri tóku til máls og kynntu feril verkefnisins formaður Dreyra, Sævar Freyr Þráinsson bæjarstjóri Akraness og Skúli Þórðarson sveitarstjóri Hvalfjarðarsveitar.

Stjórnin boðaði til félagsfundar þann 24. maí þar sem samningar um reiðskemmu við sveitarfélögin voru kynntir. Á þessum fundi var einnig kosið um hvar á Æðarodda skemman



ætti að standa. Yfirgnæfandi meirihluti var fyrir því að skemman ætti að rísa sunnan við/fjallsmegin við hesthúsin, í nálægð við reiðgerði og tamningagerði. Á þessum tímapunkti og með þessari staðsetningu sem samkvæmt bestu vitund var í samræmi við deiliskipulag svæðisins, átti það ekki að vera flókið að hefjast handa við verkið fyrir utan deiliskipulagsbreytingu sem átti að samræma skilmála úr fyrrútgefnu deiliskipulagi. Á þessum fundi voru kosnir í reiðskemmunefnd: Sigurður Arnar Sigurðsson, Hörður Þorsteinn Benónýsson og Jökull Helgason.

Í sumar kom svo í ljós þegar starfsmenn skipulagssviðs fóru að rýna betur í skipulagsmál svæðisins að hluti af fyrirhugaðri byggingarlóð er í eigu fyrirtækis sem fór í gjaldþrot fyrir um 10 árum síðan. Eignaumsjón þessa fyrirtækis er í höndum skiptastjóra. Starfsmenn skipulagssviðs Akraneskaupsstaðar hafa verið að vinna í því að Akranes kaupir þessa lóð með aðkomu lögfræðinga, fasteignasala og fleiri innan stjórnarsýslunnar. Þegar þetta er skrifað er ekki ljóst hvort af lóðakaupum verður. En verið er að vinna í málinu. Það gæti allt eins farið þannig að velja verði aftur staðsetningu á reiðskemmu á Æðarodda.

Nú í haust voru pantaðir hjá fyrirtækinu Batik svartir jakkar/léttúlpur sem eru með merki Dreyra og ÍA. Einnig voru pantaðar húfur með Dreyramerkinu. Þátttaka í þessum jakkakaupum var góð og nú geta Dreyrafélgar aldeilis farið að spóka sig í nýju jökkunum.

Stjórn Dreyra vill þakka öllum þeim sem hafa unnið fyrir félagið á liðnu ári. Það er ómetanlegt að geta leitað til góðra félaga í sjálfboðavinnu. Hvert handtak er dýrmætt, við þurfum bara að vera fleiri í vinnuliðinu.

Hnefaleikafélag Akraness

Aðalfundur

Aðalfundur félagsins var haldinn þann 6. mars 2019 í Íþróttahúsinu við Vesturgötu.

Árið 2018 var tíunda starfsár HAK, það var formlega stofnað 28. febrúar 2008.

Árið var fremur rólegt í ár. Örnólfur Stefán Þorleifsson hætti sem formaður HAK og tók Oliver Máni Oliversson við sem formaður. Þótt Örnólfur sé ekki búinn að segja alveg skilið við hnefaleikana þá þökkum við honum allt framlag sem hann hefur gefið í Hnefaleikafélag Akraness.

Í byrjun árs hætti Örnólfur Stefán Þorleifsson einnig þjálfun og tók Bjarni Þór Benediktsson við sem þjálfari og þar af leiðandi var Bjarni með keppnishóp og hnefaleikahóp. Nökkvi Máni Guðmundsson tók við krakkahópi. Fyrir sumarlök lýsti Eyþór Helgi Pétursson yfir áhuga sínum á keppnishópi og tók hann við sem þjálfari keppnishóps, byrjendahóps og einnig sem yfirþjálfari. Bjarni tók aftur við krakkahópi. Hafa þeir Eyþór og Bjarni staðið sig frábærlega sem þjálfarar og hafa aðstoðað hvorn annan ef eitthvað kemur uppá. Þá hafði fitness box fallið niður frá síðustu önn sem Katrín Jóna Ólafsdóttir hafði haft umsjón yfir.



Oliver Máni Oliversson byrjaði svo aftur með Jálkahópinn sem fór samt hægt af stað en stefnt er að því að koma honum þangað sem hópurinn var.

Stjórn félagsins árið 2018

Formaður:	Oliver Máni Oliversson
Varaformaður:	Jónas Heiðar Birgisson
Gjaldkeri:	Birna Árnadóttir
Meðstjórnendur:	Örnólfur Stefán Þorleifsson og Þorbjörg Gunnlaugsdóttir

Iðkendur

Iðkendum fækkaði dálítið í byrjun árs sem fylgir oft breytingum en hægt og rólega er þetta að koma til baka. Iðkendafjöldinn var um 50 – 60 á árinu og var þeim skipt í 4 hópa.

Krakkahópur:	Þjálfari Nökkvi Máni Guðmundsson / Bjarni Þór Benediktsson
Hnefaleikahópur:	Þjálfari Eypór Helgi Pétursson / Bjarni Þór Benediktsson
Keppnishópur:	Þjálfari Eypór Helgi Pétursson / Bjarni Þór Benediktsson
Jálkar:	Þjálfari Oliver Máni Oliversson

Viðburðir

27. janúar keppti Ísak Jökulsson í ólympískum hnefaleikum fyrir hönd HAK. Andstæðingur hans keppti fyrir hönd Hnefaleikafélags Reykjavíkur. Mótið fór fram í Hnefaleikafélagi Kópavogs. Stóð Ísak sig með þrýði og sýndi yfirburði í tækni og styrk og sigraði með tæknilegu rothöggi.

24. mars héldum við mót í diplóma hnefaleikum. Tveir keppendur frá HAK tóku þátt í mótinu, þeir Guðmundur Hagalín og Hektor Bergmann.

Í ágúst voru haldnar æfingabúðir og var einn sem fór frá HAK, Nökkvi Máni Guðmundsson.

22. september fór fram diplómamót í Hnefaleikafélagi Hafnarfjarðar. Fjórir keppendur stigu á stökk frá HAK en það voru þau Andri Bergsteinn Heimisson, Benjamín Kristinn Sigurjónsson, Hekla María Arnadóttir og Karl Ívar Alfreðsson. Öll stóðu þau sig með þrýði. Andri Bergsteinn og Karl Ívar hlutu báðir diplómu. Hekla María hlaut nægilega mörg stig til þess að safna í bronsmedalíu.

28. september kíktum við á sameiginlega sparr æfingu hjá Æsi.

20. október var haldið diplómamót hjá Hnefaleikafélagi Reykjaness. Hekla María keppti fyrir hönd HAK og fékk nægilega mörg stig til að safna upp í bronsmedalíu.

3. nóvember var farið á diplómamót í Hnefaleikafélagi Hafnarfjarðar. Þrír keppendur frá HAK tóku þátt; Andri Bergsteinn Heimisson, Benjamín Kristinn Sigurjónsson og Hekla María Arnadóttir. Allir þátttakendurnir stóðu sig vel og fengu öll fullt hús stiga. Benjamín Kristinn hlaut diplómu, Andri Bergsteinn og Hekla María fengu fullnægandi stig til þess að safna upp í bronsmedalíu.

5. desember kíktum við á sameiginlega tækniæfingu hjá HFH.

15. desember hóf Karl Ívar Alfreðsson feril sinn í ólympískum hnefaleikum. Andstæðingur hans kom frá Hnefaleikafélaginu Æsir og heitir Kasper. Karl fór á móti mjög reyndum andstæðingi sem var einnig vel þyngri. Stóð Karl sig frábærlega í fyrstu viðureign sinni. Bardaginn var jafn á köflum en Karl laut í minni pokann.

28. september kíktum við á sameiginlega sparr æfingu hjá Æsi.



Aðstöðumál

Í aðstöðunni sjálfri var lítið gert nema að henda rusli og óparfa hlutum og tekið til, en helst af öllu var innri kompan hreinsuð mestmegnis út. Endurnýjun á búnaði er það helsta sem stóð upp úr á árinu og þá nánar tiltekið hanskar, bæði púða og sparr. Þörf er á meiri endurnýjun á búnaði.

Lokaorð og þakkir

Það sem af er árinu lítur það vel út þrátt fyrir breytingar og tínist reglulega einn og einn nýr inn á æfingarnar. Félagið nær að standa undir sér og þá er bara að byggja það upp. Við viljum þakka ÍA og þá sérstaklega Hildi Karenu, fyrir alla hjálp sem við höfum fengið. Við værum ekki hér ef það væri ekki fyrir ykkur.

Karatefélag Akraness

Frá formanni

Starfsemi Karatefélags Akraness var með nokkuð líku formi og undanfarin ár. Félagið er áfram með um 40 iðkendur í þremur flokkum; karateskólinn, flokkur 2 og flokkur 1 sem jafnframt er meistaraflokkur. Hjá öllum flokkum hefur verið reynt að blanda saman félagsstarfi og leik í samblandi við karatekennsluna með ýmsum hætti eins og komið verður nánar að í kafla um starfsemi KAK.

Æfingar eru að jafnaði þrisvar sinnum í viku fyrir flokk 1 en tvisvar í viku fyrir karateskólann og flokk 2. Æfingar fara fram í speglasalnum í Íþrótt húsinu við Vesturgötu. Boðið var upp á byrjendanámskeið fyrir börn og unglinga á vor- og haustönn. Á árinu var lögð áhersla á grunnkarate en æft er samkvæmt JKA Shotokan karatestílnum. Hjá félaginu er að jafnaði lögð áhersla á allar grunngreinar karate þ.e. grunnþjálfun, kata og kumite en á árinu 2018 var einnig áhersla á áframhaldandi kumite þjálfun þó svo að enn séu iðkendur KAK ekki farnir að keppa í kumite. Einn af hápunktum ársins var þegar félagið stóð fyrir ferð fyrir elstu krakkana á æfingabúðir í Fredrikstad í Noregi sem betur verður fjallað um síðar í skýrslunni. Mikilvægt er þó að efla enn frekar samstarf við foreldra iðkenda á næstu árum en slíkt samstarf er nauðsynlegt fyrir rekstur lítilla félaga. Karateíþróttin stendur föstum fótum í íþróttalífi Akurnesinga. Félagið er öflugt og vaxandi og metnaður ríkir hjá iðkendum, þjálfurum og stjórn. Það er því með ánægju sem formaður þakkar fyrir samstarfið í formennskutíð sinni og verður ánægjulegt að fylgjast með félaginu til framtíðar.

Stjórn KAK

Aðalfundur KAK var haldinn mánudaginn 20. febrúar 2018 í Íþróttahúsinu Jaðarsbökkum. Á fundinum var kosin ný stjórn en inn í stjórnina komu tveir nýir stjórnarmenn, þær Ragnheiður og Gyða sem báðar eru foreldrar iðkenda. Þá gengu úr stjórn Sólrún Eiríksdóttir og Valgerður Oddsdóttir sem báðar höfðu starfað lengi með félaginu. KAK þakkar þeim kærlega fyrir þeirra starf fyrir hönd félagsins. Stjórn KAK árið 2018 skipuðu:

Formaður: Eydís Líndal Finnbogadóttir

Gjaldkeri: Berglind Erna Þórðardóttir

Meðstjórnendur: Gyða Einarsdóttir, Ragnheiður Gísladóttir og Daniela Gross

Þjálfarar

Aðalþjálfari KAK á árinu 2018 var Vilhjálmur Þór Þóruson. Auk Villa starfaði Eydís Líndal Finnbogadóttir sem þjálfari framhaldshóps og Elsa María Guðlaugsdóttir við afleysingar. Þá var Amalía Sif Jessen aðstoðarþjálfari á árinu. Afleysingarþjálfarar eru mikilvægir fyrir félag eins og KAK en janúar fór Vilhjálmur í langar æfingabúðir í NY hjá Sensei Richard Amos og þjálfaði Elsa María fyrir hann á meðan. Það er mikilvægt fyrir þjálfara að geta haldið sér við innan greinarinnar og byggt upp aukna þekkingu á íþróttinni.



Gráðanir

Gráðanir eru einskonar stöðupróf sem iðkendur í karate taka einu sinni til tvisvar á ári. Hjá KAK voru tvær gráðanir á árinu 2018 en 18. maí var vorgráðun og 9. desember var vetrargráðun. Við gráðun fá iðkendur viðurkenningarskjöl til staðfestingar á gráðun sem nefnist kyu upp að svörtu belti. Við gráðun geta iðkendur skipt um lit á beltum en litaröðin er þannig: Hvítt, gult, appelsínugult, rautt, grænt, blátt, fjólublátt, 3x brúnt og svart. Innan svarta beltisins eru svo gráður sem nefnast Dan - gráður. Börn gráðast venjulega í hálft belti á hverri önn þannig að þau klára einn lit á einum vetri.

Gráðun í svart belti — nýr svartbeltingur hjá KAK

Á æfingabúðum í Fredrikstad í sumar tók Ólafur Ían Brynjarsson gráðun til 1. Dan eða svart belti en það gerir Óla að nýjasta og jafnframt yngsta svartbeltingi sem KAK hefur átt. Við hjá KAK óskum honum til hamingju og vonum að brátt sjáum við enn fleiri nýja svartbeltinga hjá félaginu, þar sem fleiri iðkendur eru að undirbúa Dan - gráðun. Dan - gráðanir fara venjulega fram einu sinni á ári á Íslandi en einnig er algengt að íslenskir iðkendur taki Dan - gráðanir erlendis, oft í tengslum við æfingabúðir.

Félagsstarf og heimsóknir

Þann 12. janúar var ákveðið að breyta til og fór 1. flokkur á æfingu hjá Karatefélaginu Þórshamri í Reykjavík. Þjálfari þennan dag var Norðmaðurinn Rune Nilssen sem er vel kunnugur okkur hjá KAK og var gaman að æfa hjá honum. Á eftir skellti hópurinn sér saman á pizzastað.

Margir krakkar úr KAK og nokkrir foreldrar tóku þátt í "Ploking" - degi ÍA sem fram fór miðvikudaginn 25. apríl 2018. KAK sá um hreinsun svæðisins norðan við íþróttahúsið að tjaldsvæðinu ásamt Hnefaleika- og Badmintonfélaginu. Það kom okkur óvart hvað það var mikið um rusl á svæðinu og var augljóst á magni ruglapokanna að átakið var hið þarfasta. Við vonum að við getum tekið þátt í öðru slíku átaki á næsta ári.

Vorönnin hjá KAK endaði með gráðun og keilu- og pizzapartýi. Það var skemmtilegt að sjá hvað margir krakkarnir voru færir í keilunni. Skemmtilegur dagur og góður endir á önninni.

Á haustönninni sem hófst í lok ágúst var félagið með stóran og kátan byrjendahóp. Starfið fór fram með hefðbundum hætti. Að þessu sinni voru ekki haldnar æfingabúðirnar Ærslagangur á Skaga eins og síðustu ár m.a. vegna anna og tímaleysis.

Um miðjan september var haldin vinaæfing og gátu iðkendur þá boðið vinum með sér á æfingu. Slíkar æfingar eru yfirleitt með miklu fjöri og ekki óalgengt að það fjölgi í byrjendahópum eftir þær.

Í nóvember stóð félagið fyrir fjáröflun til styrktar félagsstarfinu en einnig til stuðnings við æfinga- og keppnisferðir. Ákveðið var að fara í sölu á umhverfisvænum tannburstum og tannburstahulstri merktu ÍA. Salan gekk vel en áætlað var að hver iðkandi seldi minnst 5 burstar. Enn eru til burstar á lager og er gert ráð fyrir að farið verði í nýja sölu á nýju ári.



Þann 2. desember tóku nokkrir krakkar frá KAK þátt í Fjörkálfamótinu í kata sem haldið var hjá Fylki. Þetta mót er einskonar æfingamót fyrir allra yngstu keppendurna og er hugsað sem æfing og upplifun fyrst og fremst. Þá var einnig veisla og jólaball á eftir. Er þetta mót framtak Þórhamars og Fylkis fyrst og fremst og þökkum við fyrir framtakið.

Dómaramál og KAÍ

Við þátttöku á mótum á vegum Karatesambands Íslands (KAÍ) er öllum félögum sem senda keppendur á mótin gert að senda dómara. Eins og er hefur KAK aðeins einn virkan dómara til að senda á mót. Það jákvæða er að einn til viðbótar sótti dómaranámskeið í kata á árinu sem hefur þó ekki enn náð að klára fullnaðarréttindi sem felast í því að dæma á móti. Áætlað er að það gerist á árinu 2018. Mikilvægt er að vinna áfram í að fá eldri iðkendur til að taka dómaramót en KAÍ heldur reglulega námskeið fyrir dómara.

Æfingabúðirnar Ærslagangur á Skaga

Segja má að starfið á haustinu 2017 hafi hafist af krafti með æfingabúðunum Ærslagangi á Skaga sem að þessu sinni var haldið 15. – 17. september. Þátttaka í æfingabúðunum var mjög góð, um 60 iðkendur og þjálfarar frá sjö félögum. Á sama tíma var haldið karatemót á vegum KAÍ en vegna breytinga sem gerð var á mótadagskrá KAÍ varð rými fyrir eitt mót á haustönn. KAÍ sá að mestu um skipulag þess. Að þessu sinni gistu iðkendur í Grundaskóla en dagskrá var bæði þar og í Þorpinu, meðal annars hin ómissandi hárgreiðslukeppni. Þakkar KAK báðum þessum stofnunum kærlega fyrir jákvætt samstarf ásamt starfsfólki Íþróttamiðstöðvarinnar að Jaðarsbökkum.

Þjálfarar á æfingabúðunum voru þeir Pétur Freyr Ragnarsson frá Fylki og Vilhjálmur Þóruson frá KAK. Æfingarnar voru fjölbreyttar og skemmtilegar að mati iðkenda. Framlag þjálfara var í sjálfbóðaliðsstarfi og þakkar KAK þeim kærlega fyrir aðstoðina og velvild. Á æfingabúðunum



þarf að huga að mörgu öðru en þjálfun. Allir þátttakendur eru í fullu fæði og því var þátttaka foreldra og stjórnar KAK mikilvæg við ýmis störf s.s. tengdum matarmálum.

Þátttaka og árangur á mótum 2018

Á árinu 2018 átti KAK keppendur á flestum kata mótum Karatesambands Íslands (KAÍ) fyrir utan mót fullorðinna.

Bushidomót KAÍ

Þann 25. febrúar 2018 hófst Bushido mótarið KAÍ. Breytingar voru gerðar á mótariðinni þannig að hún hefist nú við áramót og teygir sig því aðeins yfir eitt almanaksár í stað tveggja áður. Á þessu fyrsta móti vetrarins átti KAK tvo keppendur og unnu þau Óli og Krístrún bæði til bronsverðlauna í sínum flokkum. Vel gert hjá þeim.

Reykjavík International Game, RIG

KAK sendi keppendur á RIG sem haldið var þann 28. janúar. KAK átti þar nokkra keppendur sem allir stóðu sig vel en Ólafur Ían náði að krækja sér í bronsverðlaun í kata í aldursflokk 13 ára drengja.

Íslandsmeistaramót barna og unglunga í kata

Mótið var haldið í Íþróttahúsinu Smáranum í Kópavogi 14. og 15. apríl. Þetta var umfangsmikið mót sem tókst vel. Frá KAK voru keppendur á öllum aldurstigum. KAK sendi 12 keppendur á barnamótið í kata og 5 keppendur voru á unglungamótinu. Allir stóðu sig vel og er mikilvægast að hafa tekið þátt því það er mikill lærdómur að sýna kata fyrir framan dómara og aðra keppendur.

Á barnamótinu fengu keppendur frá KAK bronsverðlaun í hópkata 9 ára og yngri. Á unglungamótinu varð Kristinn Benedikt G. Hannesson annar í aldurshópi 15 ára drengja og Krístrún Bára Guðjónsdóttir varð þriðja í sama aldursflokk. Þau Krístrún, Kristinn og Ólafur Ían unnu síðan sífurverðlaun í hópkata táninga 14 - 15 ára. Auk keppenda vorum við hjá KAK með einn dómara á mótinu og liðsstjóra m.a. úr hópi foreldra.

Æfingabúðir í Noregi

Dagana 26. júní - 1. júlí fóru 7 þátttakendur frá KAK á æfingabúðir í Fredrikstad í Noregi. Auk þeirra var Villi með ásamt stórum hópum iðkenda frá Þórshamri og Breiðabliki. Þá fóru einnig 4 foreldrar frá KAK með. Æfingabúðirnar eru haldnar árlega og hafa iðkendur frá KAK tekið þátt í þeim með nokkuð reglulegu millibili. Skemmst er frá því að segja að allir skemmtu sér konunglega og tóku miklum framförum í karate. Nokkrir Íslendingar reyndu sig við gráðun og lauk Ólafur Ían Dan - gráðun. Aðstaða í Fredrikstad er eins og best verður á kosið. Skipulag ferðarinnar var í höndum foreldra og stjórnar KAK. Fyrst var farið til Osló þar sem var gíst, farið í verslanir og sumir skoðuðu Vigerlandgarðinn auk þess að einhverjir tölvuleikir voru kannaðir. Haldið var til Fredrikstad um kvöldið og hófust æfingar strax daginn eftir. Á milli æfinga var tíminn nýttur í margt skemmtilegt. Farið var í sund, golf og bæjarferð, í tívolí þar sem okkar fólk fór á kostum í hringekjum og klessubílum, þó það kallaði fram svima og ógleði var bros á vör.

Unglingalandslið

Eftir nokkuð langt hlé voru iðkendur frá KAK valdir í úrtakshóp fyrir unglingalandslið Íslands en það eru þau Krístrún Bára Guðjónsdóttir og Ólafur Ían Brynjarsson. Krístrún Bára var einnig valin í hóp ungmenna til að keppa á Smáþjóðaleikunum í karate. Það verður því spennandi að fylgjast með uppnennandi landsliðsfólki frá KAK í framtíðinni.

Karatemaður KAK árið 2018

Í útnefningu til íþróttamanns Akraness tilnefndi Karatefélag Akraness Ólaf Ían Brynjarsson sem Karatemann ársins 2018. Ólafur Ían er fæddur árið 2004. Hann vann sér inn svart belti eða 1. Dan í Karateíþróttinni í Fredrikstad í Noregi nú í sumar, með glæsibrag. Hann er jafnframt yngsti svartbeltingurinn sem Karatefélag Akraness hefur eignast. Hann hefur verið mikilvægur keppandi Karatefélags Akraness á síðustu árum og keppir nú í unglingaflokkum. Árið 2018 vann Ólafur sér inn nokkur verðlaun í kata sem er hans keppnisgrein innan karate en hann keppir þar í mjög sterkum flokki. Ólafur Ían hefur æft karate frá unga aldri og er mikil íþróttamaður sem leggur sig fram á æfingum. Hann hefur einnig reglulega sótt æfingabúðir í íþróttinni bæði innanlands og utan. Ólafur hefur einnig æft með úrtakshópi fyrir unglingalandslið Íslands. Ólafur Ían er sterkur keppandi í karateíþróttinni og góð fyrirmynd innan félagsins fyrir yngri keppendur.

Bandalagsmerki ÍA til formanns KAK

Á 74. ársþingi ÍA sem haldið var 12. apríl 2018 var 11 aðilum veitt Bandalagsmerki ÍA fyrir góð störf fyrir ÍA og aðildarfélög þess. Eitt þessara merkja fékk Eyðís Línal Finnþogadóttir formaður KAK fyrir störf hennar hjá KAK. Eyðís byrjaði að æfa með KAK 1991 eða hálfu ári eftir stofnun þess. Hún varð þjálfari og iðkandi hjá félaginu árið 2000 en í millitíðinni hafði hún æft og keppt fyrir hönd Þórshamars, íslenska landsliðsins og æft í Danmörku. Í upphafi árs 2011 varð hún formaður KAK ásamt því að vera þjálfari og hefur því verið formaður félagsins s.l. 8 ár. Eyðís þakkaði stjórn, foreldrum og iðkendum fyrir samstarfið og sagði þessa viðurkenningu vera tilkomna vegna samvinnu margra aðila, það væru margir sem ættu hlut í þessu merki.

Fréttabréf KAK og miðlun upplýsinga

KAK miðlar upplýsingum um starfsemi sína í gegnum facebooksíðu félagsins og í gegnum heimasíðu sína á ia.is en einnig með fréttabréfi þar sem efnið er tekið saman. Fréttabréfið er gert aðgengilegt á vefsíðunum ásamt því að vera prentað út og þannig fer það sem sendibréf inn á heimili iðkenda. Til að upplýsingar komist til skila er mikilvægt að allir iðkendur séu tengdir facebook eða í það minnsta skoði vef félagsins. Æfingagjöld félagsins eru hinsvegar innheimt í gegnum NORA - kerfið eins og hjá öðrum íþróttafélögum ÍA.

Fjármál og rekstur

Árið 2018 var rekstrarlega í góðu jafnvægi hjá KAK. Félagið hefur mest af tekjum sínum af félagsgjöldum en auk þess fékk félagið styrki frá Akraneskaupstað og frá Landsbanka Íslands. Auk þess að styrkur fékkst fyrir æfingaferð til Noregs var tekið upp á því á árinu að fara í fjáröflun sem hugsuð er bæði fyrir rekstur félagsins s.s. fyrir keppnisgjöldum en einnig fyrir keppnis- og æfingabúðaferðum. Fyrir fámenn félög eins og KAK getur reksturinn verið mjög viðkvæmur og litið má útaf bera. Þjálfunarkostnaður er ríflega helmingur af útgjöldum félagsins og því eru styrkir líkt og frá Akraneskaupstað mikilvægir til þess að hægt sé að halda úti góðum þjálfurum og greiða keppnisgjöld svo eitthvað sé nefnt.



Keilufélag Akraness

Stjórn Keilufélags Akraness 2018:

Formaður:	Guðmundur Sigurðsson
Varaformaður:	Einar Jóel Ingólfsson
Gjaldkeri:	Ársæll Rafn Erlingsson
Ritari:	Gerður Jóhannsdóttir
Meðstjórnendur:	Ingí Geir Sveinsson og Björn Þór Gunnarsson

Þjálfari yngri iðkenda er Jónína Björg Magnúsdóttir.
 Þjálfari eldri iðkenda er Guðmundur Sigurðsson.
 Aðstoðarþjálfari er Sigurður Þorsteinn Guðmundsson.

Fjöldi iðkenda er 42 en nálgast 50 þegar virkir iðkendur í FEBAN eru taldir með.
 Yngsti iðkandi er 7 ára og elsti 93 ára.

Keilufélag Akraness er með 3 karlalið í deildarkeppni og 1 kvennalið auk þess að vera með heimavöll fyrir liðin frá Akureyri en þar eru einnig 3 karlalið og 1 kvennalið.

Fyrir utan deildarkeppni hófst árið á **Skagamaraboni í keilu**. Þetta var forgjafarmót þar sem reynt var að höfða til keilara annarstaðar af landinu og mæltist mótið vel fyrir.

Hjá ungu kynslóðinni byrjaði árið vel þar sem Matthías Leó Sigurðsson bætti við nýju Íslandsmeti. Matthías er búinn að færast upp um flokk og setti met í 6 leikjum í flokki 11 - 12 ára. Fyrri met í 6 leikjum var 935 sem Andri Þór Halldórsson KFR átti og var það sett í Keilu í Mjódd 31. maí 1997. Núna rúmum 20 árum seinna náði Matthías Leó að bæta metið með 3 pinnum og náði 938 sem ekki réðist fyrr en í 10. ramma.

Fyrstu vikuna í febrúar fór fram **RIG International** þar sem keilarar höfðu aldrei verið fleiri og þátttakendur frá ÍA voru margir þó þeir lentu ekki á verðlaunapalli.

Um miðjan febrúar héldu svo nokkrir unglingar til Doha í Katar á hina árlegu Vináttuleika. Jóhann Ársæll Atlason var fulltrúi ÍA en einnig fór Jóhanna Ósk Guðjónsdóttir sem spilar núna undir merkjum ÍR.

Keilusamband Íslands réði til sín sænska þjálfarann **Robert Anderson** sem tæknilegan ráðgjafa fyrir alla afrekshópa sambandsins. Einnig sér hann um karlaliðið í keppnum og undibúningi. Okkar maður, **Magnús Sigurjón Guðmundsson** sem er búsettur í Svíþjóð, er í afrekshópi karla. Í lok febrúarmánaðar fór fram **Íslandsmót öldunga** þar sem Guðmundur Sigurðsson ÍA og Ragna Matthíasdóttir KFR gerðu sér lítið fyrir og unnu annað árið í röð.

Keilumótið **Farðu úr bænum**, sem líkt og Skagamarabonið miðaði að því að fá fleiri uppá Skaga í keppni, fór af stokkunum í lok febrúar. Viðtökurnar voru góðar enda bæði peningar og kúlur í verðlaun.

Íslandsmót unginga fór fram 2. og 3. mars. Alls tóku 38 ungmenni þátt í mótinu í ár og átti ÍA flesta keppendur eða 13 alls. 12 voru frá ÍR, 11 voru frá KFR og 2 frá Þór Akureyri sem lætur



ekki deigan síga þrátt fyrir aðstöðuleysi. Úrslit í mótinu þar sem ÍA náði á verðlaunapall voru sem hér segir:

Opinn flokkur pílta:

1. sæti: Steindór Máni Björnsson ÍR
2. sæti: Ólafur Þór Hjaltalín Þór
3. sæti: Jóhann Ársæll Atlason ÍA

1. flokkur pílta:

1. sæti: Steindór Máni Björnsson ÍR
2. sæti: Jóhann Ársæll Atlason ÍA
3. sæti: Ólafur Þór Hjaltalín Þór

3. flokkur pílta:

1. sæti: Hlynur Helgi Atlason ÍA
2. sæti: Guðbjörn Joshua Guðjónsson KFR
3. sæti: Hinrik Óli Gunnarsson ÍR

4. flokkur pílta:

Í 4. flokki pílta gerðist það að tveir voru jafnir í 1. til 2. sæti. Skv. reglum skulu báðir hljóta gullverðlaun.

1. sæti: Matthías Leó Sigurðsson ÍA
1. sæti: Mikael Aron Vilhelmsson KFR
3. sæti: Tristan Máni Nínuson ÍR

4. flokkur stúlkna:

1. sæti: Sóley Líf Konráðsdóttir ÍA
2. sæti: Nína Rut Magnúsdóttir KFR

5. flokkur pílta, allir fá verðlaun:

Ásgeir Karl Gústafsson KFR
Ingimar Guðnason ÍR
Ísak Freyr Konráðsson ÍA

ÍA eignaðist 3 Íslandsmeistara á Íslandsmóti unglunga í keilu 2018.

31. Evrópumót ungmenna 2018 var að þessu sinni haldið í Álaborg í Danmörku. Þangað fóru 8 ungmenni ásamt þjálfurum. Þetta mót er alltaf haldið um páskahátíðina. Mótafyrirkomulag var líkt og undanfarin ár. Keppt var í einstaklingskeppni, tvímenningi, leiðakeppni 4 manna og að lokum var keppt í Masterskeppni þar sem meðaltalshæstu einstaklingarnir keppa. Þau sem kepptu fyrir Íslands hönd í flokki pílta voru Ágúst Ingi Stefánsson ÍR, Jóhann Ársæll Atlason ÍA, Ólafur Þór Ólafsson, Hjaltalín Þór og Steindór Máni Björnsson ÍR. Í flokki stúlkna Elva Rós Hannesdóttir ÍR, Guðbjörg Harpa Sigurðardóttir Þór, Helga Ósk Freysdóttir KFR og Málfríður Jóna Freysdóttir KFR. Þjálfarar voru Guðmundur Sigurðsson ÍA og Stefán Claessen ÍR.

Bestum árangri íslensku krakkana náðu þeir Jóhann Ársæll og Steindór Máni en þeir enduðu í 30. og 31. sæti í heildarkeppni einstaklinga í mótinu af 90 þátttakendum með 203,2 og 202,6 í meðaltal. Þeir Ágúst Ingi og Ólafur Þór enduðu í 53. og 58. sæti með 187,7 og 184,8 í meðaltal.

Bestum árangri stúlkna náði Elva Rós en hún endaði í 54. sæti með 165,3 í meðaltal, Guðbjörg Harpa endaði í 58. sæti með 160,2 og þær systur Helga og Málfríður enduðu í 61. og 62. sæti með 156,5 og 151,2 í meðaltal.

Um miðjan apríl fór fram 5.og síðasta umferðin í **Meistarakeppni ungmenna** KLÍ 2017 til 2018. Að lokinni verðlaunaafhendingu fyrir 5. umferðina voru afhent verðlaun fyrir bestan árangur vetrarins á mótinu en til þess að eiga möguleika á verðlaunum þarf keilari að hafa tekið þátt í a.m.k. þremur umferðum yfir tímabilið.

Þau sem urðu efst eftir veturinn eru:

- 1. flokkur pílta 18 til 20 ára (fæddir 1997 til 1999),** þar náði Gunnar Ingi Guðjónsson ÍA 3. sæti með 42 stig.
- 2. flokkur pílta 15 til 17 ára (fæddir 2000 til 2002),** þar náði Jóhann Ársæll Atlason ÍA 1. sæti með 49 stig.
- 3. flokkur pílta 12 til 15 ára (fæddir 2003 til 2005),** þar náði Hlynur Atlason ÍA 2.sæti með 46 stig.
- 4. flokkur pílta 9 til 11 ára (fæddir 2006 til 2008),** þar náði Matthías Leó Sigurðsson ÍA 1.sæti með 52 stig

19 ára gamalt Íslandsmet slegið. Jóhann Ársæll Atlason í ÍA sló þriðjudaginn 17. apríl 19 ára gamalt Íslandsmet í einum leik 1. flokki pílta þ.e. 17 til 18 ára þegar hann spilaði 299 leiki í 2. deildinni upp á Skaga. Fyrri metið sem var 298 setti Steinþór Geirdal árið 1999 og var því metið eldra en Jóhann er sjálfur. Er þetta eitt af elstu metum í keilunni í unglingaflokki. Þess má geta að Jóhann Ársæll spilaði 298 á EYC mótinu um páskana 2018. Nokkuð ljóst er að það styttest í 300 leikinn hjá kappanum.

KFR varð Íslandsmeistari unglingaliða 2018 þegar lið KFR 1 sigraði ÍA 1 í tveimur viðureignum í úrslitum mótsins á Íslandsmóti unglingaliða 2018. Aðeins einu sinni hefur ÍA náð þessum titli og baráttan er oft ansi hörð.

Í deildarkeppni liða varð ÍA Íslandsmeistarar í 2.deild karla og hóf því leik í 1.deild karla haustið 2018.

Í ágústlok var afrekshópur karla í ströngum æfingarbúðum í Svíþjóð með landsliðsþjálfaranum Robert Anderson. Síðan tók við **Odense Open** og var Magnús S. Guðmundsson ÍA meðal keppenda þar.

Á haustdögum hófst keilan á ný eftir sumarfríð með æfingum fyrir alla aldurshópa.

Fyrstu helgina í nóvember lögðu Jóhann Ársæll, Matthías Leó og Tómas Freyr land undir fót og skelltu sér til Dublin á **Junior Irish Open** sem er liður í evrópskri mótarið. Mikil samkeppni er í þessari keppni og lenti Jóhann í 9. sæti í sínum flokki, Matthías Leó í 3. sæti og Tómas Freyr í 14. sæti. Mikil reynsla hlýst af slíkri ferð og hefur áhuginn á íþróttinni bara aukist eftir heimkomuna. Í fyrra vann Matthías Leó sinn flokk og í september fór hann til Luton á Englandi til að taka þátt í **The English Red Rose Open** og náði þar 2. sæti. og stendur hann vel að vígi í mótariðinni eftir keppnirnar tvær. Ef tekið er þátt á 3 stöðum þá áskilur viðkomandi sér rétt til þátttöku í úrslitakeppni.

Aðrar fréttir eru þær að **FEBAN** er með sínar æfingar að vanda í hádeginu á mánudögum og fimmtudögum og á miðvikudagskvöldum eru kvennaliðsæfingar.

Fjárhagsleg staða félagsins er með besta móti. Tekjur eru að mestu leyti frá útleigu á sal og þá aðallega frá útleigu fyrir afmæli. Svigrúm hefur verið til að kaupa búnað og annað tengt keiluíþróttinni (kúlur, töskur og fylgihluti) og það selt til iðkenda. Einnig getum við boðið uppá borun á kúlum og lagfæringar sem mælist vel fyrir.



FRAMTÍÐARSÝN

Keilan er sívaxandi íþrótt á Akranesi og óskastaðan væri að geta æft og keppt í stærra húsnæði og með nýjan búnað. Núverandi staða býður upp á úr sér genginn vélbúnað sem þarfnast mikils viðhalds.

Keilan framleiðir á ári hverju Íslandsmeistara og afreksfólk og að því þarf að hlúa.

Keila er íþrótt sem hægt er að stunda óháð aldri og ástandi þó alltaf sé best að vera í hollustunni og í góðu formi. Þessari íþrótt hefur Keilufélag Akraness sinnt síðan Keilusalur Akraness var opnaður í desember 2001.

Í langan tíma hafa verið uppi viðræður um hvort hægt sé að búa betur að Keilufélagi Akraness og í leiðinni auka affreyingu fyrir bæjarbúa og gesti sem til Akraness koma. Ekki sér enn fyrir endann á þeim viðræðum né heldur neinar haldbærar niðurstöður. Það er einlæg ósk okkar sem að félaginu standa að gerðar verði gagngerar breytingar í jákvæða átt til að halda megi áfram því ósérhlífna starfi sem á sér stað innan félagsins.



Klifurfélag Akraness

Stjórn félagsins

Í stjórn Klifurfélags ÍA árið 2018 voru:

Formaður:	Ragnar Þrastarson
Gjaldkeri:	Jónella Sigurjónsdóttir
Ritari:	Valgerður Jónsdóttir
Varamenn:	Sigurður Reynisson, Brimrún Eir Óðinsdóttir og Úlfheiður Embla Ásgeirsdóttir

Helstu áherslatriði stjórnar voru að huga að aðstöðumálum fyrir félagið. Í nokkurn tíma hafði legið fyrir að aðstaða til klifuriðkunar á Akranesi væri ófullnægjandi miðað við þann fjölda sem stundaði reglulega klifur hjá Klifurfélagi ÍA. Klifurkjallarinn var því kvaddur og færðust æfingar upp á Smiðjuvelli þar sem Smiðjuloftið opnaði 5. maí. Smiðjuloftið er hugarfóstur hjónanna Valgerðar og Dodda en ásamt því að bjóða upp á fyrsta flokks klifuraðstöðu er aðstaða til að taka á mótí hópum, bjóða upp á afmælisveislur, tónlistarnámskeið og aðra viðburði. Ný aðstaða á Smiðjuloftinu hefur gerbylt allri aðstöðu til klifuræfinga á Akranesi og sást það best á fjölgun iðkenda, en samkvæmt síðustu talningu eru iðkendur vel á áttunda tug, á aldrinum 5 - 60 ára. Aðstaða til línuklifurs er ein sú besta á landinu og eykur það mjög fjölbreytnina á æfingum að hafa hæsta línuklifurvegg landsins til að æfa á.

Fjárafilanir og fjármálaleg staða

Reglulegar fjárafilanir fyrir afreksstarf voru haldnar kringum mót og fór hluti hagnaðar í að styrkja Brimrúnu Eir til keppni á Norðurlandamótið í línuklifri sem fram fór í nóvember. Fjárhagsstaða félagsins er nokkuð góð og skilaði félagið um 600 þúsund króna hagnaði.

Iðkendafjöldi, flokkar og þjálfaramál

Boðið var upp á fjóra æfingahópa fyrir grunnskóla- og framhaldsskólanemendur en einnig var settur meiri kraftur í að lokka eldri klifrara upp á klifurvegginn. Þar með hefur verið lagður grunnur að ört stækkandi fullorðinshópi sem nú stundar klifur sér til ánægju og er það von okkar að þessi fjölgun haldi áfram á komandi ári. Iðkendafjöldi hefur aukist jafnt og þétt og samkvæmt síðustu talningu eru iðkendur vel á áttunda tug, á aldrinum 5 - 60 ára.

Helstu viðburðir og þættir í starfi félagsins

Lokahóf yngri hópa var haldið 25. maí á Smiðjuloftinu. Þar var mikið fjör og mikið klifrað, bæði í línu og grjótgímu. Efri hæðin var opin og ýmis leiktæki í boði, auk þess sem boðið var upp á góðgæti sem hentar klifurum framtíðarinnar. Eldri hópar tóku sig svo til og héldu tvöfalt lokahóf í lok maí. Fyrst fóru þau í Akrafjallið og klipu í berg. Næst hittust þau á Smiðjuloftinu þar sem ÍA - Ninjamótið var haldið, en ÍA - Ninjan var þrautabraut þar sem reyndi á jafnvægi, styrk og útsjónarsemi. Eftir harðan bráðabana hafði Sylvía sigur með betri tíma en Daníel og hlaut titilinn ÍA - Ninjan.

ÍA klifrarar uppgötvuðu nýtt klifursvæði alveg við bæjardyrnar í um 10 mínútna göngutúr frá Smiðjuloftinu. Við Elínarhöfða eru nokkrir stórir steinar í fjörunni og þar er hægt að glíma ansi hressilega. Svæðið hentar þó ekki vel fyrir krakka eða byrjendur og er frekar erfitt en óneitanlega gaman að finna þessa viðbót í klifurflórana á Flórída - Skaganum.

ÍA klifrarar sáu um allt bröltandi hér og þar. Akrafjallið var mikið sótt fyrri hluta sumars en með hækkandi sól sóttu klifrarar lengra út á land á stærri klifursvæði.

Jólahittingur ÍA klifrara var haldinn 27. desember en þá var ÍA klifrum boðið að heimækja Smiðjuloftið og klifra af sér jólastressið. Mætingin var sæmleg en líklega hafa margir verið í jólaboðum eða ekki séð sér fært að mæta.

Áramótaklifur ÍA var haldið í fyrsta skipti á gamlársdag og mættu nokkrir hressir klifrarar í hádeginu á gamlársdag til að halda sér fast og skála fyrir liðnu klifurári.

Árið 2018 gaf klifrum einstaklega gott vor og sáu klifrarar svo snemma sem 7. mars í Akrafjalli þar sem glímt var við grjót í sól og norðangarra. Marsmánuður gaf okkur marga góða klifurdaga og voru ÍA klifrarar duglegir að nýta sér milt vorveður. Í byrjun apríl voru krakkarnir komnir í fjallið og náðum við nokkrum góðum ferðum strax á vormánuðum.

5. apríl klifraði Rúnar Sigurðsson, þá 11 ára, hina klassísku grjótglímuleið "Upp í hellinn" (5c). Stuttu seinna sama dag fylgdi Hjalti Rafn Kristjánsson (12 ára) á eftir. Leiðin er hin mesta manndómsvígsla og klárlega leið sem ungir klifrarar eiga að spreyta sig á. Rúnar tók sig einnig til og leiddi sína fyrstu leið utandyra þegar hann fór "Varðmenn spýjunnar" nokkuð örugglega.

Í línuklifri leiddi Gyða Alexandersdóttir "Írskaga daga" og "Varðmenn spýjunnar" sem eru einstaklega góðar leiðir fyrir þau sem eru stíga sín fyrstu skref úti við í leiðsluklifri.

Sylvía Þórðardóttir heimsótti Hnappavelli og leiddi þar nokkrar klassískar leiðir. Í Vatnsbóli klifraði hún "Músastigann" (5.6) og í Öldubóli "Monu Lísu" (5.8). Í Miðskjólí klifraði hún "Leið feimna fólksins" (5.6), "Harmoníu" (5.8) og endaði gott tímabil á "Hornatangó", og er yngsti klifrarinn til að leiða þá leið.

Brimrún Eir Óðinsdóttir átti rólegt útítímabil en klifraði "Músastigann" (5.6), "Brostnar vonir" (5.8) og "Monu Lísu" (5.8) á Hnappavöllum. Hún týndi líka bílnúmeraplötunni þegar hún keyrði yfir vaðið en fann hana sem betur fer aftur.

Þjálfari ÍA hlunkaðist upp nokkrar leiðir og ekki annað sanngjarnt en að nefna hinar klassísku "Öræfabúggi", "Leikið á Als Oddi" og "Ert ekki að kida mig", allar um 5.12a/b, og "Hamskipti" (5.12c/d), auk nokkurra 5.12a/b leiða á Kanarí.

Líklega eru einhver klifurafrek að gleymast og því hvetur undirritaður alla ÍA - klifrara til að halda utan um öll þau afrek sem þau vinna til, til frekari skrásetningar.

Þjálfari klifurfélags ÍA fékk bandalagsmerki ÍA og ekki má gleyma að nefna að Klifurfélag ÍA opnaði Instagram reikning þann 3. júlí sem verður að teljast stórafrek út af fyrir sig. Við hvetjum netverja til að setja eitt like á reikninginn okkar.



Þátttaka og gengi í mótum

Mótaárið 2017 - 2018 var hlaðið mótum og það má með sanni segja að klifurfélögin hafi staðið í ströngu við mótahald. Íslandsmeistaramótaröðin hélt áfram með mótum 17. febrúar og 3. mars þar sem henni lauk og Íslandsmeistarar krýndir. ÍA - klifrarar stóðu sig með prýði á mótaröðinni og landaði Brimrún Eir öðrum Íslandsmeistartitli fyrir ÍA þegar hún sigraði í flokki 16 - 19 ára. Sýlvía Þórðardóttir hafnaði í öðru sæti í sínum flokki og fékk silfurverðlaun fyrir ÍA. Sýlvía fékk einnig silfurverðlaun á Íslandsmeistaramótinu í línuklifri sem haldið var í Hafnarfirði 2. desember.

Árlegt páskamót ÍA, Páskaunginn, var haldið í kjallaranum og heppnaðist það vel. Það var vel við hæfi að kveðja gamla húsnæðið með flottu móti.

Fjölmörg mót voru haldin á Smiðjuloftinu árið 2018. Fyrsta mót ársins var Hraðaklifurmót á Írskum dögum þar sem allir gátu tekið þátt, vanir sem óvanir. Slíkt mót hefur ekki verið haldið áður á Íslandi og því renndu skipuleggjendur blint í sjóinn með framkvæmd móts. Ekki verður annað sagt en að mótið hafi heppnast afar vel. Þátttakendur klifruðu fjórar leiðir eins hratt og þau gátu og eftir samanlagðan tíma og mörg skemmtileg föll urðu þau Gísli Karlsson og Sigrún Guðný Pétursdóttir hlutskörpust.

ÍA - klifrarar mættu á haustmót Klifurhússins og þar landaði Sýlvía silfurverðlaunum og Sverrir Elí Guðnason brosverðlaunum.

Fyrsta línuklifurmót ÍA og Smiðjuloftsins var haldið 22. september og nú með þátttöku gesta frá Klifurfélagi Reykjavíkur. ÍA - klifrarar kunnu greinilega vel við sig á heimavelli og þau Sýlvía og Rúnar klifruðu bæði til gullverðlauna á mótinu.

Hrekkjavökumót ÍA fór fram 27. október og mættu vinir okkar úr Reykjavík á mótið. Ýmsir flottir búningar sáust á veggnum eins og venja er. ÍA - klifrarar voru fjölmennir á palli að venju. Sýlvía fékk fékk gull í stelpuflokki, Rúnar silfur í strákaflokki og Hjalti Rafn silfurverðlaun í 13 - 15 ára flokki.

Íslandsmeistarmót í línuklifri fullorðinna var haldið á Smiðjuloftinu 17. nóvember. Þrettán klifrarar voru skráðir til leiks og klifruðu allir sömu leiðir í karla- og kvennaflokki. Brimrún Eir og Úlfheiður Embla klifruðu fyrir ÍA en náðu ekki í medalíu að þessu sinni.

Mótaárinu á Smiðjuloftinu lauk með jólamóti ÍA sem haldið var 8. desember en þar urðu þau Sýlvía og Sverrir Elí hlutskörpust í elsta flokki og fengu nafnbótina Jólasveinar ÍA 2018.

Mótaárinu lauk svo með Jólamóti Klifurhússins 15. desember þar sem klifrarar í eldri flokkum hittust til að skemmta sér og slípa afgangsskinn burt.

Viðurkenningar og tilnefning til íþróttamanns Akraness

Líkt og áður var klifrari ársins tilnefndur af Klifurfélagi ÍA og kom það í hlut Brimrúnar Eirar að hampa þeim titli þriðja árið í röð. Eins og áður kom fram landaði Brimrún Eir Íslandsmeistaratitli í grjótgímu fyrir ÍA og var það annar Íslandsmeistaratitill hennar. Í nóvember fór hún svo með hópi íslenskra klifrara á Norðurlandamótið í línuklifri sem haldið var í Árósum í Danmörku. Var þetta fyrsta mót hennar utan landsteinanna og nokkuð stórt

stökk upp á við frá því sem við eigum að venjast hér heima. Brimrún gerði sitt besta og kom reynslunni ríkari heim þótt engin hafi verðlaunin verið.

Brimrún Eir er einnig fyrsti klifrari landsins til að sækja nám á afrekssviði, en hún stundar nám við Fjölbrautaskóla Vesturlands á Akranesi.

Brimrún Eir hefur verið dugleg við að aðstoða við þjálfun og uppeldi yngri klifrara og er það mikill fengur fyrir félagið að hafa hana innan borðs.



Framtíðarsýn og aðrar hugleiðingar

Fulltrúi Klifurfélags ÍA hefur tekið virkan þátt í stofnun sérsambands fyrir klifur innan ÍSÍ. Stefna klifurfélaganna er að auka vinsældir klifuríþróttarinnar og fjölga bæði iðkendum og félögum á landsvísu. Markmið Klifurfélags ÍA eru í samræmi við þá stefnu og mun félagið halda áfram að leggja sitt af mörkum við slíka vinnu. Það skal gert, m.a. með reglulegu mótahaldi, með því að senda keppendur til leiks á öll mót, og að auka sýnileika íþróttarinnar gegnum kynningarvinnu í nærsamfélaginu.

Lokaorð og þakkir

Þakkir fá allir þeir sem hafa komið að starfi félagsins á einn eða annan hátt, eða lagt sitt af mörkum til að stuðla að uppgangi klifuríþróttarinnar.



Knattspyrnufélagið Kári

Stjórn Kára 2018

Á aðalfundi Knattspyrnufélags Kára 2018 var stjórn Kára skipuð og samþykkt:

Formaður:	Sveinbjörn Geir Hlökkversson
Gjaldkeri:	Valdimar Kristmunds Sigurðsson
Ritari:	Ólafur Már Sævarsson
Meðstjórnandi:	Eypór Ólafur Frímannsson
Meðstjórnandi:	Valgeir Valdi Valgeirsson
Varamenn:	Arnar Freyr Sigurðsson og Guðmundur Páll Jónsson

Framundan var krefjandi verkefni sem var fyrsta ár í sögu félagsins í gríðarlega öflugri 2. deild. Eftir frábæran árangur árið á undan þegar liðið vann sigur í 3. deildinni með miklum yfirburðum þótti ekkert annað koma til greina en að Lúðvík Gunnarsson myndi halda áfram með liðið og halda áfram þeim frábæra árangri sem hann hafði náð með liðið. Hjalti Rúnar Oddsson styrktarþjáflari KFÍA hélt áfram að setja upp styrktarþrógramm fyrir liðið. Til að bæta líkamlegt form enn frekar gerðu Kári og Metabolic Akranesi með sér mjög skemmtilegan samning sem klárlega hjálpaði leikmönnum og liðinu mikið á árinu. Ljóst var strax að árið yrði gríðarlega krefjandi enda gríðarleg ferðalög framundan um sumarið og einnig útséð að liðið þyrfti að skipta út öllum búningum félagsins vegna aldurs. Það þurfti því að hefja sem fyrst öflugar fjáraflanir fyrir sumarið. Samstarf Kára og KFÍA var endurnýjað snemma árs enda frábært verkefni sem hefur vakið athygli víða og fengið mikið hrós frá bæði almenningi og fólki í íþróttahiminum. Stjórnin hélt áfram viðskiptasambandi sínu við Icepharma sem aðalbirgi Kára varðandi búninga félagsins sem og annan fatnað og íþróttabúnað frá Nike.

Fjáraflanir og fjárhagsleg staða

Knattspyrnufélagið Kári stóð á miklum tímamótum á árinu enda í fyrsta sinn í 2. deild og framundan gríðarlega mikið af löngum ferðalögum sem þyrfti að gera ráð fyrir í fjáröflunum félagsins, en ljóst var að félagið þyrfti að ferðast fjórum sinnum á Austfirðina, tvisvar á Norðurland og einu sinni á Vestfirði. Auk þess var ákveðið að skipta út öllum búningum og keppnisfatnaði félagsins þ.a.l. var augljóst að framundan væri dýrasta ár í sögu félagsins. Til að standa straum af kostnaði var ákveðið að hafa fast miðaverð á leiki félagsins 1.000 krónur og auka 500 krónur ef fólk vildi kaffi og meðlæti. Einnig var ákveðið að bjóða upp á Gullmiða félagsins og Silfurmiða félagsins, en Gullmiði innhélt alla heimaleiki ásamt kaffi og meðlæti á 12.000 krónur en Silfurmiði alla heimaleiki á 7.000 krónur. Káramenn tóku að sér nokkur fjáröflunarverkefni, bæði fyrir Akraneskaupstað og Íþróttabandalagið. Nýir búningar buðu einnig upp á gott tækifæri að ná í styrktaraðila, en ákveðið var að bjóða upp á 3 tegundir styrktarsamninga; Gull, Silfur og Brons. Nokkur frábær félög komu til okkar í Gullsamning og ber þar helst að nefna Skagaverk, Metabolic, RAFPRO, Apótek Vesturlands, Galito, Landsbankann, Toppútlit og Ozone, en að auki bættust við aðrir góðir styrktaraðilar í hina tvo

flokkana eins og Dominos, GJ Málun, Vignir G. Jónsson, Prentmet, Kallabakarí, Bíóhöllin, VLFA og Íslandsbanki.

Staða félagsins á árinu í heild var nokkuð góð og mikil tekjuaukning frá árinu áður og endaði árið með að ágætis afgangur var til í lok árs. Reksturinn var nokkuð þægilegur og munaði miklu frábær árangur Kára í Bikarkeppni KSÍ sem skilaði félaginu góðri upphæð fyrir svokallaðan sjónvarpspott, sem og í aðgangstekjur, en um 450 manns fylltu Akraneshöll á leik Kára og Víkings Reykjavík í 16-liða úrslitum Bikarkeppninnar. Framtíðarstaða félagsins er góð, en félagið þarf þó að halda vel á spöðunum og helst að eiga smá sjóð til vara til að taka á bæði óvæntum útgjöldum og ógreiddum styrkjum.



Iðkendafjöldi og þjálfaramál

Fjöldi iðkenda á árinu var breytilegur eftir tímabilum, en kjarni hópsins var þó nokkuð stór og öflugur í bland við efnilega leikmenn úr 2. flokki. Á árinu æfðu á milli 40 - 50 leikmenn að einhverju leyti með félaginu, en þó mismikið og sumir tímabundið. 26 strákar tóku þátt í fótboltnet mótinu sem hófst í lok janúar. 28 strákar tóku þátt í Lengjubikarnum, en í báðum þessum mótum tóku nokkrir 2. flokks strákar þátt í leikjum liðsins. Gríðarlega sterkur og stór hópur Káramanna í bland við marga af efnilegustu leikmönnum ÍA, æfðu og spiluðu með félaginu á frábæru undirbúningstímabili félagsins, sem og á keppnistímabilinu. Fjöldi iðkenda sem tók þátt í Bikarkeppni KSÍ og Íslandsmótinu 3. deild voru hátt í 40 leikmenn, bæði Káramenn og 2. flokks strákar.



Eins og áður hefur komið fram var lítið annað í stöðunni eftir frábæran árangur 2017 en að Lúðvík Gunnarsson myndi halda áfram með Káraliðið, enda árangur liðsins gríðarlega eftirtektarverður og liðið búið að bæta árangur sinn 5 ár í röð. Brandur Sigurjónsson var líkt og oft áður Lúðvíki innan handar á heimaleikjum liðsins og nokkrum útileikjum. Hjalti Rúnar Oddsson sá svo um að koma strákunum af stað í styrktarþjálfun og í framhaldinu bættist Metabolic við í æfingaprógramm Káramanna.

Helstu viðburðir

Stærsti viðburðurinn á árinu var klárlega þátttaka félagsins á Íslandsmótinu 2. deild, en þar að auki tók félagið þátt Mjólkurbikarnum sem er Bikarkeppni KSÍ, Lengjubikarnum b-deild og fotbolti.net mótinu c-deild. Að auki lék félagið nokkra æfingaleiki á árinu. Ýmislegt var gert til að halda uppi góðum félagsanda í félaginu og var til að mynda haldið liðspartý Kára hjá formanni félagsins á vormánuðum sem og önnur partý. Liðið nýtti sér líka langar heimferðir í að halda uppi léttari rútustemmningu ásamt góðum snæðingi þegar það hentaði. Á haustmánuðum var svo haldið stórskemmtileg Októberfest þar sem leikmenn mættu klæddir prófessorafötum og smökkuðu ýmsar tegundir af bjór. Káramenn tóku svo þátt með fótboltaheiminum á Íslandi í styrktarsöfnun til handa Bjarka Má Sigvaldasyni fyrrum leikmanni HK sem glímir við krabbamein, en Káramenn náðu að safna 250.000 krónum sem var virkilega gefandi og gladdi Bjarka og fjölskyldu mikið. Undir lok árs var svo haldið veglegt lokahóf félagsins í hátíðarsal ÍA þar sem Galito sá um veislumatinn. Tilkynnt var svo um kosningu leikmanna og þjálfara á besta leikmanni ársins sem og efnilegasta leikmanni ársins. Nokkrir komu til greina í kjörinu en að lokum var það Andri Júlíusson sem var valinn bestur, en efnilegasti leikmaður liðsins var svo útnefndur Brynjar Snær Pálsson. Andri Júlíusson fékk svo einnig gullskóinn eftir að hafa sett 14 mörk í 18 leikjum í 2. deildinni. Andri var að auki valinn ÍATV leikmaður ársins.

Þátttaka og gengi í mótum

Gríðarleg spennan var í herbúðum Kára fyrir fyrsta ári félagsins í 2. deild og æfði liðið gríðarlega vel á undirbúningstímabilinu og það átti heldur betur eftir að skila sér. Liðið hóf þátttöku í fotbolti.net mótinu c-deild og endaði þar í efsta sæti í sínum riðli og spilaði úrslitaleik mótsins gegn Þrótti Vogum um miðjan febrúar. Eftir 90 mínútur var staðan 2-2 og því úrslitin útkljáð í vítaspyrnukeppni þar sem Þróttarar höfðu betur 4-5. Næsta keppni var svo Lengjubikarinn b-deild, en þar fóru Káramenn á kostum í riðlakeppninni og unnu alla sína leiki mjög sannfærandi og unnu riðilinn með yfirburðum, en liðið féll svo úr leik í undanúrslitum gegn Aftureldingu. Mjólkurbikar karla hófst svo um miðjan apríl, en fyrsti andstæðingur Kára var Hörður frá Ísafirði og var leikið í Akraneshöll, lítið var um spennu í þeim leik enda unnu Káramenn leikinn 13-1. Í 2. umferð mættu Káramenn svo liði Elliða frá Árbæ og var svipað upp á teningnum þar og enduðu leikar með stórsigri Kára 9-1. Kári fékk svo Hött frá Egilsstöðum í 3. umferð, en bæði lið spiluðu í 2. deild á árinu og ljóst að mótstaðan yrði mun meiri gegn þeim en liðunum úr 4. deild og svo fór að leikurinn endaði á ótrúlegan hátt. Eftir venjulegan leiktíma var staðan 0-0 og framundan framlenging og þar varð lítið um markapurð, en svo fór að Káramenn skoruðu



5 mörk í framlengjunni gegn 2 mörkum Hattarmanna og liðið komið í 16-liða úrslit keppinnar í fyrsta skiptið í sögu félagsins. Káramenn drógust á heimavelli á móti Pepsi-deildarliði Víkings frá Reykjavík í 16-liða úrslitunum. Mikil spenna var fyrir leiknum enda Káramenn að skila frábærum úrslitum í Akraneshöll og skilaði það sér í aðsóknarmeti á leik Kára, en um 450 manns troðfylltu Akraneshöllina og fengu þeir sem komu mikið fyrir peninginn. Flestir höfðu fyrirfram veðjað á nokkuð þægilegan sigur Víkings, en annað kom svo sannarlega á daginn. Víkingur skoraði fyrsta mark leiksins snemma í fyrri hálfleik, en Káramenn svöruðu fljótlega og ekki nóg með það, þeir bættu 2 mörkum við undir lok fyrri hálfleiks og staðan ótrúleg að fyrri hálfleik loknum, 3-1 fyrir Káramenn og allt að tryllast í Akraneshöll. Víkingar fengu greinilega mikinn reiðilestur frá fyrrum ÍA - þjálfurunum Loga Ólafs og Arnari Gunnlaugs í hálfleik og Víkingar svöruðu eftir aðeins tveggja mínútna leik í seinni hálfleik og jöfnuðu svo metin á 60. mínútu. Káramenn vörðust vel það sem eftir var og beittu skyndisóknum, en að lokum flautaði dómari leiksins til loka venjulegs leiktíma og staðan 3-3 og ljóst að framlengja þyrfti leikinn. Káramenn gáfu allt í framlenginguna og um miðja framlenginguna áttu þeir skot í samskeytin og niður á línuna en inn fór boltinn ekki, en í staðinn fengu Víkingar góða sókn nokkrum mínútum síðar og skoruðu þá sigurmarkið í leiknum og fóru því áfram í 8-liða úrslit á 3-4 sigri í framlengingu. Svekkjandi fyrir Káramenn en svo sannarlega frábær frammistaða gegn sterku efstu deildarliði Víkings Reykjavík. Þar með lauk ótrúlega skemmtilegu og spennandi bikarævintýri Kára.

Íslandsmótið 2. deild hófst í byrjun maí og spennan magnþrugin. Fyrsti leikuri liðsins var heimaleikur gegn Fjarðabyggð, en líklega bjuggust flestir við þægilegum sigri Káramanna í leiknum ef miðað var við árangur í bikarkeppni og á undirbúningstímabilinu. Annað kom á daginn, 1-5 skellur í fyrsta leik eftir að Káramenn komust í 1-0, en þeir lentu manni undir og gestirnir gengu á lagið. Fall er faraheill á svo sannarlega við í þessu tilfelli, því við tók besti kafli Kára á mótinu, en liðið mætti næst Hugin á útivelli þar sem liðið sigraði 1-3 með 2 góðum mörkum undir lok leiks. Því næst mættu Káramenn gríðarsterku liði Gróttu sem margir höfðu spáð sigri í deildinni, en Káramenn lönduðu þar erfiðum 1-0 sigri. Fjórði leikur liðsins var svo útileikur gegn Þrótti Vogum og unnu Káramenn sigur í þeim leik 0-2. Fimmti leikurinn var svo 5-2 sigur gegn Tindastóli. Sjötti leikurinn var 3-2 sigur gegn Leikni Fáskrúðsfirði og Káramenn búnir að vinna 5 leiki í röð og komnir á topp deildarinnar. Næst komu svo 2 töp í útileikjum gegn Aftureldingu og Hetti, en við tóku 2 sigurleikir gegn Völsungi og Víði Garði. Fyrri umferð mótsins endaði svo á 2-2 jafntefli á útivelli gegn Vestra frá Ísafirði. Staðan ótrúleg eftir fyrri umferð og líklega ekki margir sem voru búnir að spá því að Káramenn væru á toppi deildarinnar fyrir seinni umferðina. Seinni umferðin gekk ekki eins vel og sú fyrri, en liðið skiptist á að sigra, tapa og gera jafntefli og dróst smám saman neðar í töfluna. Liðið var þó nánast til loka móts í baráttu um sæti í Inkasso deild árið 2019, sem hefði svo sannarlega verið sögulegur árangur fyrir jafn lítinn klúbb og Kára. Káramenn enduðu að lokum í 5. sæti deildarinnar, sem er þó besti árangur í sögu Kára og félagið búið að bæta árangur sinn 6 ár í röð og líklega fá ef einhver lið sem geta státað að viðlíka uppgangi.



Lokaorð og þakkir

Það er ljóst að áhugi heimamanna á liði Kára hefur aukist ár frá ári í takt við góðan árangur liðsins. Það hefur skilaði sér í frábærri mætingu á heimaleiki liðsins og mæting heimamanna á leik liðsins í 16-liða úrslitum Mjólukubikarsins er án efa hápunktur sumarsins. Það er von okkar í stjórn Kára að félagið eigi eftir að vaxa og dafna áfram á næstu árum og að bæði rekstur félagsins og leikmannahópur Kára muni styrkjast ár frá ári. Leikmannakjarni Kára er stöðugt að stækka og styrkjast enda framboð efnilegra leikmanna hér á Akranesi ótrúlegur miðað við stærð bæjarfélagsins. Það er ljóst að félag eins og Kári hefur haft gríðarlega góð áhrif á uppgang knattspyrnunnar á Akranesi og margir ungir leikmenn sem hafa og munu vonandi í framtíðinni njóta vel af tilveru Knattspyrnufélagsins Kára.

Knattspyrnufélagið Kári vill svo enda á því að þakka öllum þeim sem komu að starfsemi félagsins með einum eða öðrum hætti kærlega fyrir stuðninginn. Félagið vill senda sérstakar þakkir til allra styrktaraðila félagsins. Að lokum sendum við frábærar kveðjur til þess mikla fjölda sem mætti á völlinn og studdu Kára á árinu 2018 og vonum við að við munum sjá sem flesta aftur á nýju tímabili 2019.

Knattspyrnufélag ÍA

Almennt

Fótboltaárið 2018 var minnisstætt fyrir margra hluta sakir. Karlalandsliðið lék í úrslitakeppni HM í Rússlandi í fyrsta skipti og stóð sig með mikilli þrýði. Kvennalandsliðið vantaði svo herslumuninn til þess að komast á HM í Frakklandi í fyrsta sinn. Þessi dæmi sanna hvernig knattspyrnan á Íslandi hefur tekið miklum framförum á liðnum áratugum og er útlit fyrir að hún haldi áfram að þroskast og dafna á komandi árum.

Um áramótin 2018 - 2019 voru iðkendur í Knattspyrnufélagi ÍA um 500 talsins á breiðu aldursbili. Aðstaða til knattspyrnuíðkunar á Akranesi er góð og er hún öll á svæði félagsins á Jaðarsbökkum þar sem eru opin útíæfingasvæði, knattspyrnuhöll og aðalleikvangur.

Árið 2018 var mjög viðburðaríkt fyrir Knattspyrnufélag ÍA. Meistaraflokkur karla spilaði frábæran fótbolta stærstan hluta sumarsins og varð sigurvegari í Inkasso-deildinni. Meistaraflokkur kvenna spilaði mjög góðan fótbolta í sumar og endaði í þriðja sæti í Inkasso-deildinni. Virkilega góður árangur náðist hjá yngri flokkum hjá báðum kynjum. Meðal annars varð 2. flokkur karla Íslandsmeistari í fyrsta sinn í 13 ár og B - lið 2. flokks karla endaði í öðru sæti í Íslandsmótinu. 3. flokkur kvenna endaði svo í öðru sæti Íslandsmótsins eftir að hafa unnið B - riðlilinn sannfærandi. Nokkrir aðrir flokkar voru nálægt því að komast í úrslitakeppni í sínum aldursflokkum.

Samtals voru leiknir 478 opinberir leikir á árinu 2018 í öllum flokkum félagsins og skiptast þeir þannig að 139 leikir voru skráðir í kvennaflokkum og 339 í karlaflokkum. Knattspyrnufélag ÍA lék alls 141 leik í Akraneshöllinni og 99 leiki á Norðurálsvellinum. Alls voru leiknir 189 leikir í



Akraneshöllinni og 100 leikir á Norðurálsvellinum. Slíkt umfang leikja er ekki mögulegt nema með góðri samvinnu fjölmargra iðkenda, þjálfara, annarra starfsmanna, aðstandenda, dómara og vallarstarfsmanna og ber að þakka öllu þessu góða fólki fyrir frábær störf. Einnig ber að þakka fjölmörgum sjálfboðaliðum og styrktaraðilum félagsins og Akraneskaupstað fyrir beinan og óbeinan stuðning við starfið.

Starfsmannamál

Alls störfuðu á þriðja tug þjálfara hjá félaginu á árinu 2018 og leikmenn meistaraflokka fengu greidd einhver laun. Starfsmenn félagsins í fullu starfi voru átta talsins, þ.e. framkvæmdastjóri, skrifstofumaður, yfirþjálfari, þjálfarar mfl. karla og kvenna og þrír þjálfarar hjá yngri flokkum KFÍA. Þjálfari mfl. kvenna er Helena Ólafsdóttir en þjálfari mfl. karla er Jóhannes Karl Guðjónsson.

Á skrifstofunni starfa Tjörvi Guðjónsson, skrifstofu- og verkefnastjóri, Skarphéðinn Magnússon, er yfirþjálfari félagsins og framkvæmdastjóri er Sigurður Þór Sigursteinsson. Lúðvík Gunnarsson yfirþjálfari og Hulda Birna Baldursdóttir framkvæmdastjóri, hættu störfum fyrir KFÍA á árinu 2018 og er þeim þakkað kærlega fyrir vel unnin störf innan félagsins á liðnum árum.

Aðalstjórn og Uppeldissvið

Lítilsháttar endurnýjun varð í stjórnnum félagsins frá síðasta aðalfundi. Magnús Guðmundsson var endurkjörinn formaður aðalstjórnar og Sævar Freyr Þráinsson var endurkjörinn sem varaformaður. Stjórnir Knattspyrnufélags ÍA eru tvær og eru þær skipaðar 15 fulltrúum. Aðalstjórn hélt 16 bókaða fundi á starfsárinu og uppeldissvið hélt 15 fundi á árinu.

Eftirfarandi aðilar skipuðu stjórnir félagsins á starfsárinu 2018:

Aðalstjórn:

Formaður: Magnús Guðmundsson

Varaformaður: Sævar Freyr Þráinsson

Gjaldkeri: Heimir Fannar Gunnlaugsson

Ritari: Ólafur Ingi Guðmundsson

Meðstjórnendur: Áslaug Ragna Ákadóttir
og Stefán Þór Þórðarson

Varamenn: Margrét Ákadóttir og

Þórir Björgvinsson

Uppeldissvið:

Formaður: Andri Geir Alexandersson

Meðstjórnendur: Aldís Birna Róbertsdóttir

Jófríður María Guðlaugsdóttir

Jóhannes Hjálmar Smáráson

Rannveig Guðjónsdóttir

Varamenn:

Linda Dagmar Hallfreðsdóttir

Sædís Alexía Sigurmundsdóttir

Kjörnefnd var skipuð þeim Magnúsi D. Brandssyni formanni, Jónínu Vígundsdóttur og Þórði Guðjónssyni.


Fjármál og rekstur

Aukning varð bæði í tekjum og útgjöldum á öllum vígstöðvum, þ.e. hjá meistaraflokki karla og kvenna og hjá yngri flokkunum. Rekstrartekjur voru um 253 m.kr. en rekstrargjöld námu um 205 m.kr. Félagið skilaði því rúmlega 47 m.kr. hagnaði sem skýrist að mestu af sölu á leikmönnum til erlendra félaga. KSÍ framlag sem félagið fékk vegna HM var vel

nýtt með því að auka afreks- og styrktarþjálfun hjá yngri flokkum félagsins. Fjöldi seldra ársmiða var svipaður og árið áður.

Skipurit Knattspyrnufélag ÍA

janúar 2018



Starf yngri flokkanna

Starf yngri flokkanna gekk heilt yfir mjög vel á árinu 2018 og náðist á mörgum vígstöðvum frábær árangur. Sem dæmi má nefna að 2. fl. karla varð Íslandsmeistari í fyrsta sinn í 13 ár. Að öðru leyti var nóg um að vera hjá iðkendum í félaginu í öllum aldursflokkum.

Samantekt um árangur yngri flokka 2018

2. flokkur kvenna stóð sig ágætlega í sumar. Stelpurnar enduðu í 8. sæti A - riðils. Þjálfari liðsins var Aníta Lína Svansdóttir.

2. flokkur karla stóð sig frábærlega á tímabilinu. Sameiginlegt lið ÍA/Kára og Skallagríms varð Íslandsmeistari í fyrsta sinn í 13 ár. B - liðið endaði í 2. sæti í sínum riðli. B - liðið tapaði svo í úrslitaleik um Íslandsmeistaratitilinn. Þjálfarar liðsins voru Elinbergur Sveinsson og Sigurður Jónsson.

3. flokkur kvenna stóð sig frábærlega á tímabilinu. Sameiginlegt lið ÍA og Skallagríms endaði í 1. sæti B - riðils og tapaði úrslitaleik um Íslandsmeistaratitilinn. B - liðið endaði í 7. sæti í sínum riðli. Þjálfarar liðsins voru Björn Sólmar Valgeirsson og Skarphéðinn Magnússon.

3. flokkur karla stóð sig vel á árinu. Sameiginlegt lið ÍA og Skallagríms endaði í 6. sæti A - riðils og B - liðið endaði í 4. sæti í sínum riðli. Þjálfarar liðsins voru Arnór Snær Guðmundsson og Heimir Eir Lárusson.

4. flokkur kvenna stóð sig með ágætum í sumar. Sameiginlegt lið ÍA og Skallagríms endaði í 7. sæti B - riðils. Þjálfari liðsins var Aldís Ylfa Heimisdóttir.



4. flokkur karla var með ágætan árangur í sumar. Strákarnir enduðu í 7. sæti A - riðils. B - liðið endaði í 7. sæti í sínum riðli og C - liðið endaði í 7. sæti í sínum riðli. Þjálfarar liðsins voru Guðjón Heiðar Sveinsson og Sigurður Jónsson.

5. flokkur kvenna stóð sig vel á árinu. Stelpurnar enduðu í 3. sæti í B - riðli. Þjálfari liðsins var Heimir Eir Lárusson.

5. flokkur karla var með viðunandi árangur á tímabilinu. Strákarnir enduðu í 9. sæti í A - riðli, B - liðið endaði í 8. sæti í sínum riðli. C - liðið endaði í 9. sæti í sínum riðli. Að lokum endaði D - liðið í 6. sæti í sínum riðli. Þjálfarar liðsins voru Arnór Snær Guðmundsson og Heimir Eir Lárusson.

Fyrir utan Íslandsmótið tóku yngri flokkarnir þátt í fjölda annarra minni móta. Árangur þeirra var ávallt með ágætum og krakkarnir lögðu sig fram og gerðu sitt allra besta. Er krökkunum og öllum sem að starfinu koma þakkað fyrir frábært samstarf og góða ástundun.

Eftirfarandi tafla sýnir fjölda iðkenda í yngri flokkum sumarið 2017 hjá Knattspyrnufélagi ÍA:

	KK	KVK
2. flokkur	54	14
3. flokkur	38	28
4. flokkur	44	28
5. flokkur	57	13
6. flokkur	42	22
7. flokkur	58	13
8. flokkur	49 (blandað)	
Samtals:	342	118

Norðurálmótið 2018

Norðurálmótið er knattspyrnumót fyrir stráka í 7. flokki og hefur það verið haldið á Akranesi um langt árabil. Mótið tókst vel sumarið 2018 og var veðrið með ágætum sem skiptir miklu máli fyrir framkvæmd mótsins. Góð þátttaka var í mótinu sumarið 2018 en um 1500 keppendur öttu kappi í knattspyrnu helgina 8. - 10. júní 2018 og er talið að allt að 7000 gestir hafi sótt Akranes heim vegna mótsins. Knattspyrnufélag ÍA reiðir sig á mikinn fjölda sjálfboðaliða og almenna velvild bæjarbúa til að allt gangi upp við framkvæmd Norðurálmótsins enda er það stærsta fjáröflun félagsins ár hvert. Um 600 manns lögðu fram vinnu við Norðurálmótið 2018 þar á meðal iðkendur úr elstu flokkunum sem meðal annars sinntu dómgæslu. Einnig léku ýmsir styrktaraðilar Knattspyrnufélags ÍA mikilvæg hlutverk til að framkvæmdin gengi sem best en fyrirtækið Norðurál er aðalstyrktaraðili mótsins eins og nafnið gefur til kynna.

Stínubikarinn og Donnabikarinn

Stínubikarinn var afhentur í fyrsta sinn haustið 2015 á lokahófi yngri flokka og er hann farandbikar fyrir efnilegasta leikmann yngri flokka kvenna. Stínubikarinn 2018 fékk Anna Þóra Hannesdóttir en hún er 16 ára miðjumaður sem stóð sig vel með 3. Flokki, sem var í harðri baráttu um Íslandsmeistaratitilinn, og 2. flokki kvenna.

Stínubikarinn er nefndur í höfuðið á Kristínu Aðalsteinsdóttur, Stínu, sem er fyrsta landsliðskona ÍA. Kristín var burðarás í liði ÍA í kringum 1980 og lék sinn fyrsta landsleik árið 1981 og alls 3 landsleiki á árunum 1981 - 1982. Stínubikarinn á að vera hvatning til ungra stelpna að stefna hátt og vinna sér sæti í meistaraflokki ÍA og landsliðinu eins og Stína gerði á sínum tíma. Gefandi bikarsins er fyrirtækið Þorgeir og Ellert hf.

Donnabikarinn var einnig afhentur efnilegasta leikmanni yngri flokka karla á lokahófi yngri flokka. Donnabikarinn var fyrst afhentur árið 1983. Donnabikarinn var gefinn af fjölskyldu Donna, sem hét fullu nafni Halldór Sigurbjörnsson, en hann var burðarás í fyrsta Gullaldarliði Skagamanna. Hann lék 110 leiki fyrir Skagamenn og skoraði 40 mörk. Hann lék 8 landsleiki fyrir Íslands hönd.

Að þessu sinni hlaut Oliver Stefánsson Donnabikarinn en hann er 16 ára varnarmaður. Hann spilaði að mestu með 2. flokki karla í sumar sem varð Íslandsmeistari. Hann fékk einnig tækifæri með meistaraflokki karla í Inkasso-deildinni. Oliver lék með U17 og U19 landsliðunum á árinu en hann lék 11 landsleiki, skoraði eitt mark með þessum landsliðum og varð Norðurlandameistari með U17 á árinu.

Meistaraflokkur karla

Meistaraflokkur karla lék í Inkasso-deildinni sumarið 2018 og vann mjög góðan sigur í deildinni eftir harða toppbaráttu. Liðið spilaði á löngum köflum virkilega góðan fótbolta og uppskar samkvæmt því í lok tímabilsins.



Þjálfari liðsins er Jóhannes Karl Guðjónsson og Sigurður Jónsson er aðstoðarþjálfari.

Meistaraflokkur karla lék samtals 35 formlega leiki á árinu, í fótolti.net mótinu, Lengjubikar, Mjólkurbikar og Inkasso-deildinni. Að meðaltali komu 600 áhorfendur á heimaleiki meistaraflokks karla og samtals voru áhorfendur á heimaleiki þeirra sumarið 2018 um 7000 talsins.

Meistaraflokkur kvenna

Meistaraflokkur kvenna spilaði í Inkasso-deildinni sumarið 2018 og endaði í 3. sæti deildarinnar með 40 stig. Liðið var ungt og efnilegt og spilaði á löngum köflum í deildinni mjög góða knattspyrnu.



Þjálfari liðsins er Helena Ólafsdóttir og aðstoðarþjálfari er Aníta Lía Svansdóttir.

Meistaraflokkur kvenna lék samtals 29 leiki á árinu 2018; í Faxaflóamótinu, Lengjubikar, Mjólkurbikar og Inkasso-deildinni. Meðalfjöldi áhorfenda á heimaleiki meistaraflokks kvenna var um 100 manns sumarið 2018 og samtals komu rúmlega 1000 manns á þá leiki.

Meistaraflokksráð karla og kvenna

Til að styrkja bakland meistaraflokks karla og kvenna ákvað aðalstjórn Knattspyrnufélags ÍA (KFÍA) að setja á laggirnar meistaraflokksráð.

Hlutverk ráðanna er að eiga reglubundin samskipti við þjálfara meistaraflokks karla og kvenna og 2. flokk karla og kvenna um markmið og árangur og hafa ráðgefandi hlutverk í leikmannamálum og þjálfaramálum.

Einnig er hlutverk ráðsins að stuðla að því að gildi KFÍA verði í hávegum höfð en þau eru:

Metnaður – Vinnusemi – Þrautseigja – Virðing – Agi.

Aðalstjórn KFÍA fékk reynslumikla einstaklinga til að taka þátt í starfi meistaraflokksráðanna en allt eru það fyrrverandi leikmenn meistaraflokkanna með mikla reynslu að baki.

Í meistaraflokksráði karla eru Stefán Þór Þórðarson formaður en hann situr í aðalstjórn KFÍA, Brandur Sigurjónsson, Haraldur Ingólfsson, Hjálmur Dór Hjálmsson og Þórður Guðjónsson.

Í meistaraflokksráði kvenna eru Margrét Ákadóttir formaður en hún situr í aðalstjórn KFÍA, Berglind Þráinsdóttir, Guðrún Þórbjörg Sturlaugsdóttir, Helga Sjöfn Jóhannesdóttir og Magnea Guðlaugsdóttir.

Landsliðsverkefni

Alls tóku 33 leikmenn ÍA þátt í úrtaksæfingum landsliða og 14 leikmenn tóku þátt í landsleikjum á árinu 2018. Alls tóku þessir 14 leikmenn (þrjár konur og 11 karlar) þátt í 57 landsleikjum og skoruðu 11 mörk.

Fulltrúar Knattspyrnufélags ÍA í landsliðsverkefnum 2018:

U-15 karla: - Ármann Ingi Finnbogason - Árni Salvar Heimisson - Hákon Arnar Haraldsson (2 leikir) - Ingi Þór Sigurðsson - Ísak Bergmann Jóhannesson. (2 leikir) - Jóhannes Breki Harðarson U-16 karla: - Árni Salvar Heimisson - Hákon Arnar Haraldsson - Ísak Bergmann Jóhannesson - Ísak Örn Elvarsson - Oliver Stefánsson U-17 karla: - Brynjar Snær Pálsson (4 leikir) - Hákon Arnar Haraldsson - Ísak Bergmann Jóhannesson. (10 leikir) - Oliver Stefánsson (10 leikir, 1 mark) U-18 karla: - Brynjar Snær Pálsson	U-19 karla: - Arnór Sigurðsson - Hilmar Halldórsson U-21 karla: - Hörður Ingi Gunnarsson (3 leikir) - Stefán Teitur Þórðarson (4 leikir) - Viktor Helgi Benediktsson U-15 kvenna: - Dagbjört Líf Guðmundsdóttir - Paula Gaciarska U-16 kvenna: - Aníta Ólafsdóttir (3 leikir) - Sigrún Eva Sigurðardóttir - Paula Gaciarska U-17 kvenna: - Aníta Ólafsdóttir (4 leikir) - Sigrún Eva Sigurðardóttir (2 leikir) U-19 kvenna: - Bergdís Fanney Einarsdóttir (7 leikir) - Fríða Halldórsdóttir
---	---

Dómarar og dómgæsla

Á árinu 2018 voru 20 dómarar sem störfuðu fyrir Knattspyrnudómarafélag Akraness (KDA). Samtals dæmði þessi hópur dómara mörg hundruð leiki fyrir ÍA og KSÍ. KDA/ÍA eiga fjóra dómara sem starfa í efstu deildum KSÍ. Þetta eru milliríkjadómarinn Ívar Orri Kristjánsson og landsdómararnir Egill Guðvarður Guðlaugsson, Helgi Ólafsson og Helgi Sigurðsson. Alls eru 15 dómarar sem starfa fyrir KSÍ frá KDA og þykir það gott frá ekki stærra bæjarfélagi en Akranes er. Halldór Breiðfjörð Jóhannsson, Steinar Berg Sævarsson og Bjarki Óskarsson hættu að dæma í efstu deild í fyrra og er þeim þökkun frá bær störf sem dómarar og góðir fulltrúar KDA og ÍA á liðnum árum.

Heimasíða og samfélagsmiðlar

Heimasíða félagsins og fésbókarsíða eru mikilvægir miðlar til að koma upplýsingum um starfið til fjölmargra áhugasamra dag hvern. Stöðugt er unnið að því að gera betur við miðlun upplýsinga til stuðningsmanna og samfélagsins í heild en þróun á sviði upplýsingatækni og samfélagsmiðla er mjög ör og kröfur breytast sífellt.



Heimasíða félagsins www.ia.is/kfia/ hefur tekið breytingum og er lifandi vettvangur fyrir félagsmenn að fylgjast með fréttum af liðum og leikmönnum félagsins.

Ný heimasíða Norðurlásmótsins <http://www.norduralsmot.is/> var sett í loftið 2019.

Styrktaraðilar

Alls eru þeir lögaðilar sem styrkja Knattspyrnufélag ÍA með ómetanlegum hætti um 100 talsins en þeir 16 stærstu eru eftirtaldir:

Akraneskaupstaður	Norðurál ehf.
Brim hf.	Bílaumboðið Askja ehf.
Safalinn ehf. (Errea)	HB Grandi hf.
Íslandsbanki hf.	Kaupás ehf. (Krónan)
Verslunin Nína ehf.	Olíuverslun Íslands hf.
Bílaleiga Akureyrar	Síminn hf.
Vífilfell hf.	Uppbygging ehf.
Bífreiðastöð ÞÞÞ	Club 71

Hópurinn Sterkir Skagamenn var einnig stofnaður vorið 2018 og lagði sá hópur félaginu til allar tekjur sem aflað var með sérstöku árgjaldi.

Viðurkenningar 2018

Aðalfundur Knattspyrnufélags ÍA var haldinn þann 18. febrúar 2018 og var um hefðbundin aðalfundarstörf að ræða. Á aðalfundinum veitti Knattspyrnufélag ÍA eftirtöldum gullmerki og heiðursviðurkenningar félagsins:

Gullmerki:

Hörður Kári Jóhannesson

Hörður lék 233 leiki og skoraði 74 mörk fyrir ÍA. Hann lék með U-18 landsliðinu 1971 og árið 1984 lék hann einn A - landsleik gegn Færeyjum sem leikinn var hér á Akranesvelli. Hann varð fimm sinnum Íslandsmeistari og tvisvar sinnum bikarmeistari. Hann var í fyrstu stjórn félagsins 1986 og tók tímabundið við stjórn meistaraflokksins 1990. Á seinni árum hefur Hörður verið rekstrarstjóri íþróttamannvirkjana hér í bæ og þannig tengst knattspyrnunni í gegnum starf sitt.

Örn Gunnarsson

Örn Gunnarsson hefur verið viðloðandi knattspyrnuna á Akranesi frá unga aldri. Hann lék 50 leiki og skoraði eitt mark fyrir ÍA. Hann lék nokkra leiki með U-17 landsliðinu árið 1984. Örn hefur verið mikilvirkur í félagsstarfi Knattspyrnufélags ÍA. Hann var framkvæmdastjóri félagsins 1997 og síðar stjórnarmaður um árabil. Hann hefur komið víða við í þeim efnum, einkum og sér í lagi að málefnum tengdum meistaraflokki karla. Örn hefur einnig verið starfandi í nefndum á vegum KSÍ.



Heiðursviðurkenningar:

Arnbjörg Stefánsdóttir

Arnbjörg hefur verið mjög virk í starfi KFÍA um langa hríð. Hún var stjórnarmaður á uppeldissviði um árabil og hefur sinnt margvíslegum verkefnum fyrir KFÍA. Arnbjörg hefur einnig verið tengiliður knattspyrnunnar við skólastarfið á Akranesi sem skólastjóri Brekkubæjarskóla frá 2006.

Heiðar Mar Björnsson

Heiðar hefur verið einn af brautryðjendum ÍATV og stuðlað þannig að framgangi knattspyrnunnar og íþróttar á Akranesi með beinum útsendingum frá íþróttaviðburðum sem ÍA er hluti af.

Örn Arnarson

Örn hefur verið einn af brautryðjendum ÍATV og stuðlað þannig að framgangi knattspyrnunnar og íþróttar á Akranesi með beinum útsendingum frá íþróttaviðburðum sem ÍA er hluti af.

Að lokum

Þó að knattspyrnan sé aðalatriðið í starfi Knattspyrnufélags ÍA, þá koma gríðarlega margir að starfinu sem leggja fram margvíslega vinnu og fjármuni til að styðja við starfið. Það er erfitt að fara að telja upp alla sem ber að þakka fyrir þeirra ómetanlega framlag og vinnu en þeir helstu eru eftirtaldir:

Stuðningsmenn Knattspyrnufélags ÍA

Stuðningshópurinn Sterkir Skagamenn

Sjálfboðaliðar

Starfsfólk skrifstofu

Fulltrúar í stjórnnum og ráðum

Akraneskaupstaður og fjölmargir styrktaraðilar

Þjálfarar, aðstoðarþjálfarar, sjúkraþjálfarar og aðrir í þjálfarateymi

Dómarar og aðstoðardómarar

Foreldrar og aðrir aðstandendur

Fótboltaárið 2019 er spennandi fyrir ÍA og margar áskoranir sem bíða okkar í félaginu innan sem utan vallar. Fótboltaárið 2019 er líka spennandi fyrir Ísland vegna undankeppni EM 2020 hjá karlalandsliðinu og undirbúningur hjá kvennalandsliðinu vegna undankeppni EM 2021. Því fylgja ýmis tækifæri og aukin athygli á knattspyrnuna sem Knattspyrnufélag ÍA þarf að nýta sem best.

Mikilvægasti þátturinn í þessu öllu saman er þó að Skagamenn séu gulir og glaðir og standi saman sem ein heild við bakið á sínu fólki á knattspyrnuvellinum. Mætum á völinn á þessu ári og styðjum okkar fólk.



Kraftlyftingafélag Akraness

Aðalfundur

Aðalfundur félagsins var haldinn á Vesturgötu 28. febrúar 2018.

Venjuleg aðalfundarstörf.

Kosið var í stjórn og hana skipa:

Formaður:	Einar Örn Guðnason
Gjaldkeri:	Lára Bogey Finnbogadóttir
Ritari:	Helgi Þór Sveinbjörnsson
Meðstjórnendur:	Steinunn Guðmundsdóttir og Eva Ösp Sæmundsdóttir
Varmenn:	Kári Rafn Karlsson og Þorsteinn Már Ólafsson.

Á fundinn kom Hildur Karen fyrir hönd ÍA. Margt var rætt, helst ber að nefna hækkun árgjalds úr 5.000 krónum í 10.000 krónur Talað var um að halda áfram að styrkja innviði félagsins og festa kraftlyftingar betur í sessi á Akranesi.

Kraftlyftingamaður Akraness

Kraftlyftingamaður ársins 2018 var Svavar Örn Sigurðsson. Þetta var í fyrsta skipti sem Svavar var tilnefndur og var hann vel að viðurkenningunni kominn enda búinn að standa sig frábærlega á árinu og síðustu ár. Eftirfarandi er texti sem fylgdi tilnefningu Svavars:

„Svavar Örn Sigurðsson er búinn að stimpla sig inn sem einn af betri kraftlyftingarmönnum sem Ísland hefur séð frá tímum Skúla Óskarssonar í léttari flokkum kraftlyftinga. Hann keppir nánast eingöngu í klassíkum án útbúnaðar kraftlyftingum og leynir árangurinn sér ekki. Hann hefur sett fjölda Íslandsmeta á þeim stutta tíma sem hann hefur keppt, bæði í unglingaflokki og í opnum flokki fullorðinna. Þegar Svavar keppir er tekið eftir honum, hann hrífur fólk af öllum aldri með sér en það er sko ekki allra. Hann er sterk og góð fyrirmynd fyrir unga iðkendur og lætur ekki sitt eftir liggja þegar kemur að því að leiðbeina þeim sem styttra eru komnir í íþróttinni. Svavar stefnir langt og við höfum ekkert séð enn. Hann mun einn daginn standa á efsta palli á heimsvísu því þar á hann svo sannarlega heima.“

Árangur á mótum

Íslandsmeistarar og bikarmeistarar

Svavar Örn Sigurðsson:

- Íslandsmeistari í klassískum bekk í -74kg flokki
- Íslandsmeistari unglinga í bekkpressu í -74kg flokki
- Íslandsmeistari unglinga í bekkpressu óháð þyngdarflokki
- Bikarmeistari í klassískum kraftlyftingum í -74 kg flokki
- Norðurlandameistari unglinga í klassískum kraftlyftingum í -74kg flokki



Einar

Örn Guðnason:

Íslandsmeistari í kraftlyftingum í -105kg flokki,
Bikarmeistari í klassískri bekkpressu í -105kg flokki

Fannar Björnsson:

Íslandsmeistari unglunga í -93kg flokki í kraftlyftingum
4. sæti á Norðurlandamóti unglunga

Alexandrea Rán Guðnýjardóttir:

Bikarmeistari í -57kg flokki í klassískum kraftlyftingum

Árið 2018

Árið 2018 var rólegt en gott ár, við eignuðumst Íslandsmeistara, bikarmeistara og Norðulandameistara.

Félagið hélt 4 mót: Bikarmótið í klassískum kraftlyftingum og Bikarmótið í klassískri bekkpressu. Íslandsmeistaramót ungmenna og öldunga í kraftlyftingum og í bekkpressu.

Svavar Örn Sigurðsson varð Norðurlandameistari á haustmánuðum og var það mikið afrek.



Engar stórkostlegar breytingar urðu á aðstöðu. Við unnum vel en hugum að stækkun sem vonandi verður að veruleika innan fárra ára.

Félagið er búið að festa sig í sessi sem eitt öflugasta félag landsins í mótahaldi og er aðstaðan sem við höfum hér til fyrirmyndar til mótahalds. Talað var við okkur í tengslum við halda alþjóðleg mót í framtíðinni og tókum við vel í það. En það sem heldur okkur helst frá því eru gistimöguleikar hér á Akranesi sem eru ennþá af skörum skammti en vonandi verður breyting á því á komandi árum.

Við áttum keppendur á flestum mótum ársins sem röðuðu sér á pall á öllum mótum sem við tókum þátt í. Það er mjög mikið afrek fyrir ekki stærra félag.

Það sem er helst að fréttast frá KRAFT er að sambandið datt úr því að vera flokkað sem A - samband niður í að vera flokkað sem B – samband, það var mikill skellur fyrir íslenskar kraftlyftingar. Vonandi verður þetta til þess að betur verði hægt að vinna í innviðum sambandsins og styrkja stöðir þess til framtíðar.

Verkefni ársins 2019 eru að byggja aðstöðuna okkar betur upp og mennta fleira hæft fólk til þjálfunar, eignast fleiri keppendur og láta til okkar taka í kraftlyftingum á Íslandi.

Óhætt er að segja að framtíðin sé björt og jarðvegurinn frjór.

Skráður iðkenda fjöldi í lok árs eru 57 manns.

Körfuknattleiksfélag ÍA

Stjórn:

Formaður: Jón Þór Þórðarson (2. ár í stjórn)

Gjaldkeri: Jónas H. Ottósson (2. ár í stjórn)

Ritari: Hannibal Hauksson (7. ár í stjórn)

Meðstjórnendur: Jón Orri Kristjánsson og Fannar Helgason (1. ár í stjórn)

Á aðafundi félagsins í mars 2018 var stjórn félagsins endurkjörin: Jón Þór Þórðarson formaður, Jónas H. Ottósson gjaldkeri og Hannibal Hauksson ritari. Nýir í stjórn komu þeir Jón Orri Kristjánsson og Fannar Helgason.

Minning: Arndís Halla Jóhannesdóttir

Þann 2. febrúar 2018 lést Arndís Halla Jóhannesdóttir eftir langa og hetjulega baráttu við krabbamein. Arndís Halla lék á sínum yngri árum með Körfuknattleiksfélagi ÍA og var hún t.a.m. leikmaður í fyrsta og eina úrvalsdeildarliði ÍA í kvennaflokki leiktíðina 1995 – 1996. Seinna meir kom hún að þjálfun ungra stelpna í körfubolta. Eftir að Arndís greindist með krabbamein gaf hún sér tíma til að gefa okkar ungu iðkendum og þjálfurum góð ráð um lífið og tilveruna, skilaboð hennar til okkar eru að lífið er oft erfitt en við höfum val hvernig við tökumst á við

erfiðleika og berum sjálf ábyrgð á okkar viðbrögðum og hegðun, hún kenndi okkur líka að lífið er núna, að við eigum að leitast við að njóta hvers dags, sjá það jákvæða í lífinu og tilverunni. „Þú tapar aldrei, þú annaðhvort sigrar eða lærir“. Við í Körfuknattleiksfélagi ÍA þökkum Arndísi Höllu allt það sem hún hefur gefið okkur, megi minning hennar vera okkur leiðarljós í leik og starfi.

Leiktíðin 2017 - 2018

Leiktíðina 2017 - 2018 lék meistaraflokkur karla í 1. deild. Þjálfarar voru þeir Jón Þór Þórðarson og Stefán Hreinsson. Einnig voru skráð til leiks lið í drengjaflokki og b - lið í 3. deild. Fyrstu leikir tímabilsins voru jafnir og spennandi en það vantaði ávallt herslumuninn á því að landa sigri. Um miðjan nóvember varð liðið fyrir áfalli þar sem Derek Shouse erlendur leikmaður liðsins meiddist og þurfti frá að hverfa, í stað hans kom Marcus Levi Dewberry. Þrátt fyrir að þessar breytingar lofuðu góðu þá vantaði áfram herslumuninn á að landa sigri og var liðið án sigurs um áramótin. Í upphafi ársins 2018 fór að halla verulega undan fæti og það gekk á ýmsu. Til dæmis keppti liðið tvo leiki í röð á Ísafirði í lok janúar sem töpuðust báðir. Í þokkabót



varð liðið veðurteppt á leiðinni heim og þurfi að leita skjóls í Búðardal yfir nóttina. Eftir þá ferð þurfti Marcus Dewberry mjög skyndilega að fara heim vegna fjölskylduaðstæðna og lék liðið því tvo leiki án erlends leikmanns og töpuðust þeir báðir frekar illa. Eftir þetta fór að halla verulega undan fæti og hópurinn tók að þynnast, við neyddumst til að draga drengjaflokk og ÍA - b úr keppni þar sem ekki tókst lengur að manna lið. Fyrir síðasta leikinn í 1. deildinni lét Marcus Dewberry sig hverfa af landi brott og það fór svo að lokum að liðið tapaði öllum leikjum tímabilsins og hafnaði í neðsta sæti deildarinnar. Í lok maí var haldinn opinn félagsfundur þar



sem rædd var staða og framtíð meistaraflokks. Hannes S. Jónsson formaður KKÍ var fundarstjóri og voru málefni félagsins rædd opinskátt og ýmsum möguleikum um framhaldið kastað fram. Þetta var virkilega góður fundur og þakkar félagið öllum sem komu og sýndu félaginu stuðning í verki. Eftir að hafa metið málin frá ýmsum hliðum þá varð niðurstaðan sú að senda meistaraflokk karla til keppni í 2. deild karla tímabilið 2018 - 2019.

Jón Orri Kristjánsson leggur skóna á hilluna

Í lok leiktíðarinnar 2017 - 2018 ákvað Jón Orri Kristjánsson að leggja skóna á hilluna eftir langan og farsælan feril. Jón Orri skartar glæsilegum leikamannaferli sem hófst í meistaraflokki ÍA árið 1999 og lék hann með félaginu til ársins 2002 þegar hann gekk í raðir ÍR. Þar var hann í tvö ár áður en hann gekk menntaveginna alla leið til Akureyrar þar sem hann spilaði körfubolta með námi hjá Þór. Þar spilaði hann í fimm ár áður en hann kom aftur suður og gekk til liðs við KR. Hjá KR átti Jón Orri glæstan feril þau fimm ár sem hann lék með liðinu áður en hann gekk til liðs við Stjörnuna en hann spilaði eitt flott ár þar áður en hann kom heim til ÍA árið 2015. Jón Orri hefur afrekað það á ferli sínum að verða 2 sinnum 1. deildarmeistari, 2 sinnum Úrvalsdeildarmeistari, 2 sinnum Bikarmeistari og 2 sinnum Íslandsmeistari. Auk þess hefur hann 2 sinnum verið valinn Körfuknattleiksmaður Akraness. Jón Orri er skemmtilegur persónuleiki og öflugur leiðtogi innan sem utan vallar, hann gerir alla í kringum sig glaðari í leik og starfi. Það verður því mikill söknuður af Jóni Orri og þökkum við honum kærlega fyrir hans framlag á körfuboltavellinum í gegnum tíðina.

Yngri flokkar

Uppbyggingarstarf félagsins gengur vel og er jöfn og þétt fjölgun iðkenda. Í minnibolta 6 - 12 ára var farið á mörg opin minniboltamót eins og t.d. Síamót Fjölris, Jólamót Vals og svo að sjálfögðu á stóra Nettómótið í Reykjanesbæ þar sem ÍA var með alls 7 lið. Á Íslandsmóti yngri flokka var ÍA með lið í minnibolta 12 ára og í 7. & 8. flokki. Öll þessi lið stóðu sig vel og eru í topp 15 í sínum aldursflokk. Í 10. flokki vorum við með sameiginlegt lið með Reykdælum, það gekk ágætlega en reyndist erfitt í framkvæmd og skipulagningu. Okkar iðkendur urðu þess heiðurs aðnjótandi að fá að leiða leikmenn inn á völinn í landsleik Íslands gegn Tékklandi í Laugardalshöllinni í lok febrúar, að sjálfsögðu vannst sá leikur. Úrvalsbúðir KKÍ fyrir 10 - 12 ára voru í maí og ágúst og fóru 17 iðkendur frá ÍA í þær búðir. Um sumarið stóð iðkendum í 7. flokki og eldri til boða að stunda þrekæfingar hjá Metabolic Akraness 2 x í viku og mæltist það vel fyrir. Þjálfun yngri flokkanna var í höndum Jóns Þórs Þórðarsonar, honum til aðstoðar voru þeir Axel Fannar Elvarsson og Derek Shouse.

Heldriboltinn

Líkt og undanfarin ár var í gangi svokallaður "Heldribolti" sem er fyrir þá körfuboltaspilara sem annaðhvort eru hættir að leika í meistaraflokki eða vilja spila körfubolta sér til heilsubótar og ánægju. Æfingar hjá heldriboltanum voru 2 x í viku, þátttakendur voru að jafnaði 10 – 15. Stefán Jóhann Hreinsson hafði yfirumsjón með þessum körfuboltahópi.

Körfuknattleiksmaður ársins 2018

Körfuknattleiksmaður ársins var valinn Sindri Leví Ingason. Sindri sem er fæddur árið 2000 lék töluvert stórt hlutverk í meistaraflokksliði ÍA í 1. deild á síðustu leiktíð þar sem hann spilaði um



19 mínútur í leik og skoraði að meðaltali 6.7 stig í leik. Hlutverk Sindra hefur aukist jafnt og þétt og er hann að bæta sig sem leikmaður. Hann er einkar aðgangsharður í því að sækja á körfu andstæðinganna og er góður í því að skora. Sindri er þar að auki góður liðsfélagi, hæglátur og þrúður bæði innan vallar sem utan. Hann er vel að því kominn að vera körfuknattleiksmaður ársins 2018 hjá ÍA

Fjármál

Fjármál félagsins eru í jafnvægi þrátt fyrir að lítilsháttar tap hafi verið á rekstrinum árið 2018. Um áramót er félagið skuldlaust og eigið fé um kr 717 þúsund. Félagið reiðir sig enn sem fyrr á styrki frá fyrirtækjum auk æfingagjalda iðkenda, auk eigin fjáraflana. Stærstu styrktaraðilar KÍA á árinu voru Brim Seafood, Íslandsbanki, Elkem, Landsbankinn, Galito, Gamla Kaupfélagið, Domino's, Skagaverk, Askja og Þróttur ehf. Íþróttabandalag Akraness og Akraneskaupstaður gera einnig vel í því að styðja við barna- og unglingastarf íþróttafélaganna á Akranesi og nýtur Körfuknattleiksfélag ÍA svo sannarlega góðs af því. Við þennan lista bætast svo fleiri fyrirtæki og einstaklinga sem studdu við bakið á félaginu með minni framlögum og kann félagið öllum stuðningsaðilum þess bestu þakkar fyrir. Félagið þakkar einnig þeim aðilum sem standa að ÍATV sem sendi beint út frá öllum heimaleikjum félagsins, einnig fær Jónas H. Ottósson sérstakar þakkar fyrir myndatökur, bæði hjá meistaraflokki og yngri flokkunum, ómetanlegt að eiga safn af góðum myndum og myndböndum.

Lokaorð

Leiktíðin 2017 - 2018 var hvort í senn erfið og ánægjuleg, félagið stendur nú á miklum tímamótum og krefjandi verkefni framundan. Í meistaraflokki eru að eiga sér stað kynslóðaskipti þar sem flestir af eldri leikmönnum liðsins hafa nú lagt skóna á hilluna og framundan eru þjálfaraskipti. Við þökkum þeim leikmönnum og þjálfurum sem nú eru horfnir á braut kærlega fyrir þeirra framlag til félagsins. Ennþá er þó nokkuð í land að yngri leikmenn séu tilbúnir til að taka við í meistaraflokki þannig að við stöndum frammi fyrir "leikmannagati" sem tíma tekur að loka. Það er ljóst að nokkrar breytingar verða fyrir komandi tímabil þar sem við verðum með lið í 2. deild, það verður nýr þjálfari sem tekur við og yngri leikmenn fá aukin tækifæri til að spreyta sig. Það jákvæða í stöðunni er að uppbyggingarstarfið gengur mjög vel, yngri flokkar okkar halda áfram að blómstra og þar eigum við virkilega frambærilega leikmenn sem gaman verður að fylgast með í framtíðinni. Það eru mörg mót framundan í yngri flokkunum og fyrsta keppnisferðin erlendis í langan tíma er á dagskrá sumarið 2019 með tilheyrandi spennu og eftirvæntingu. Við leggjum mikið upp úr því að iðkendur okkar finni sig í starfinu og haldi sem lengst áfram, hvort það er sem meistaraflokksmaður eða bara öflugur félagsmaður sem er virkur í starfi félagsins. Við höfum unnið eftir þessum gildum síðustu ár og ætlum að halda því áfram og reyna að efla starfið enn frekar. Við horfum jákvæð og bjartsýn fram á veginn með þolinmæðina að vopni; áfram ÍA!



Sigurfari - Sjóportsfélag Akraness

Stjórn Sigurfara

Formaður:	Guðmundur Benediktsson
Ritari:	Anna Guðrún Ahlbrecht
Gjaldkeri:	Eiríkur Kristófersson
Meðstjórnendur:	Björn Óskar Andrésson og Geir Geirsson

Aðalfundur Sigurfara var haldinn 12. mars 2019. Hildur Karen Aðalsteinsdóttir framkvæmdastjóri ÍA var kjörinn fundarstjóri. Tveir góðir gestir komu úr Reykjavík, þeir Aðalsteinn Jens Loftsson formaður Siglingasambands Íslands og Ólafur Már Ólafsson formaður siglingafélagsins Brokeyjar. Skýrsla stjórnar og ársreikningar voru samþykktir. Rekstur félagsins er hvorki mikill né flókinn, félagið er ekki í skuld og því er staða þess með besta móti miðað við aðstæður

Uppbygging Sigurfara hefur gengið hægt, mundi einhver segja, en þó örugglega. Árið markar þó nokkur tímamót því að félagið kom sér loks upp flota, bæði segl- og áraknúinn. Þetta árið fengum við fimm Optimist kænur með tilheyrandi farviði frá siglingafélaginu Þyt í Hafnarfirði. Þetta voru notaðir bátar og þarf aðeins að klappa þeim, en þeir nýtast okkur vel, eins og formaðurinn sjálfur gekk úr skugga um. Sigurfari þakkar Gunnari Geir Halldórssyni formanni Þyts fyrir mikinn velvilja og stuðning í uppbyggingu félagsins.

Þá festi Sigurfari kaup á tveggja manna kajak frá Ósnum hér á Akranesi, og nú nýlega handsöluðum við kaup á tveimur eins manns bátum frá þeim, og Ósinn ætlar að auki að gefa félaginu þann þriðja. Félagið þakkar Ósnum rausnina og bendir á að félagsmenn fá afslátt hjá þeim bræðrum.

Ekki tókst að halda siglinganámskeið vegna þjálfaraskorts en unnið er í því að afla þeirrar þekkingar og þar munum við njóta aðstoðar Siglingasambandsins og Brokeyjar, en það kom fram í ávörpum gestanna úr Reykjavík. Við finnum að þeir eru mjög áhugasamir um uppbyggingu siglingastarfs á Akranesi og áður hefur verið nefndur stuðningur Þyts í Hafnarfirði. Öllum þessum þakkar Sigurfari velvilja og aðstoð við að koma félaginu áfram.

Félagsaðstaðan er það sem staðið hefur upp úr á árinu, sem er þó kannski rangnefnt því að eins og er er hún engin. Það stendur samt allt til bóta. Við höfum fundað með bæjaryfirvöldum og Faxaflóahöfnum og ekki er annað hægt að segja en að viðbrögðin hafi verið góð og er í raun fátt til fyrirstöðu að hefja uppbyggingu. Leyfi hefur fengist hjá báðum aðilum til að koma okkur fyrir á fyllingunni austan við Sementsbryggjuna. Fyllingin er eins og er á forræði Faxaflóahafna en þeir eru í viðræðum við Akranesbæ um makaskipti á þeirri lóð og gulu skemmunni þar við hliðina sem bærinn á. Nýlega sendi félagið erindi til skipulags- og umhverfisráðs með óskum og hugmyndum varðandi væntanlega aðstöðu, en þar segir m.a.: „Hugmyndin er að byggja upp aðstöðu til geymslu báta og búnaðar á fyllingunni og útbúa sjósetningaraðstöðu. Nauðsynlegt er að laga svæðið til og slétta skábraut sem liggur frá fyllingunni niður á sandinn. Til að leysa það vandamál, að öldugangur skolar burt lausu efni þar sem skábrautin mætir

sandinum, hefur okkur dottið í hug að leggja þar niður ílanga steypa einingu sem mundi liggja frá sandinum og upp eftir brautinni. () Að okkar álit er til mikils að vinna fyrir alla með þessum framkvæmdum. Félagið verður staðsett á hentugum stað, ásýnd svæðisins mun batna svo um munar og skemmtilegt frístundalíf mun skapast með tímanum.“ Tilvitnun lýkur.

Þrátt fyrir ósýnilega aðstöðu hefur ýmislegt verið gert. Tíðin í sumar lék marga grátt, t.d. var sjósundsviðburðum sem við höfum komið að ýmist frestað eða aflýst.

Dagur umhverfisins var haldinn 25. apríl. Þá gengu nokkrir meðlimir Sigurfara og fleiri félaga ÍA um bæinn og söfnuðu rusli. Þetta skilaði hreinni bæ og smá klinki í kassann okkar

Snemmsumars var haldinn öryggisfundur í Íþróttahúsinu við Vesturgötu. Hann var ágætlega sóttur. Leiðbeinandi var Gísli J. Guðmundsson, reyndur kajakræðari og mikill græjukall. Þetta var annar slíkur fundur sem Sigurfari stendur fyrir. Við ætlum að gera þessa fundi að föstum lið á vorin. Þessu máli tengt, og í raun stórt mál, er björgunaræfing sem Sigurfari kom að, þar sem sett var á svið leit að kajakræðurum. Það var mjög fróðlegt að fylgjast með vinnubrögðum leitarmanna og slíkur viðburður fær fólk til að hugsa um öryggismálin. Upp úr þessu spratt umræða um að setja upp upplýsingaskilti á stöðum þar sem mest er sett á flot, og áttum við m.a. fund um það mál með Líf, sem er slysavarnardeild kvenna hér á Akranesi. Þess má og geta að Ísland í dag (Stöð 2) var á staðnum og gerði ágæta umfjöllun um æfinguna.

Árlegt Faxaflóamót kjölbáta var haldið helgina 22. - 24. júní. Veðrið hafði töluverð áhrif á það mót en hér var þó nokkur fjöldi af seglskútum í höfninni. Ég geri ráð fyrir að með tíð og tíma verði þetta einn af okkar stóru viðburðum.

ÍA stóð fyrir Jónsmessuviðburði 21. júní og var ætlunin að við værum með báta á staðnum. Við stóðum við okkar þrátt fyrir sannkallað skítaveður en enginn lagði í að fleyta sér.



Á Írskum dögum vorum við með bát á floti og fórum einnig með bát á torgið, þar sem var dagskrá.



Ekkert varð úr námskeiðshaldi, eins og fyrr sagði, vegna vöntunar á þjálfurum en nú eigum þó búnaðinn.

Stærsti viðburðurinn síðasta sumar voru æfingabúðir Siglingasambands Íslands. Hingað komu 15 krakkar af höfuðborgarsvæðinu og frá Akureyri. Aðalþjálfari var argentísk kona, Flor Cerutti að nafni. Hún keppti í siglingum á Ólympíuleikunum í Shanghai árið 2008 og er atvinnusiglingaþjálfari. Þessar búðir voru haldnar hér 2015 og þóttu takast vel og var því ákveðið að endurtaka leikinn. Krökkunum og þjálfurum líkaði aðstaðan vel. Við útveguðum gistingu í Grundaskóla og ýmsan búnað sem til þurfti. Við þökkum Grundaskóla, Akraneskaupstað og Faxaflóahöfnum kærlega fyrir stuðning við þessar búðir.

Siglingamönnum þykir alltaf gaman þegar aðrir siglingamenn koma í heimsókn og þá er líka tækifæri til að rækta erlend tengsl. Í sumar kom hingað þýsk skúta frá klúbbi í Hamborg og færðu þeir okkur flagg klúbbsins sem mun prýða vegg væntanlegs félagsheimilis. Annað fley, Pan Orama, kom hér í höfnina vikulega síðasta sumar. Þetta er mikil snekkja og vonandi munum við sjá slíkt skip með heimahöfn hér í framtíðinni. Ég tel reyndar vera tækifæri í þessum skútukomum hér. Áhafnarmeðlimir þurfa ákveðna aðstöðu í landi, kaupa vistir o.fl. og ég vildi sjá félagsheimili Sigurfara sem miðpunkt í því.

Þó uppbyggingin hafi verið hæg erum við kannski að nálgast næsta áfanga, félagsaðstöðunni. Ég er bjartsýnn á að eitthvað gerist í þeim málum á næstunni því félaginu hefur verið vel tekið af öllum sem við höfum þurft að leita til. Það er því að lokum ástæða til að þakka enn og aftur fyrir aðstoð og velvilja eftirtalinna: Akraneskaupstaður, Faxaflóahafnir, Siglingasamband Íslands, siglingafélögin Þytur í Hafnarfirði og Brokey í Reykjavík.

UMF Skipaskagi

Stjórn Ungmennafélagsins Skipaskaga skipa eftirtaldir:

Formaður:	Anna Bjarnadóttir (AB)
Gjaldkeri:	Skafti Steinólfsson(SS)
Ritari:	Guðrún S. Gísladóttir (GSG)
Meðstjórnendur:	Guðmundur S. Jónsson (GSJ) og Jóna Adolfsdóttir (JA)

Á síðasta aðalfundi UMF Skipaskaga mættu auk formanns og gjaldkera, 3 aðrir þátttakendur.

Skýrsla stjórnar

Í febrúar fór AB á fund í þjónustumiðstöð UMFÍ með formönnum og framkvæmdastjórum sambandsaðila UMFÍ, auk starfsfólks þjónustumiðstöðvarinnar. Margar nýjar hugmyndir voru þar kynntar og ræddar.



Formaður (AB) sat þrjá fundi hjá aðalstjórn ÍA. Formaður (AB) sat þing ÍA. Formaður (AB) sat Vorfund UMFÍ á Sauðárkróki í maí s.l. og Sambandsráðsfund UMFÍ sem haldinn var á Ísafirði í október s.l.

Í byrjun júní sl tók Skipaskagi þátt í Move Week/Hreyfiviku verkefni sem UMFÍ heldur utan um, ásamt Akranesbæ og ÍA. Margt var í boði til hreyfingar og var Skipaskagi með þrjár morgungöngur kl. 6:00 á Guðfinnupúfu og hjóladeildin bauð upp á hjólaferð frá Jaðarsbökkum út að kirkjunni og til baka. Einnig var farið yfir ýmsar upplýsingar um hjólin sem vert er að hafa í huga er hjólavertíðin hefst og bætt við lofti í þau dekk sem þurfti.

Skipaskagi tók þátt í gönguverkefni með FÍ (Ferðafélagi Íslands) með Akranesbæ og ÍA. Eins og á síðasta ári voru viðburðir alla miðvikudaga í september 2018. Margt var í boði en ekki var eins mikil þátttaka og á síðasta ári. Skemmtilegt verkefni sem FÍ setti upp í tilefni af 90 ára afmæli félagsins.

Formaður (AB) fór með gestabókina á Guðfinnupúfu í Akrafjalli, auglýsti ferðina og bauð sigurvegurum síðustu ára sérstaklega velkomna í ferðina. Í desember var farið og náð í gestabókina og farið yfir hana til að finna göngugarpa ársins 2018.

SamVest verkefnið

Að SamVest verkefninu standa eftirtalin sambönd og félög: Héraðssamband Snæfellsness og Hnappadalssýslu (HSH), Ungmennasamband Borgarfjarðar (UMSB), Ungmennasamband Dalamanna og N-Breiðfirðinga (UDN), Ungmennafélagið Skipaskagi (USK) Akranesi, Héraðssambandið Hrafnaflóki (HHF) á sunnanverðum Vestfjörðum, Héraðssamband Strandamanna (HSS) og Ungmennafélag Kjalnesinga (UMFK).

SamVest stendur að sameiginlegum æfingum í frjálsíþróttum á Vesturlandi og í FH – höllinni. SamVest er með samning við FH til 2018, þeir sjá okkur fyrir gestaþjálfurum þegar farið er þangað. Markmið samstarfsins er að gefa iðkendum tækifæri til að prófa að æfa við góðar aðstæður sem fyrirfinnast á höfuðborgarsvæðinu. Æfingarnar eru fyrir 10 ára og eldri. Einnig er staðið að frjálsíþróttamótum barna og fullorðinna. Farið er með sameiginlegt lið á stærri stigamót FRÍ. Þetta samstarf gengur vel. Góð þátttaka hefur verið í æfingabúðum SamVest.

FEBAN íþróttaklúbbur

Boccia æfingar eru frá september – maí, á þriðjudögum og föstudögum á Kirkjubraut og á miðvikudögum í Íþróttahúsinu við Vesturgötu. Það eru um 50 manns sem taka þátt.

FEBAN heldur innanfélagasmót og þá er keppt í einmenningsmóti, tvímenningsmóti og sveitakeppni. Á einmenningsmótinu tóku 20 þátt og var sigurvegari Sýlvía Georgsdóttir. Á tvímenningsmótinu tóku 12 lið þátt, sigurvegarar voru Böðvar Jóhannesson og Þorvaldur Valgarðsson. Í sveitakeppninni mættu 7 lið og voru sigurvegarar þeir Gylfi Jónsson, Örlaugur Elíasson og Ásgeir Samúelsson. Tvö lið frá FEBAN tóku þátt í Vesturlandsmótinu. Þá tóku félagar frá FEBAN þátt í bocciamóti í Garðabæ og í Borgarnesi. Félagar tóku einnig þátt í Landsmóti UMFÍ sem haldið var á Sauðárkróki. Í október s.l. stóð FEBAN ásamt Borgarbyggð

fyrir einmenningsmóti í Íþróttahúsinu við Vesturgötu á Akranesi, þar kepptu 36 aðilar þar af 15 frá FEBAN. Böðvar Jóhannesson Akranesi sigraði.

Púttið byrjaði í maí og var fram í september. Æfingar voru á mánudögum og fimmtudögum og voru það um 30 manns sem tóku þátt. Innanfélagsmótin eru þrjú og er þá keppt um Maríustyttuna, Guðmundarbikara og Reynisbikara, á hvert mót mættu um 20 þátttakendur. Maríustyttuna vann Edda Elíasdóttir. Guðmundarbikarana unnu þau Edda Elíasdóttir í kvennaflokki og Ásgeir Samúelsson í karlaflokki. Reynisbikarana unnu þau Edda Elíasdóttir í kvennaflokki og Gunnar Guðjónsson í karlaflokki.

FEBAN og Borgarbyggð keppa í pútti um Húsasmiðjubikarinn. Keppt er á Hamarsvelli, Leynisvelli og í Nesi í Reykholtssdal. Þátttakendur voru 56 þar af voru 27 frá FEBAN. Úrslit urðu þau að Borgarbyggð sigraði með samtals 1451 höggi á móti 1497 höggum hjá FEBAN. 9 aðilar frá FEBAN tóku þátt í innanhúsmóti í pútti í Borgarnesi.

Keilan byrjar í október og er fram í maí ár hvert. Æfingar eru á mánudögum og fimmtudögum. Haldið er innanfélagsmót í keilu, sigurvegari var Ásgeir Samúelsson.



Línudans FEBAN. Það eru 30 - 40 manns sem æfa einu sinni í viku en æft er oftast ef mikið stendur til. Ekki er verið að taka þátt í dansmótum, heldur er stefnan tekin á Golden Age Gym Festival sem haldið er annaðhvert ár. 26 manna hópur fór til Pesaro á Ítalíu 2018. Skemmtilegar sýningar eru þar og námskeið sem þátttakendur geta tekið þátt í meðan á dvölinni stendur. Leiðbeinendur eru Sigríður Alfreðsdóttir og Huguína Sigurðardóttir. Alltaf líf og fjör ☺.

Hjóladeild Skipaskaga

Stofnuð var hjóladeild innan Skipaskaga 2016. Reglulegar hjólaæfingar voru tvisvar í viku yfir vetrartímann í spinningsalnum á Jaðarsbökkum. Hjólarnir fluttu sig svo út um leið og veður leyfði. Markmið hjóladeildarinnar er m.a. að efla hjólara og hjólaáhuga á Akranesi og vera til fyrirmyndar í umferðinni. Hjóladeildin bauð upp á 3 hjólaviðburði í Hreyfiviku UMFÍ þar sem markmiðið var að hvetja fólk til hjólreiða. Áður en hjólað var af stað var farið yfir atriði sem skipta máli varðandi hjólreiðar s.s. loftþrýsting í dekkjum, stillingar á hnakk o.fl.



Helstu mót og verkefni sem félagar tóku þátt í voru: Einn hjólari tók þátt í KIA gullhringnum (65km), þrír hjólarar hjóluðu með liði Team Rynkeby Ísland frá Kolding í Danmörku til Parísar í Frakklandi. Hjólaðir voru tæplega 1300 km á 8 dögum til styrktar krabbameinssjúkum börnum á Íslandi. Íslenska liðið safnaði rúmlega 16,6 milljónum.

Hjólafélagar í UMF Skipaskaga hvetja áhugamenn um hjólreiðar til að slást í hópinn og efla félagið enn frekar.

Dansskóli Írisar:

Eftirfarandi er yfirlit yfir starfsemina á árinu 2018:

Samkvæmisdansadeild Skipaskaga

Innan vébanda Dansskóla Írisar fer fram starfsemi undir merkjum Ungmennafélagsins Skipaskaga. Um er að ræða keppni í samkvæmisdönsum.

Á árinu 2018 var einungis eitt danspar sem tók þátt í keppnum í samkvæmisdönsum í nafni Skipaskaga; Fróði Hrafn Gíslason og Kinga Bogdan.

Eftirfarandi er yfirlit yfir keppnir sem parið tók þátt í og árangur þeirra:

18. janúar, RIG 2018, parið hlaut 2. sætið í suður-amerískum dönsum og 1. sætið í „standard“ dönsum í sínum flokki.

17 - 18. mars, Íslandsmeistaramót - bikarmót, parið hlaut 2. sætið í suður-amerískum dönsum og 3. sætið í „standard“ dönsum.

28. mars, Íslandsmeistaramót í grunnsporum, parið hlaut 1. sætið í suður-amerískum dönsum og 2. sætið í „standard“ dönsum.

16. október, Dansmót UMSK, parið hlaut 2. sætið í suður-amerískum dönsum og 2. sætið í „standard“ dönsum.

Þess utan sýndi dansparið listir sínar á tveimur nemendasýningum hér á Akranesi og á Akratorgi þann 17. júní. Einnig dönsuðu þau fyrir íbúa á Höfða á vegum FEBAN og komu fram við ýmis smærri tilefni.



Dansskólinn var einnig með vor- og jólasýningu í dansi þar sem allar danstegundir sem skólinn býður uppá voru sýndar af nemendum skólans. Sýningarnar tókust mjög vel.

Önnur mál:

Gestabókin á Guðfinnupúfu er orðið að föstu verkefni félagsins. Alltaf eru fleiri og fleiri sem leggja leið sína á þúfuna og keppni hefur myndast í því að fara sem flestar ferðirnar. Skipaskagi hefur veitt verðlaun til þeirra karla og kvenna sem fara flestar ferðirnar og svo eru dregnir út þrír aðrir þátttakendur sem hafa ritað nafn sitt í bókina. Bókin var á þúfunni frá 5. maí – 20. desember s.l. ár.

Skotfélag Akraness

Stjórn félagsins

Formaður:	Guðrún Hjaltalín
Gjaldkeri:	Óskar Arnórsson
Meðstjórnendur:	Stefán Gísli Örlygsson, Elías M. Kristjánsson og Hafsteinn Þór Magnússon
Varamenn:	Berglind Björgvinsdóttir og Ólafur Steinn Ólafsson

Helstu verkefni stjórnar 2018

Skotfélagið sótti um framkvæmdastyrk hjá Akraneskaupstað sem við fengum og þá var hafist handa við að leggja rafmagn og vatn að félagssvæðinu okkar. Þeim framkvæmdum lauk í sumar og hefur það gert aðstöðu til skotiðkunar betri.

Framkvæmdir á riffilhúsinu héldu áfram á árinu. Settir voru upp veggir og þakkantur kláraður, þannig að nú er riffilhúsið orðið vatns- og vindhelt. Enn er nokkur vinna eftir við frágang innandyra.

Eitt Landsmót var haldið í skeet og eitt Nordisk trap. Íslandsmót var haldið á skotsvæðinu í sumar.

Félagið fjárfesti í tveimur compact sporting kastvélum á árinu frá pro-matic. Stefnt er á að taka þær í notkun með vorinu og verður það fyrsti vísir að compact sporting velli. Vonumst við til að það auki áhuga félagsmanna á leirdúfuskotfimi.

Fjárafilanir og fjármálaleg staða

Félagið fékk 300.000 króna styrk úr Íþróttasjóði til viðhalds og lagfæringa á skotvöllum félagsins.

Akraneskaupstaður veitti Skotfélaginu framkvæmastyrk upp á 5 milljónir sem dreifast á árin 2018 og 2019. Þau verkefni sem samningurinn tekur til eru lagning rafmagns og vatns á

skotíþróttasvæðið við Berjadalsá og að girða hluta af svæðinu til að hægt sé að hefja uppgræðslu trjáa.

Lokið var við lagningu á rafmagni og vatni í byrjun sumars og unnt var að ljúka við hreinlætisaðstöðu. Með komu vatns og rafmagns batnaði aðstaðan mikið. Ljósavélinni var gefið frí en hún hafði þjónað Skotfélaginu vel í mörg ár og er lúxus að þurfa ekki að koma með vatn á brúsa ef iðkendur vildu hita sér kaffi meðan á æfingu stóð.

Iðkendafjöldi

Alls greiddu 126 félagsmenn árgjald sem þýðir að okkur fjölgaði um 14 á árinu.

Haglavellir voru vel nýttir síðasta sumar en alls voru skotnir 2964 hringir bæði á skeet- og trapvellinum, það er talsvert meira en 2017.



Helstu viðburðir og þættir í starfi félagsins

Lofthyssusalurinn á Vesturgötu er nýttur 7 mánuði á ári. Það eru æfingar tvisvar í viku, á mánudögum og miðvikudögum frá kl. 19:30 – 21:30. Mæting var svipuð og árið áður.

Félagið átti keppendur á 8 loftbyssumótum og 2 frjálsbyssumótum.

Elías M. Kristjánsson varð Vesturlandmeistari í loftskammbyssu og Björn G. Hilmarsson varð Vesturlandsmeistari í loftrifflí árið 2018. Mótið var haldið í Borgarnesi.

Félagið átti keppendur á 7 skeet mótum sumarið 2018. Við áttum einnig keppenda í Íslandsmótinu í Sporting sem haldið var á Akureyri.

Stefán Gísli er bikarmeistari í skeet 2018.



Félagið stóð fyrir hreindýraprófum Umhverfisstofnunar að venju og tóku 27 próf hjá félaginu. Auk þess sáum við um verklega þáttinn í skotvopnanámskeiði stofnunarinnar.

Ríffiláhugamenn eru ánægðir með aðstöðuna sem er komin upp og hefur aðsókn aukist.

Þátttaka og gengi í mótum

Stefán Gísli var sá skotmaður sem var mest áberandi í keppnum ársins frá félaginu en hann varði bikarmeistaratitilinn í haglabyssuskotfimi (skeet). Það er sá skotmaður sem er stigahæstur eftir keppnistímabilið með 58 af 60 stigum.

Þá skaut Stefán í þriggja í sumar skor yfir Ólympíulágmarkinu (MQS).

Stefán er í landsliði Íslands og keppti hann m.a. á Heimsbikarmóti á Möltu og í Bandaríkjunum, Evrópumeistaramótinu í Austurríki og á Heimsmeistaramótinu í Suður-Kóreu. Stefán náði besta árangri sínum í Tucson í Bandaríkjunum og hafnaði þar í 38. sæti auk þess sem hann og liðsfélagar hans bættu Íslandsmetið í liðakeppni. Stefán náði að skjóta sig inn á heimslistann nú í sumar og er í 100. sæti nú um áramótin.

Hann er einnig inni á Evrópulistanum og er þar í 88. sæti.

Viðurkenningar og tilnefning til íþróttamanns Akraness

Stefán Gísli var tilnefndur frá Skotfélagi Akraness og var hann í 3. sæti í kosningunni um íþróttamann Akraness.

Framtíðarsýn og aðrar hugleiðingar

Unnið verður áfram að uppbyggingu útisvæða. Við eigum eftir að bæta inniaðstöðu fyrir loftbyssu. Draumurinn er að fá rafeindabúnað á skotbrautir.

Lokaorð og þakkir

Skotfélag Akraness þakkar Akraneskaupstað fyrir framkvæmdastyrkinn sem gerði félaginu kleift að bæta aðstöðu á svæðinu til íþróttaiðkunar.

Sundfélag Akraness

Sundtímabilið 2018 - 2019 hjá Sundfélagi Akraness var árangursríkt. Akranesmet og persónulegir sigrar unnir í sundlauginni hjá sundmönnum í öllum aldurshópum. Sundmaður Akraness, Brynhildur Traustadóttir var útnefnd í kjörinu um íþróttamann Akraness fyrir árið 2018 fyrir hönd Sundfélagsins.

Afmælisár

Sundfélag Akraness varð 70 ára á árinu 2018 en það var stofnað þann 30. janúar 1948. Þegar það var stofnað var aðalmarkmið félagsins að kenna Akurnesingum sundtökin en á þessum árum voru skipskaðar allt of algengir og fjöldi sjómanna fórst við ströndina þar sem þeir kunnu



ekki sund. Í dag er öldin önnur en áfram er markmið félagsins að kenna sund en nú beinist athyglin að æskunni. Haldið var upp á afmæli Sundfélagsins þann 30. nóvember, samhliða útsendingu Útvarps Akraness og var fjöldi gesta sem fögnuðu með afmælisbarninu sem fer í sund á hverjum degi. Til að minnast afmælisins var Skagamaðurinn Gísli Karlsson fenginn til að breyta hönnun merki félagsins sem hann gerði af mikilli smekkvísi. Þess má geta að upphaflegur hönnuður merkis SA er Þórólfur Ævar Sigurðsson en Páll Indriði Pálsson mýkti línurnar í merkin seint á níunda áratugnum.

Stjórn og starfsmenn

Ný stjórn var kjörin í mars 2018. Stjórnin er óbreytt frá fyrra ári:

Formaður:	Trausti Gylfason
Varasformaður:	Harpa Finnbogadóttir
Gjaldkeri:	Daníel Sigurðsson
Ritari:	Guðrún Guðbjarnardóttir
Meðstjórnendur:	Kristín Björg Jónsdóttir, Svava Guðjónsdóttir og Ingibjörg Ösp Júlíusdóttir

Yfirþjálfari og framkvæmdastjóri SA var sem áður Kjell Wormdal.

Á vorönn 2018 voru einnig þjálfarar æfingahópa hjá SA Bjarney Guðbjörnsdóttir, Sigurður Sigurðsson, Sólrún Sigþórsdóttir og Natalia Wasilewska. Afleysinga- og aðstoðarþjálfarar voru þau Arna Ósk Jónsdóttir, Ngozi Jóhanna Eze, og Ásgerður Jing Laufeyjardóttir.

Á haustönn voru við þjálfun þau Bjarney Guðbjörnsdóttir, Sólrún Sigþórsdóttir, Jill Anette Syrstad, Natalia Wasilewska og Sigurður Sigurðsson. Afleysinga- og aðstoðarþjálfarar voru þau Arna Ósk Jónsdóttir, Ásgerður Jing Laufeyjardóttir, Ngozi Jóhanna Eze og Ingveldur Ósk Sigurðardóttir.

Um ungbarnasund og önnur námskeið á vorönn 2018 sáu Hlín Hilmarsdóttir, Lilja Guðgeirsdóttir og Friðrika Ýr Einarsdóttir. Afleysinga- og aðstoðarþjálfarar voru Arna Ósk Jónsdóttir, Natalia Wasilewska.

Haustið 2018 voru við námskeiðsstörf Hlín Hilmarsdóttir, Friðrika Ýr Einarsdóttir, og Lilja Guðmundsdóttir. Afleysinga- og aðstoðarþjálfarar voru, Natalia Wasilweska og Arna Ósk Jónsdóttir.

Íslandsmeistari

Brynhildur Traustadóttir varð Íslandsmeistari í 1500m skriðsundi í hörkukeppni alla 1500 metrana. Brynhildur bætti sig um 36 sekúndur og setti þar með nýtt Akranesmet í flokki 15-17 ára. Hún vann til bronsverðlauna í 400m skriðsundi og silfurverðlaun í 200m skriðsundi. Þar með var hún komin með tvö lágmörk á Norðurlandameistaramótið sem haldið var í Finnlandi. Stóð hún sig þar vel og var félagi sínu til sóma.

Akranesmet

Fjöldi Akranesmeta voru slegin á árinu, m.a. 1 í fullorðinsflokki og 8 í yngri flokkunum. Auk þess voru sett 4 Akranesmet í boðsundi.



AMÍ

Aldursflokkameistaramót Íslands var haldið á Akureyri á vegum Sundfélagsins Óðins. Alls synti 21 sundmaður frá SA á AMÍ þetta árið. Í liðakeppninni endaði SA í 6. sæti en sundmenn sem lentu í 1. - 6. sæti unnu stig fyrir félagið. Liðið fékk 8 verðlaunapeninga, tvenn silfurverðlaun og sex brons.

Bárumeistaramót

Bárumeistaramót 2016 fór fram í janúar. Mótið er fyrir sundmenn 8 - 12 ára og er haldið í Bjarnalaug. Veittur er bikar fyrir bestan árangur samanlagt. Að þessu sinni urðu þau Guðbjarni Sigþórsson og Íris Petra Jónsdóttir Bárumsmeistarar.

Æfingabúðir erlendis

Fimmtán manna sundhópur fór í æfingabúðir til Spánar í ágúst til Lloret De Mar. Ferðin var ætluð þeim sem fædd eru 2004 eða fyrr. Nauðsynlegt er að fara í slíkar ferðir bæði til að æfa við bestu aðstæður en ekki síður til að þjappa hópnum saman fyrir átök komandi keppnisárs. Að auki fóru tveir fararstjórar með ásamt yfirþjálfara.

Ellefu hressir sundkrakkar sem eru á aldrinum 2005 – 2006 fóru á sitt fyrsta sundmót á erlendri grundu þegar þau fóru á mót í Farum í Danmörku í maí ásamt þjálfara sínum. Krökkunum þótti þátttakan í mótinu mikil og góð reynsla og ánægjan skein úr hverju andliti. Eftir mótið var m.a. farið í Tívolí þar sem krakkarnir og fylgdarmenn þeirra skemmtu sér hið besta.



Bikarmeistaramót Íslands

Lið Skagamanna er í efstu deild í sundi. Bikarmót Sundsambands Íslands var haldið í Reykjavík. Margir af öflugustu sundmönnum Íslands syntu á mótinu. Sundfélag Akraness sendi bæði kvenna- og karlalið og var gengi þeirra framar vonum en bæði liðin urðu í 4. sæti.

Akranesleikar

Akranesleikarnir í sundi voru haldnir síðustu helgina í maí. Leikarnir eru eitt stærsta barna- og unglingasundmót sem haldið er hér á landi. Árið 2018 voru þátttakendur 301 frá 14 félögum en hafa skal í huga að sundfólkinu fylgja þjálfarar, fararstjórar, foreldrar og venslamenn. Gestir á Akranesi um mótstímann eru því fjölmargir. Þess má geta að kanadískt lið keppti á Akranesleikunum, gerði það mótið alþjóðlegt. Ágúst Júlíusson átti stigahæsta sundið, SH reyndist sigurvegari mótsins og Óðinn þrúðasta liðið.

Akranesmeistaramót

Akranesmeistaramót fór fram á Jaðarsbökkum fimmtudagskvöldið 27. september. 33 sundmenn, 11 ára og eldri tóku þátt og var mótið mjög vel heppnað. Fjölmargir voru á sundlaugarbakkanum til að hvetja sundmennina. Akranesmeistarar 2018 voru eftirtaldir :

- 11 - 12 ára: Guðbjarni Sigþórsson og Freyja Hrönn Jónsdóttir.
- 13 - 14 ára: Kristján Magnússon og Ragnheiður Karen Ólafsdóttir
- 15 og eldri: Atli Vikar Ingimundarson og Brynhildur Traustadóttir sem jafnframt áttu stigahæstu sundin.

Ýmis sundmót

Sundmenn frá SA sækja fjölmörg sundmót og eru þau helstu talin hér upp sem A, B og C hópar tóku þátt í: RIG 2018 15 sundmenn, Gullmót KR 26, Fjölnismót 25, Páskamót SA 25, Ásvallamót SH 15, ÍM50 11, Farum Cup Danmark 14, ÍRB - mót 22, Akranesleikar 43, AMI 21, Sprengimót Óðins 12, Hafsport Ármanns 17, Akranesmeistaramót 29, Bikarmót SSÍ 19, SH Extramót 9, Speedomót IRB 16, ÍM 25 11, Landsbankamót 24 og Málmtækimót Fjölnis 22 sundmenn.

Fyrir yngstu iðkendurnar voru innanfélagsmót líkt og Landsbankamótið aðalviðburðirnir. Hátt á fjórða tug krakka syntu á þeim mótum. Jafnframt fara þessir ungu sundmenn á stór gistimót í Reykjanesbæ og Reykjavík. Þessi aldurshópur hlakkar alltaf jafnmikið til að taka þátt í slíkum verkefnum.

Uppskeruhátíð

Uppskeruhátíð SA var haldin í nóvember. Fyrr um daginn var Landsbankamótið en eftir það mættu krakkarnir á uppskeruhátíð sem haldin var í Brekkubæjarskóla og þar fengu þau öll þátttökuverðlaun.

Á hátíðinni voru viðurkenningar veittar til eldri sundmanna. Sundmaður Akraness 2018 varð eins og áður greinir Brynhildur Traustadóttir, stigahæsti sundmaður Akraness. Brynhildur æfir vel, er góð fyrirmynd og félaginu til sóma.



Félagabikarinn fékk Atli Vikar Ingimundarson og er hann vel að honum kominn. Atli hefur verið vítamínsprauta fyrir aðra sundmenn á bakkanum og í lauginni. Hann heldur vel utanum krakkana er duglegur að hvetja þau og hefur staðið fyrir skemmtilegum bakkaupphitunum á mótum. Bikarinn er veittur til minningar um þá Arnar Frey Sigurðsson og Karl Kristin Kristjánsson.

Ingunnarbikarinn er veittur fyrir stigahæsta bringusundið 12 ára og yngri og er gefinn til minningar um Ingunni Guðlaugsdóttur. Bikarinn vann Aldís Thea Daníelsdóttir Glad fyrir 200 bringusund á tímanum 3.31,45 sem gera 284 fina stig.

Viðurkenningu fyrir bestu ástundun og framfarir fengu :

Meyjur:	Helga Rós Ingimarsdóttir
Sveinar:	Mateuz Kuptel
Telpur:	Guðbjörg Bjartey Guðmundsdóttir
Drengir:	Kristján Magnússon
Stúlkur:	Lára Jakobína Gunnarsdóttir
Piltar:	Enrique Snær Llorens

Viðurkenningu fyrir stigahæstu sundin hlutu:

Meyjur:	Aldís Thea Daníelsdóttir Glad, 284 stig, 200 bringusund 3.31.45 (50m laug)
Sveinar:	Guðbjarni Sigþórsson, 281 stig, 100 skriðsund 1.11.58 (50m laug)
Telpur:	Ragnheiður Karen Ólafsdóttir, 538 stig, 100 bringusund 1.16.66
Drengir:	Kristján Magnússon, 430 stig, 800 skriðsund 9.47.51
Stúlkur :	Brynhildur Traustadóttir, 705 stig, 400 skriðsund 4.23.41
Piltar:	Sindri Andreas Bjarnason, 541 stig, 200 skriðsund 2.01.90
Karlar:	Ágúst Júlíusson 662 stig, 50m flugsund 25.01

Sumarsund

Ekkert sumarsund var í sumar á vegum SA þar sem ekki fékkst þjálfari til verksins.

Faxaflóasund

Faxaflóasundið var að þessu sinni þreytt í blíðskaparveðri þann 9. september. Fjölmargir sundmenn tóku þátt í sjósundinu. Að venju var atburðurinn notaður til fjáröflunar vegna farar elsta sundhópsins í æfingabúðir á Spáni.

Útvarp Akraness

Útvarp Akraness sem hefur verið fastur liður í tilveru Akurnesinga í upphafi aðventu í 30 ár. Að venju nutu bæjarbúar vandaðrar dagskrár. Útvarpið er notað til fjáröflunar fyrir starfsemi SA.

Annað

Aðrar fjáraflanir hafa verið með svipuðu sniði og mörg undanfarin ár; rekstur ljósabekkja, auglýsingaskilti á sundlaugarbakkanum, kleinusala, vinna á þorablóti Skagamanna, útburður blaða og tilkynninga, vörutalningar, flatkökusala og ýmislegt fleira sem til fellur en þessir



fjármunir eru nauðsynlegir til að greiða niður gjöld sundmanna. Þá hefur styrkur Akraneskaupstaðar til íþróttafélaganna vegna þjálfunar barna og ungmenna verið félaginu mikilvægur sem og fjárframlag Íþróttabandalags Akraness. Viljum við þakka þeim fjölmörgu félögum, fyrirtækjum og einstaklingum sem lagt hafa félaginu lið.

Lokaorð

Ýmislegt fleira hefur verið gert en verður ekki talið upp hér. Æfingaaðstaðan er óbreytt. Yngri hóparnir eru í Bjarnalaug og þrír elstu hóparnir í Jaðarsbakkalaug. Nefnd á vegum Akraneskaupstaðar um framtíðaruppbyggingu á Jaðarsbökkum var komið á fót sumarið 2017. Hittu forsvarsmenn SA nefndina eftir að hafa undirbúið vel og vandlega kynningu til handa nefndarmönnum. Við vonum að málið um innisundlaug þokist í þá átt að fá 50m sundlaug sem nýtist bæði SA og ekki síst öllum almenningi á Akranesi.

Sundmennirnir okkar spanna vítt aldursbil, eða frá 3. mánaða og upp í fólk á sextugsaldri. Í hópunum eru 293 manns. Þeir yngstu eru í sundskólanum Fjörfiskum og þeir elstu í Görpum. Það er sama á hvaða aldri þú ert, þú ættir að geta fundið hóp við þitt hæfi hjá SA.

Vélhjólaíþróttafélag Akraness

Aðalfundur félagsins var haldinn þriðjudaginn 19. febrúar í Íþróttamiðstöðinni að Jaðarsbökkum.

Á aðalfundinum var ársskýrsla stjórnar samþykkt sem og ársreikningar.

Stjórn félagsins árið 2018 – 2019:

Formaður:	Jóhann Pétur Hilmarsson
Varaformaður :	Þorbjörn Heiðar Heiðarsson
Gjaldkeri:	Guðrún Hjaltalín
Ritari:	Petronella Kristjánsdóttir
Brautarstjóri:	Sveinbjörn Reyr Hjaltason

Fjáraflanir og fjármálaleg staða

Vífa annast daglegan rekstur á Akrabraut og fær til þess fjárhagsaðstoð hjá Akraneskaupstað, einnig eru þeir fjármunir notaðir til uppbyggingar á svæðinu.

Vífa er duglegt við að sækja um styrki hjá hliðhollum fyrirtækjum í bæjarfélaginu og fær einnig styrki hjá ÍA, t.d. Lottópeninga, úr Þorgeir og Ellert – Skaginn 3X styrknum og fleira. Kom rekstur félagsins út með hagnaði árið 2018.

Iðkendafjöldi, flokkar og þjálfaramál

Þjálfarar hafa verið Ingvi Björn Birgisson Íslandsmeistari í motocross og enduroakstri, og Örn Sævar Hilmarsson. Þeir hafa séð um motocross þjálfunina hjá unglingunum og yngri

krökkunum. Jóhann Pétur hefur séð um styrktarþjálfunina yfir vetrarmánuðina. Íðkendafjöldi er rétt um 80 félagar.

Helstu viðburðir og þættir í starfi félagsins

Íslandsmeistaramót var haldið þann 21. júlí í Akrabraut. Þar gekk allt vel fyrir sig. Félagsmenn hjálpuðust að við undirbúning mótsins og sáu um flöggun á mótinu. Vífa hefur verið í samstarfi við Vinnuskólann undanfarin ár, það samstarf hefur gengið mjög vel og vonandi heldur það samstarf áfram. Nýtt æfingasvæði var tekið í notkun, það er staðsett til hliðar við Akrabraut. Það eru 20 krappar U - beygjur sem þjálfar mikið beygjuhæfni ökumanns.

3000 rúmmetrum af sandi var keyrt í brautina í janúar 2017, sú aðgerð gjörbreytir brautinni. Hún þolir margfallt meiri rigningu og verður fyrir vikið mun meira nothæf.

Yfir vetrarmánuðina stunda félagsmenn Vífa ísakstur á einkalandi inni Hvalfirði, með leyfi landeigandans. Er það góð viðbót í fjölbreytnina í sportinu.

Þátttaka og gengi í mótum

Félagar Vífa tóku þátt í öllum mótum sem voru haldin á vegum MSÍ árið 2017. Áttum við félagsmann á verðlaunapalli í flestum mótanna (öllum í motocrossi og einu í enduroakstri). Einn félagsmaður var þriðji til Íslandsmeistara í 40+ flokki í motocross og var hann tilnefndur til íþróttamanns Akraness hjá félaginu.





Framtíðarsýn

Motocross iðkendur á landinu bíða eftir að vörugjöld verði felld niður af motocross hjólum. Alþingi hefur samþykkt tillögu/frumvarp um þetta en tollstjóri neitar að verða við þessu. Það sem mest háir þessu sporti er hversu dýrt er að kaupa sér hjól og allan öryggisbúnað sem er nauðsynlegur til að stunda þetta sport. Þess vegna er þetta mikið hagsmunamál fyrir félagið með framtíðarsýn í huga.

Annars lítur Vífa björtum augum á framtíðina, svæðið er frábært og eitt það besta á landinu. Iðkendum fer alltaf aðeins fjölgandi og hefur félagið frábæra þjálfara innan handar. Félagið stefnir á að eignast 1 - 2 krakkahjól, svo áhugasamir geti prufað sportið áður en þeir þurfa að kaupa sér allt það sem til þarf.

Lokaorð og þakkir

Vífa vill þakka verktakafyrirtækinu **Þrótti** fyrir ómælda aðstoð við að koma sandi í brautina á árinu 2018. Einnig þökkum við fyrirtækjunum GT tækni og Meitli fyrir að standa þétt við bakið á félaginu í tæp 10 ár.

Íþróttafélagið Þjótur

Stjórn Þjóts 2018 – 2019:

Formaður:	Sigurlaug Njarðardóttir
Varaformaður:	Freyja Þöll Smáradóttir
Ritari:	Hörður Svavarsson
Gjaldkeri:	Jón Þórir Guðmundsson
Meðstjórnandi:	Bjarki Georgsson

Varamenn:

Emma Rakel Björnsdóttir
Áslaug Þorsteinsdóttir

Stjórnarfundir voru 2 á árinu. Auk þeirra voru samskipti á facebooksíðu stjórnar um mál og málefni sem komu upp á árinu og þurfti að leysa.

Aðalfundur Þjóts var haldinn í sal Brekkubæjarskóla 22. mars 2018.

Sigurlaug Njarðardóttir formaður Þjóts setti fundinn. Fundarstjóri var Pétur Georgsson. Á dagskrá fundarins voru hefðbundin aðalfundarstörf. Varaformaður las upp ársskýrslu stjórnar sem innihélt samantekt af starfi stjórnar og félagsins, iðkendafjölda, þjálfaramál, þátttöku á mótum og árangur iðkenda. Formaður gerði síðan ársreikningum skil. Ársreikningur og skýrsla stjórnar voru borin undir fundinn og bæði samþykkt samhljóða.



Kosið var í stjórn Þjóts. Fundarstjóri stýrði kosningum og bar upp þær tillögur sem fyrir lágu. Sigurlaug Sæunn Njarðardóttir var kosin í aðalstjórn og verður formaður áfram. Freyja Þöll Smáradóttir var kosin í aðalstjórn og verður varaformaður. Hörður Svavarsson var kosinn í aðalstjórn og verður áfram ritari. Áslaug Þorsteinsdóttir var kosin til áframhaldandi setu í stjórn félagsins. Emma Rakel Björnsdóttir var kosin til áframhaldandi setu í stjórn félagsins. Andrés Ólafsson var kosinn endurskoðandi félagsins og honum færðar þakkir fyrir störf hans á liðnu ári.

Samþykkt var tillaga frá stjórn félagsins um að félagsgjöldin yrðu 1800 krónur.

Viðurkenningar til félagsmanna á árinu 2018 voru:

Hvatningabíkar ÍF hlaut: Áslaug Þorsteinsdóttir.

Lýðsbíkarinn hlaut: Aldís Helga Egilsdóttir.

Hvatningabíkar Þjóts til yngri iðkenda sem sýnir góða ástundun og/eða framfarir hlaut: Helena Rut Káradóttir.

Íþróttamaður Þjóts árið 2018: Guðmundur Örn Björnsson.

Fundarstjóri sleit fundi og boðið var upp á veitingar. Alls mættu 32 á fundinn auk stjórnarmeðlima.

Fjárafilanir og fjármálaleg staða

Meðfylgjandi er ársreikningur félagsins fyrir starfsárið. Innkoma er af félags- og æfingagjöldum félagsmanna og iðkenda. Fjáröflun var sjálfboðastarf á Þorablóti Skagamanna. Ekki voru seld jólakort þetta árið þar sem ÍF bauð ekki upp á það.

Styrkir

Þjótur fékk rekstrarstyrk frá Akraneskaupstað, ÍA og Lottótekjur alls kr 1.192.170.

Iðkendafjöldi, flokkar og þjálfaramál

Iðkendafjöldi árið 2018 voru 19 einstaklingar. Lítil endurnýjun hefur verið á iðkendum. Iðkendur eru eins og undanfarin ár blandaður hópur á öllum aldri en 18 ára og eldri er stærsti hópurinn. Nokkur hreyfing var í þjálfaramálum árið 2018. Æfingar á vorönn hófust í janúar og æfingar á haustönn hófust í september.

Þjótur bauð upp á æfingar í eftirtöldum íþróttagreinum á starfsárinu:

Boccia: Þjálfarar á vorönn 2018 voru Hafsteinn Helgi Jóhannesson og Ingileif Egilsdóttir ásamt Freyju Þöll Smáradóttur. Æfingar voru tvisvar sinnum í viku, mánudaga og fimmtudaga. Þjálfarar á haustönn 2018 voru Hafsteinn Helgi Jóhannesson og Sigurjón Jónsson.

Sund: Sundþjálfari á vorönn var Sólrún Sigþórsdóttir og á haustönn var Bjarney Guðbjörnsdóttir til að byrja með en síðan tók Sigurður Sigurðsson við á miðri önn. Eins og áður voru tvær sundæfingar á viku, á þriðjudögum í Bjarnalaug og á fimmtudögum á Jaðarsbökkum.

Sundleikfimi: Þjálfari var Sigurður Sigurðsson. Æfingar voru 1x í viku.

Helstu viðburðir og þættir í starfi félagsins.

Pizzupartý var haldið í desember 2018 sem tókst mjög vel.

Félagið greiddi niður ferðakostnað og gistingu vegna þátttöku í mótum sem félagið tók þátt í. Aðalstjórnarfundir og Ársþing ÍA

Þátttaka og gengi á mótum.

Sund:

Áslaug, Emma, Helena og Stefán fóru á Asparmótið í sundi. Mótið gekk vel, það var haldið að þessu sinni í Sundhöll Reykjavíkur.

Boccia:

Íslandsmót ÍF í sveitakeppni: Engin verðlaunasæti en keppendur stóðu sig vel.

Hængsmót á Akureyri: Alls fóru 9 keppendur frá Þjóti. Allir keppendur stóðu sig vel.

Íslandsmót í einstaklingskeppni: Það fóru 9 keppendur frá Þjóti til Vestmannaeyja á Íslandsmótið og stóðu allir sig vel. Einn keppandi náði á verðlaunapall, Jóhanna Nína varð í 2. sæti í 3. deild.

Innanfélagsmót í Boccia: Guðmundur Örn Björnsson stóð uppi sem sigurvegari.

Íþróttamaður Þjóts 2018 er Jóhanna Nína Karlsdóttir.



Framtíðarsýn og aðrar hugleiðingar

Félagið þarf ávallt að vera vakandi fyrir því að aðgengi fatlaðs fólks sé eins og best er á kosið. Nú þegar uppbygging á íþróttasvæðum er mikið í umræðu er enn mikilvægara að minna á og passa upp á aðgengi fyrir fatlað fólk og vera vakandi fyrir auknum tækifærum til að auka starf



félagsins með nýjum greinum til að æfa og fjölga tækifærum fólks í hjólastólum til að stunda fleiri íþróttagreinar.

Lítil endurnýjun hefur verið hjá Þjóti og hefur stjórnin velt fyrir sér hvort börn með fötlun séu í öðrum íþróttagreinum (án aðgreiningar) eða hvort aðrar ástæður séu fyrir hendi.

Með byggingu nýs fimleikahúss sjáum við möguleika á að Þjótur fái aðgang að fleiri tímum og stærra plássi í íþróttahúsi þannig að bæði verði hægt að æfa á löglegum boccia völlum og jafnvel bjóða upp á fleiri íþróttagreinar.



Ársreikningar aðildarfélaga ÍA



Badmintonfélag Akraness

Rekstrarreikningur

Tekjur

Framlög og styrkir	2.065.368
Tekjur af mótum	469.323
Æfingagjöld	1.581.459
Aðrar tekjur	3,275,424
TEKJUR ALLS	7.391.574

Gjöld

Laun og verktakagreiðslur	4.684.065
Kostnaður v/mótahalds	179.914
Rekstur skrifstofu	205.430
Önnur gjöld	2.790.616
Gjöld alls fyrir fjármagnsliði	7.860.025

Hagnaður/tap fyrir fjármagnsliði -468.451

Fjármagnsliðir 42.934

GJÖLD ALLS 7.902.959

HAGNAÐUR/TAP 511.385

Efnahagsreikningur

Eignir

Fastafjármunir	0
Veltufjármunir	1.004.594
EIGNIR ALLS	1.004.594

Eigið fé 957.826

Skuldir

Langtímaskuldir	0
Skammtímaskuldir	46.768
SKULDIR ALLS	46.768

SKULDIR OG EIGIÐ FÉ ALLS 1.004.594

Blakfélagið Bresi

Rekstrarreikningur

Tekjur

Framlög og styrkir	313.421
Tekjur af mótum	343.949
Félagsgjöld	1.280.272
TEKJUR ALLS	1.937.642

Gjöld

Laun og verktakagreiðslur	556.000
Búningar, áhöld og tæki	27.000
Þátttaka í mótum	330.000
Kynning, fræðsla og útbr.	18,515
Önnur gjöld	51.730
Gjöld alls fyrir fjármagnsliði	983.245

Hagnaður/tap fyrir fjármagnsliði 954.397

Fjármagnsliðir -3.258

GJÖLD ALLS 979.987

HAGNAÐUR/TAP 957.655

Efnahagsreikningur

Eignir

Fastafjármunir	
Veltufjármunir	1.652.052
EIGNIR ALLS	1.652.052

Eigið fé 1.513.052

Skuldir

Langtímaskuldir	0
Skammtímaskuldir	139.000
SKULDIR ALLS	139.000

SKULDIR OG EIGIÐ FÉ ALLS 1.652.052



Fimleikafélag Akraness

Rekstrarreikningur

Tekjur

Framlög og styrkir	11.622.862
Tekjur af mótum	7.928.267
Æfingagjöld	25.757.087
Aðrar tekjur	522.015
TEKJUR ALLS	45.830.231

Gjöld

Laun og verktakagreiðslur	30.858.347
Búningar, áhöld og tæki	2.117.258
Ferðakostnaður og þátttaka í mótum	5.270.810
Ferðakostnaður v/móta erlendis	3.807.222
Kostnaður v/mótahalds	1.417.394
Rekstur mannvirkja	404.671
Önnur gjöld	1.128.945
Gjöld alls fyrir fjármagnsliði	45.004.647

Hagnaður/tap fyrir fjármagnsliði **825.584**

Fjármagnsliðir **-180.934**

GJÖLD ALLS **44.823.713**

HAGNAÐUR/TAP **1.006.518**

Efnahagsreikningur

Eignir

Fastafjármunir	0
Veltufjármunir	13.864.310
EIGNIR ALLS	13.864.310

Eigið fé **12.936.016**

Skuldir

Langtímaskuldir	
Skammtímaskuldir	928.294
SKULDIR ALLS	928.294

SKULDIR OG EIGIÐ FÉ ALLS **13.864.310**

Golfklúbburinn Leynir

Rekstrarreikningur

Tekjur

Framlög og styrkir	11.952.930
Tekjur af mótum	11.077.559
Húsa- og vallarleigutekjur	30.753.739
Félagsgjöld	24.665.490
Aðrar tekjur	287.000
TEKJUR ALLS	78.736.718

Gjöld

Laun og verktakagreiðslur	40.820.520
Þátttaka í mótum	1.328.312
Kostnaður v/mótahalds	5.232.675
Rekstur mannvirkja	33.776.754
Rekstur skrifstofu	2.109.520
Kynning, fræðsla og útbr.	780.026
Önnur gjöld	3.835.016
Gjöld alls fyrir fjármagnsliði	87.882.823

Hagnaður/tap fyrir fjármagnsliði **-9.146.105**

Fjármagnsliðir og fyrningar **1.684.836**

GJÖLD ALLS **89.567.659**

HAGNAÐUR/TAP **-10.830.941**

Efnahagsreikningur

Eignir

Fastafjármunir	108.310.376
Veltufjármunir	13.929.045
EIGNIR ALLS	122.239.421

Eigið fé **87.932.025**

Skuldir

Langtímaskuldir	26.467.932
Skammtímaskuldir	7.839.464
SKULDIR ALLS	34.307.396

SKULDIR OG EIGIÐ FÉ ALLS **122.239.421**



Hestamannafélagið Dreyri

Hnefaleikafélag Akraness

Rekstrarreikningur

Tekjur

Framlög og styrkir	7.119.485
Tekjur af mótum og námsk.	1.265.500
Húsa- og vallarleigutekjur	390.000
Félagsgjöld	1.160.000
Aðrar tekjur	2.829.299
TEKJUR ALLS	12.764.284

Gjöld

Laun og verktakagreiðslur	
Búningar, áhöld og tæki	939.831
Þátttaka í mótum	1.625.960
Kostnaður v/mótahalds	1.230.180
Rekstur mannvirkja	3.994.788
Rekstur skrifstofu	853.078
Önnur gjöld	338.730
Gjöld alls fyrir fjármagnsliði	8.982.567

Hagnaður/tap fyrir fjármagnsliði 3.781.717

Fjármagnsliðir og fyrningar -141.674

GJÖLD ALLS 8.840.893

HAGNAÐUR/TAP 3.923.391

Efnahagsreikningur

Eignir

Fastafjármunir	40.015.000
Veltufjármunir	10.473.240
EIGNIR ALLS	50.488.240

Eigið fé 50.234.138

Skuldir

Langtímaskuldir	0
Skammtímaskuldir	254.102
SKULDIR ALLS	254.102

SKULDIR OG EIGIÐ FÉ ALLS 50.488.240

Rekstrarreikningur

Tekjur

Framlög og styrkir	1.163.621
Tekjur af mótum	30.000
Æfingagjöld	397.752
Aðrar tekjur	0
TEKJUR ALLS	1.591.373

Gjöld

Laun og verktakagreiðslur	961.500
Áhöld og tæki	190.551
Þátttaka í mótum	10.000
Kostnaður v/ mótahalds	46.900

Gjöld alls fyrir fjármagnsliði 1.208.951

Hagnaður/tap fyrir fjármagnsliði 382.422

Fjármagnsliðir -1.327

GJÖLD ALLS 1.207.624

HAGNAÐUR/TAP 383.749

Efnahagsreikningur

Eignir

Fastafjármunir	0
Veltufjármunir	757.977
EIGNIR ALLS	757.977

Eigið fé 757.977

Skuldir

Langtímaskuldir	0
Skammtímaskuldir	0
SKULDIR ALLS	0

SKULDIR OG EIGIÐ FÉ ALLS 757.977



Íþróttafélagið Þjótur

Rekstrarreikningur

Tekjur

Fjárafánir, framlög og styrkir	1.192.170
Félagsgjöld	63.000
Æfingagjöld	408.000
TEKJUR ALLS	1.663.170

Gjöld

Laun og verktakagreiðslur	1.145.577
Ferðakostnaður v/móta innanl.	543.215
Þátttaka í mótum	8.000
Önnur gjöld	161.472
Gjöld alls fyrir fjármagnsliði	1.858.264

Hagnaður/tap fyrir fjármagnsl. -195.094

Fjármagnsliðir -38.670

GJÖLD ALLS 1.819.594

HAGNAÐUR/TAP -156.424

Efnahagsreikningur

Eignir

Fastafjármunir	0
Veltufjármunir	2.379.497
EIGNIR ALLS	2.379.497

Eigið fé 2.264.305

Skuldir

Langtímaskuldir	0
Skammtímaskuldir	115.192
SKULDIR ALLS	115.192

SKULDIR OG EIGIÐ FÉ ALLS 2.379.497

Karatefélag Akraness

Rekstrarreikningur

Tekjur

Framlög og styrkir	642.764
Æfingagjöld	1.674.644
Aðrar tekjur	109.741
TEKJUR ALLS	2.427.149

Gjöld

Laun og verktakagreiðslur	1.234.388
Ferðakostnaður v/móta innanl.	0
Ferðakostnaður v/móta erl.	332.587
Þátttaka í mótum	366.500
Kynning, fræðsla og útbr.	86.650
Önnur gjöld	155.996
Gjöld alls fyrir fjármagnsliði	2.176.121

Hagnaður/tap fyrir fjármagnsl. 251.028

Fjármagnsliðir

GJÖLD ALLS 2.176.121

HAGNAÐUR/TAP 251.028

Efnahagsreikningur

Eignir

Fastafjármunir	0
Veltufjármunir	1.838.524
EIGNIR ALLS	1.838.524

Eigið fé 1.838.524

Skuldir

Langtímaskuldir	0
Skammtímaskuldir	0
SKULDIR ALLS	0

SKULDIR OG EIGIÐ FÉ ALLS 1.838.524



Körfuknattleiksfélag Akraness

Rekstrarreikningur

Tekjur

Fjárafánir og styrkir	4.858.847
Tekjur af mótum	256.050
Æfingagjöld	3.975.462
TEKJUR ALLS	9.090.359

Gjöld

Laun og verktakagreiðslur	5.308.573
Búningar, boltar og tæki	374.075
Ferðakostnaður v/móta innanl.	1.256.718
Þátttaka í mótum	1.625.729
Kostnaður v/mótahalds	0
Rekstur mannvirkja og húsal.	467.500
Kynning, fræðsla og útbr.	34.000
Önnur gjöld	113.966
Gjöld alls fyrir fjármagnsliði	9.180.561

Hagnaður/tap fyrir fjármagnsl. -90.202

Fjármagnsliðir og afskriftir 6.659

GJÖLD ALLS 9.187.220

HAGNAÐUR/TAP -96.861

Efnahagsreikningur

Eignir

Fastafjármunir	0
Veltufjármunir	717.428
EIGNIR ALLS	717.428

Eigið fé 717.428

Skuldir

Langtímaskuldir	0
Skammtímaskuldir	0
SKULDIR ALLS	0

SKULDIR OG EIGIÐ FÉ ALLS 717.428

Knattspyrnufélagið Kári

Rekstrarreikningur

Tekjur

Framlög og styrkir	5.348.352
TEKJUR ALLS	5.348.352

Gjöld

Laun og verktakagreiðslur	1.650.000
Styrkir til deilda	0
Félagaskipti og kaup leikmanna	12.000
Búningar, áhöld og tæki	1.192.553
Ferðakostnaður v/móta innanl.	1.436.354
Þátttaka í mótum	50.000
Kostnaður v/ mótahalds	495.007
Önnur gjöld	535.308
Gjöld alls fyrir fjármagnsliði	5.371.222

Hagnaður/tap fyrir fjármagnsl. -22.870

Fjármagnsliðir 0

GJÖLD ALLS 5.371.222

HAGNAÐUR/TAP -22.870

Efnahagsreikningur

Eignir

Fastafjármunir	0
Veltufjármunir	528.694
EIGNIR ALLS	528.694

Eigið fé 528.694

Skuldir

Langtímaskuldir	0
Skammtímaskuldir	0
SKULDIR ALLS	0

SKULDIR OG EIGIÐ FÉ ALLS 528.694



Keilufélag Akraness

Rekstrarreikningur

Tekjur

Framlög og styrkir	2.724.964
Húsa- og vallahleigutekjur	1.648.400
Æfingagjöld	1.304.678
TEKJUR ALLS	5.678.042

Gjöld

Laun og verktakagreiðslur	492.780
Félagaskipti og sala leikmanna	12.000
Áhöld og tæki	2.662.365
Þátttaka í mótum	1.041.292
Kostnaður v/mótahalds	371.456
Rekstur mannvirkja	300.027
Rekstur skrifstofu	172.129
Kostn. v/samkeppnisreksturs	93.436
Önnur gjöld	120.000
Gjöld alls fyrir fjármagnsliði	5.265.485

Hagnaður/tap fyrir fjármagnsl. 412.557

Fjármagnsliðir -73.327

GJÖLD ALLS 5.192.158

HAGNAÐUR/TAP 485.884

Efnahagsreikningur

Eignir

Fastafjármunir	5.024.314
Veltufjármunir	366.025
EIGNIR ALLS	5.390.339

Eigið fé 4.524.344

Skuldir

Langtímaskuldir	499.998
Skammtímaskuldir	365.997
SKULDIR ALLS	865.995

SKULDIR OG EIGIÐ FÉ ALLS 5.390.339

Klifurfélag ÍA

Rekstrarreikningur

Tekjur

Framlög og styrkir	2.469.643
Félags- og æfingagjöld	2.087.303
Aðrar tekjur	101.071
TEKJUR ALLS	4.658.017

Gjöld

Laun og verktakagreiðslur	431.128
Áhöld og tæki	10.935
Þátttaka í mótum	6.457
Kostnaður v/mótahalds	67.502
Rekstur mannvirkja	4.895.916
Kynning, fræðsla og útbr.	9.500
Önnur gjöld	26.370
Gjöld alls fyrir fjármagnsliði	5.447.808

Hagnaður/tap fyrir fjármagnsl. -789.791

Fjármagnsliðir og afskriftir -13.580

GJÖLD ALLS 5.434.228

HAGNAÐUR/TAP -776.211

Efnahagsreikningur

Eignir

Fastafjármunir	0
Veltufjármunir	628.171
EIGNIR ALLS	628.171

Eigið fé 628.171

Skuldir

Langtímaskuldir	0
Skammtímaskuldir	0
SKULDIR ALLS	0

SKULDIR OG EIGIÐ FÉ ALLS 628.171



Knattspyrnufélag ÍA

Rekstrarreikningur

Tekjur

Framlög og styrkir	90.533.023
Tekjur af mótum	32.094.232
Félagsgjöld og sala leikm.	73.764.056
Æfingagjöld	31.041.962
Aðrar tekjur	25.633.543
TEKJUR ALLS	253.066.816

Gjöld

Laun og verktakagreiðslur	51.914.837
Afreksstyrkir og hlunnindi leikm.	47.606.667
Félagaskipti og kaup leikmanna	400.000
Búningar, áhöld og tæki	3.947.527
Kostnaður v/mótahalds	13.895.794
Rekstur mannvirkja og húsaleiga	549.494
Rekstur skrifstofu	8.589.587
Önnur gjöld	78.645.010

Gjöld alls fyrir fjármagnsliði 205.548.916

Hagnaður/tap fyrir fjármagnsliði 47.517.900

Fjármagnsliðir 155.872

GJÖLD ALLS 205.704.788

HAGNAÐUR/TAP 47.362.028

Efnahagsreikningur

Eignir

Verðgildi leikmanna	9.500.000
Fastafjármunir	187.981
Veltufjármunir	62.931.023
EIGNIR ALLS	72.619.004

Eigið fé 67.304.074

Skuldir

Langtímaskuldir	0
Skammtímaskuldir	5.314.930
SKULDIR ALLS	5.314.930

SKULDIR OG EIGIÐ FÉ ALLS 72.619.004

Kraftlyftingafélag Akraness

Rekstrarreikningur

Tekjur

Framlög og styrkir	320.304
Tekjur af mótum	290.000
Félagsgjöld	200.762
TEKJUR ALLS	811.066

Gjöld

Þátttaka í mótum	145.000
Kostnaður v/mótahalds	192.401
Önnur gjöld	104.792
Gjöld alls fyrir fjármagnsliði	442.193

Hagnaður/tap fyrir fjármagnsliði 368.873

Fjármagnsliðir 800

GJÖLD ALLS 442.993

HAGNAÐUR/TAP 368.073

Efnahagsreikningur

Eignir

Fastafjármunir	0
Veltufjármunir	716.525
EIGNIR ALLS	716.525

Eigið fé 716.525

Skuldir

Langtímaskuldir	0
Skammtímaskuldir	0
SKULDIR ALLS	0

SKULDIR OG EIGIÐ FÉ ALLS 716.525

**Sigurfari****Skotfélag Akraness****Rekstrarreikningur****Rekstrarreikningur****Tekjur**

Framlög og styrkir	529.316
Félagsgjöld	160.000
Aðrar tekjur	0
TEKJUR ALLS	689.316

Tekjur

Framlög og styrkir	3.938.421
Tekjur af mótum	220.500
Félagsgjöld	1.184.500
Æfingagjöld	937.314
Aðrar tekjur	227.000
TEKJUR ALLS	6.507.735

Gjöld

Laun og verktakagreiðslur	40.000
Áhöld og tæki	476.000
Kynning, fræðsla og útbr.	14.267
Önnur gjöld	
Gjöld alls fyrir fjármagnsliði	530.267

Gjöld

Kostnaður v/mótahalds	164.431
Rekstur mannvirkja	4.988.227
Önnur gjöld	815.486
Gjöld alls fyrir fjármagnsliði	5.968.144

Hagnaður/tap fyrir fjármagnsliði	159.049
---	----------------

Hagnaður/tap fyrir fjármagnsl.	539.591
---------------------------------------	----------------

Fjármagnsliðir	33
-----------------------	-----------

Fjármagnsliðir	-16.472
-----------------------	----------------

GJÖLD ALLS	530.300
-------------------	----------------

GJÖLD ALLS	5.951.672
-------------------	------------------

HAGNAÐUR/TAP	159.016
---------------------	----------------

HAGNAÐUR/TAP	556.063
---------------------	----------------

Efnahagsreikningur**Efnahagsreikningur****Eignir**

Fastafjármunir	476.000
Veltufjármunir	787.979
EIGNIR ALLS	1.263.979

Eignir

Fastafjármunir	4.919.773
Veltufjármunir	1.354.680
EIGNIR ALLS	6.274.453

Eigið fé	1.263.979
-----------------	------------------

Eigið fé	6.152.902
-----------------	------------------

Skuldir

Langtímaskuldir	0
Skammtímaskuldir	0
SKULDIR ALLS	0

Skuldir

Langtímaskuldir	0
Skammtímaskuldir	121.551
SKULDIR ALLS	121.551

SKULDIR OG EIGIÐ FÉ ALLS	1.263.979
---------------------------------	------------------

SKULDIR OG EIGIÐ FÉ ALLS	6.274.453
---------------------------------	------------------

**Sundfélag Akraness****Umf. Skipaskagi****Rekstrarreikningur****Rekstrarreikningur****Tekjur**

Framlög og styrkir	3.900.064
Tekjur af mótum	3.061.811
Æfingagjöld	8.978.152
Aðrar tekjur	5.542.489
TEKJUR ALLS	21.482.516

Tekjur

Framlög og styrkir	1.137.653
Félagsgjöld	95.000
TEKJUR ALLS	1.232.653

Gjöld

Laun og verktakagreiðslur	13.806.423
Búningar, áhöld og tæki	986.309
Ferðakostnaður v/móta innanlands	300.200
Þátttaka í mótum	1.908.233
Kostnaður v/mótahalds	768.968
Rekstur mannvirkja og tækja	622.775
Önnur gjöld	2.756.655
Gjöld alls fyrir fjármagnsliði	21.149.563

Gjöld

Styrkir til deilda	500.000
Kostnaður v/mótahalds	38.250
Auglýsingar, kynning og fræðsla	17.382
Önnur gjöld	120.685
Gjöld alls fyrir fjármagnsliði	658.935

Hagnaður/tap fyrir fjármagnsl. **332.953**

Hagnaður/tap fyrir fjármagnsl. **556.336**

Fjármagnsliðir **41.736**

Fjármagnsliðir **-2.501**

GJÖLD ALLS **21.191.299**

GJÖLD ALLS **673.816**

HAGNAÐUR/TAP **291.217**

HAGNAÐUR/TAP **558.837**

Efnahagsreikningur**Efnahagsreikningur****Eignir**

Fastafjármunir	578.577
Veltufjármunir	6.136.635
EIGNIR ALLS	6.715.212

Eignir

Fastafjármunir	0
Veltufjármunir	1.596.665
EIGNIR ALLS	1.596.665

Eigið fé **6.061.566**

Eigið fé **1.596.665**

Skuldir

Langtímaskuldir	
Skammtímaskuldir	653.646
SKULDIR ALLS	653.646

Skuldir

Langtímaskuldir	0
Skammtímaskuldir	0
SKULDIR ALLS	0

SKULDIR OG EIGIÐ FÉ ALLS **6.715.212**

SKULDIR OG EIGIÐ FÉ ALLS **1.596.665**



Vélahjólaiðpróttafélag Akraness

Rekstrarreikningur

Tekjur

Framlög og styrkir	3.861.944
Tekjur af mótum	192.420
Félagsgjöld	365.625
Aðrar tekjur	5.921
TEKJUR ALLS	4.425.910

Gjöld

Laun og verktakagreiðslur	1.040.000
Áhöld og tæki	122.350
Kostnaður v/mótahalds	119.252
Rekstur mannvirkja	2.567.009
Rekstur skrifstofu	39.321
Önnur gjöld	90.555
Gjöld alls fyrir fjármagnsliði	3.978.487

Hagnaður/tap fyrir fjármagnsliði	447.423
---	----------------

Fjármagnsliðir	0
-----------------------	----------

GJÖLD ALLS	3.978.487
-------------------	------------------

HAGNAÐUR/TAP	447.423
---------------------	----------------

Efnahagsreikningur

Eignir

Fastafjármunir	700.000
Veltufjármunir	735.270
EIGNIR ALLS	1.435.270

Eigið fé	1.435.270
-----------------	------------------

Skuldir

Langtímaskuldir	0
Skammtímaskuldir	0
SKULDIR ALLS	0

SKULDIR OG EIGIÐ FÉ ALLS	1.435.270
---------------------------------	------------------

